


清楚衡雲峰沙門智祥集

法華授手

【中冊】

佛陀教育基金會印贈



一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

——恭錄自《印光大師文鈔三編卷四：靈巖山寺念誦儀規題辭》

妙法蓮華經授手卷第二之五

清楚衡雲峰沙門智祥集

信解品第四

品節云。此品來意。因四大弟子。聞如來譬喻。見身子領悟。始的信。昔果是權。悔恨痴迷。故託窮子之事。以敘本懷。曲盡父慈子頑之狀。故云信解。天台云。夫根有利鈍。惑有厚薄。說有法喻。悟有前後。二乘於法華已前。但念空無相願。於菩薩法。都無一念好樂之心。至法華會。初聞略說。上根已悟。中根未解。動執生疑。廣聞五佛。朦朧未曉。今聞譬喻。歡

喜踴躍。信發解生。疑去理明。故云信解品。又中根人聞喻說。疑惑消除。入大乘見道。云信。進入大乘修道。云解。文云。我等今日。真是聲聞。以佛道聲。令一切聞。聞圓教。入圓位。故曰信解。大窾云。二品皆以父子爲喻。前品以大富長者。喻如來貨財不匱。故言等賜大白牛車。此品以幼稚貧兒。喻弟子無心希求。故言忽得如來寶藏之分。前品寫如來慈愍。爲子之心最切。故云驚入火宅。此品寫弟子愚痴背父之事居多。故曰疾走而去。前品寫如來誘引出三界門。故云今在門外。此品寫窮子不肯入

如來室。故云住立門側。父子兩人各吐心膽。說出四十年中許多間關曲折。各極其致。至今日始得父子投機師資道合也。○問。四大弟子。是眾中之綱領。居僧之首。何先不領悟。而返動執生疑。身子何得先悟。答。看兩處敘悟之文。便知端的。由舍利弗尋常在山林樹下。自疑自悔。自咎自責。不肯甘爲小乘。終日竟夜。常懷此事。故今一聞歎佛智慧。即便生疑。一聞羅漢成佛。當時擔荷。乃云今日乃知真是佛子。得佛法分。四大弟子尋常疲懈。不疑不咎。直待如來危言激勵。又聞身子授記。然後生

疑身子代請。如來說喻。方始信解。先敘云。我等自謂已得涅槃。不知真是佛子。不復進求阿耨菩提。今聞譬喻。方知我等今者真是聲聞。真阿羅漢。所謂睡輕者一呼便應。睡熟者搖撼方驚也。要解云。諸大弟子。皆內秘外現。根非中下。悟無先後。爲助揚法化故。次第敷陳也。⑤二明中根得解。分二。⑥一經家敘喜。又二。⑦一敘內心。

爾時慧命須菩提。摩訶迦旃延。摩訶迦葉。摩訶目犍連。從佛所。聞未曾有法。世尊授舍利弗阿耨多羅三藐三菩提記。發希有心。歡喜踊躍。

經家首標四大弟子。是能信能解之人。所信所解。乃一乘上妙佛知見法。天台云。然於空生。獨曰命慧。三人皆稱摩訶者。通論皆大智慧。別論善吉得空性。以空慧爲命。又於般若中。佛命轉教敷宣。是爲慧人所命也。直指云。今旣從權入實。則實際理地。不受一塵。故以解空居首。今世門頭不捨一法。故須用頭陀爲先。演真俗不二之法。事到理到。非善論議者不可。遊權實不二之門。盡佛境界。非神通第一者。豈能致哉。故於千二百中。特舉此耳。從佛所聞等。是得喜之由。遠聞方便品法說。又見舍利

弗授記。如此聞見。皆昔所未有者。故生大歡喜也。發希有心一句。是敘近聞譬喻。則發所未發之心。故曰希有心。為信故發。信為解故有是品。名信解之意。庚二敘外儀。

即從座起。整衣服。偏袒右肩。右膝著地。一心合掌。曲躬恭敬。瞻仰尊顏。

例上身子。亦應三業領解。發希有心。屬意。從座起等。屬身。白佛屬口。此敘今有所興起之形儀也。巳二當機陳解。分二。庚初長行并七十三行偈陳解。又分二。辛一略以法說。又二。壬一正法說。又二。癸

一明昔證小不求。又二。①一標章。

而白佛言。我等居僧之首。年並朽邁。自謂已得涅槃。無所堪任。不復進求。阿耨多羅三藐三菩提。世尊往昔說法既久。我時在座。身體疲懈。但念空無相無作。於菩薩法。遊戲神通。淨佛國土。成就眾生。心不喜樂。此明昔不願求也。爲今有所信解。故將從前過狀。一一陳白。則知厭小便是解大之心。我卽迦葉自稱。等於空生日連與迦旃延也。然經家所以敘此四人者。由如來授記。唯舉此四名故。以是先標也。此敘陳有三不求。謂我等從前。皆居眾僧之首。晚

學依我爲法。卽欲改途求進。恐爲後學譏嫌。是一不求也。又則我常聞行菩薩道者。不自惜身命。難行難忍。皆欲能之。況度生任重。我等年並朽邁。是二不求也。再之自謂。蒙世尊開導。令我證得三三昧道。見思已斷。梵行已立。既不來三界受生。則無所願求。可謂于足萬足矣。雖有如世尊之三十二相。福慧具足。一箇無上菩提。自念我等無所堪任。故不復慕。是三不求也。由此三種顧惜之心。雖在如來座下。縱有時聞大乘妙理。似爲非我所有。但以疲懈身心。只念空無相無作三昧而已。於菩薩

所有遊戲神通之事。淨佛國土之心。成就眾生之志。一槩無心喜樂也。遊戲神通者。於方等會上。見維摩居士。借飯香積。手持大千。并借三萬二千師子座於燈王佛國等。皆神通遊戲也。淨佛國土是上求。成就眾生是下化。三解脫者。一空解脫門。謂觀諸法無我無我所一切俱空也。二無相解脫門。謂觀男女相一相異相皆非實有也。三無作解脫門。謂知一切法空無相卽無所作也。又曰無願解脫。卽於三界無所願求也。⑤二釋義。

所以者何。世尊令我等出於三界。得涅槃證。又今我

法華抄手卷第二之三
等年已朽邁。於佛教化菩薩阿耨多羅三藐三菩提。不生一念好樂之心。

所以者何。一句是徵詞。下方釋義。謂何故於菩薩神通淨佛國度眾生等。而不喜樂。蓋因世尊原爲我等著外道法。化令出家。使我等離三界苦。得涅槃樂。今幸遂心滿願。故不求大也。又加我等年運已邁。自忖不堪任大。況此等心志。不但從前一往如是。卽近先世尊說無量義。教諸菩薩。似亦無有一念好樂之心。此皆是我小乘輩。甘自下劣。以至如是。此自陳習小。不樂大乘之志。癸二明今會一

方得。

我等今於佛前。聞授聲聞阿耨多羅三藐三菩提記。心甚歡喜。得未曾有。不謂於今。忽然得聞希有之法。深自慶幸。獲大善利。

此明今有所證也。知音云。今於佛前下。謂般若方等時。雖聞授菩薩記。猶呵斥聲聞。今於佛前聞方便品言。但有聞法者。無一不成佛。又聞譬喻品中之等。賜大車。況明見授聲聞舍利弗記。所以甚爲歡喜。而此經此記。得未曾有也。不謂於今下。申明心喜之義。謂我等有求而得。不爲希有。今本無心

求而忽然得聞。是甚希有也。分所當得不甚慶幸。今經乃從前分所不當得者。而一旦得之。豈不深自慶幸。實可謂獲大善利矣。⑤二略舉喻。無量珍寶。不求自得。

無量珍寶。領法說中諸佛成就無量無邊。未曾有法。喻說中財富無量。兼合譬中無量禪定解脫等。不求自得一句。方出自已所信所解之義。略以法說已竟。⑥二廣以喻顯分二。⑦一開譬。又二。⑧一詔發。

世尊。我等今者樂說譬喻。以明斯義。

妙樂云。應知世禮。欲有所決。須先諮問。引發。以爲起喻之端。癸二說喻。分五。子一父子相失譬。又四。丑一捨父逃逝。

譬若有人。年旣幼稚。捨父逃逝。久住他國。或十二。至五十歲。

窮子一喻。通篇描寫諸弟子及佛窮富之狀。大窾云。然佛旣以譬喻。寫哀愍之心。我等亦應以譬喻。寫愚鈍之態。是所謂投桃報李也。天台云。譬若有人。雖四人之語。其實領二十子。喻二乘也。年幼稚者。喻無明厚重。解心無力也。捨父逃逝。卽背真逐

妄。無明運使曰逃。趣向生死曰逝。他國者。以涅槃法界爲自國。以生死五道爲他國。久住者。迷戀生死也。或十是天道。二十是人道。五十是五道。由眾生備輪諸道。故云或十等也。○問。佛捨應後。眾生起惑。是父離子去。何言捨父。答。由眾生不求大勢佛。居此無益。所以捨應他方。還成子背故也。

年既長大。加復窮困。馳騁四方。以求衣食。漸漸遊行。遇向本國。

因宿種薰。動有厭苦欣善之心。而善根增長。是年長大意。天台云。不得出離之要。爲窮爲諸苦火所

逼日困馳騁四方求衣食者。佛未出時。諸凡夫人。依身受心法起四倒。見於四倒中求正道如食。求助道如衣。雖非正修。以厭苦求理亦爲可化之緣。佛出時多諸外道得度。卽此意也。漸向本國者。明外道厭苦希脫。邪求涅槃。是漸漸遊行意。無心求佛。而今得值遇。故云遇向本國也。△向字對前捨字言。捨之而久住他國。向之卽還到本處。前言於四倒中求正助者。卽外道執常斷等見爲正。修諸苦行爲助。⊕二求子不得。

其父先來求子不得。中止一城。

法華抄三卷第二之五
直指云。喻佛愍念眾生於此八千往返。故曰先來求子。機教不扣。故曰不得。△中止一城者。如來既雙垂二相。則處於同居實報之間。故云中止。以勝身論一城。卽實報土。以劣身論一城。卽方便土也。此領前云我於二萬佛時常教化汝意來。

其家大富。財寶無量。金銀琉璃。珊瑚琥珀。玻瓈珠等。其諸倉庫。悉皆盈溢。多有僮僕。臣佐吏民。象馬車乘。牛羊無數。出入息利。乃徧他國。商賈估客。亦甚眾多。天台云。如來報身。恆居實報土。故曰家具足萬德。曰大富。具五度福。名財。智慧名寶。一一具足名。無

量。△金銀珠等。卽種種差別權智。一一充滿。是領
上長者大富義。倉以盛糧。庫以貯物。充滿爲盈。流
蕩名溢。以禪定如倉。能生百八三昧。飽滿眾生故。
以實相爲庫。能以十八空慧。徧濟眾生故。直指云。
三賢智行爲僮僕。十地理行爲臣佐。十信外凡爲
吏民。象馬二車。喻權實並運。牛羊喻方便隨順。五
十五位。從體起用。出生萬善。日出。位位攝用。歸體
曰入。十法界冥通。曰徧他國。商表差別。理行照而
常寂。賈表差別。智行寂而常照。從因至果。重重無
盡。故曰亦甚眾多。此承大白牛車莊嚴露幔意。出

入息利者一爲無量是出。無量爲一是入。又化他
之用爲出。自行之用爲入。以法出利。眾生曰息。以
化功歸己曰利。徧於三土。行於非道。通達佛道。是
徧他國義。此土菩薩往他土聽法。他方大士來此
方聞經。往來求利。有如商賈義。又徧入三土求法。
故云眾多。⑤三偶到父城。

時貧窮子。遊諸聚落。經歷國邑。遂到其父所止之城。
無大乘功德法財。故名窮子。天台云。此等退大以
來。備遭諸苦。深生厭離。妄起邪解。觀察五陰爲聚
落。十二處爲邑。十八界爲國。歷此求理。名求衣食。

由邪慧爲入正之因。感佛大悲救濟。名到父城。直指云。從外道出家。先十二年。阿含遊三十七品聚落。次八年。於方等。歷中實之邑。後二十二年。到真空之國。今來法華。方止父城。此領三車之喻而來。大窾云。雖是展轉遊行。其實未見本生之父。前說其父求子不得。中止一城。此言子遊聚落。遂到父城。父子總在一城。只是兩不相見。所謂不識廬山真面目。只緣身在此山中。是也。⑤四父爲憂念。父每念子。與子離別五十餘年。而未曾向人說如此事。但自思惟。心懷悔恨。自念老朽。多有財物。金銀珍

寶。倉庫盈溢。無有子息。一旦終沒。財物散失。無所委付。是以殷勤。每憶其子。復作是念。我若得子。委付財物。坦然快樂。無復憂慮。

此明慈父念子。直指云。喻佛觀三乘諸子。嬉戲火宅。故曰每念。化城止在內凡。自大乘初住。望如來妙覺。道果隔五十五位。故曰離別五十餘年。四十年前。但說權法。未及顯實。故曰未曾向人說如此成佛之事。况又說時未至。故曰但自思惟。未稱本懷。故曰心懷悔恨。化隨機盡。故曰自念老朽。法無相托。故曰無所委付。金銀下。總牒長者原喻。以喻

三德秘藏無機領受。故曰無有子息。將唱涅槃。故曰一旦終沒。將欲開權顯實。故曰殷勤每憶。出定雙歎權實。故曰復作是念。顯實之後。法有所託。故曰無復憂慮。此承上會三歸一意。△與子離別五十餘年。斷非久住他國之五十年也。彼從迷入迷。而淪五道。此真妄間隔。而爭五位。宜以直指所表爲當。①二父子相見。譬分二。②一子見父。譬世尊。爾時窮子。傭賃展轉。遇到父舍。住立門側。遙見其父。踞師子床。寶几承足。

此明三乘窮子遙見大富長者。喻華嚴時不覩不

聞也。直指云。初習四諦。次習方等。故曰傭賃展轉。有修有證。故以傭賃取價爲喻。初叙向理國。次敘至同城。相近空如來藏性。故曰遇到父舍。尙未契一眞法界。故曰住立門側。以二乘化城。望實報境尙遠。故曰遙見。大窾云。師子座。卽法空座也。以神通爲足。無畏爲几。所以助神通也。知音云。以身雇人曰傭。任力取直曰賃。前行曰展。復回曰轉。

諸婆羅門。刹刹居士。皆恭敬圍繞。以眞珠瓔珞。價直千萬。莊嚴其身。吏民僮僕。手執白拂。侍立左右。覆以寶帳。垂諸花幡。香水洒地。散眾名花。羅列寶物。出內

取與。有如是等種種嚴飾。威德特尊。

班列諸貴族淨行之人。旣曰恭敬圍繞。則非宮墻外望者。表地上諸法身大士也。珍珠瓔珞。乃長者身中之莊嚴。表十波羅蜜。足以嚴法身也。而曰價直千萬。則十度能開萬行法門。吏民僮僕。乃內奉外役之人。而又執白拂立左右。宜表巧方便智。白拂。卽權智之用。左右。乃二邊之名。表佛以巧方便權智。於空有二邊。運用無盡也。更得覆慈悲之寶帳。垂萬行之華幡。以智水洒眾生之心地。散名華表五眾之因修。羅列諸地真實功德。出內自他無

邊妙義。總見三身體具。四智齊圓。萬德尊嚴。威神莫測。故謂種種嚴飾。威德特尊也。直指云。從體起用。日出與。攝用歸體。曰取內。乃明體用收放故也。窮子見父。有大力勢。卽懷恐怖。悔來至此。竊作是念。此或是王。或是王等。非我傭力得物之處。

此明窮子見父。心生驚怖。喻三乘人未開佛知見。所以見大乘而生恐怖也。天台云。大勢力者智。曰大力。神通曰大勢。如上身手有力義。恐怖者。小機劣弱。怯懼大道也。悔來者。見佛以大法示之。不肯信受故也。竊作念。是擬退大之心。此或是王等。直

指云。小乘但知化城爲家。丈六主。觀尊特舍那身。爲華藏之主。爲他方之佛。此正明迷本逐末。背大向小。下劣自甘。故云非我傭力等也。不如往至貧里。肆力有地。衣食易得。若久住此。或見逼迫。強使我作。作是念已。疾走而去。

貧里者。但著偏空也。直指云。以斷惑證真。名肆力有地。有修有證。故曰衣食易得。若久住等。天台云。修大乘道。必經無量劫。故曰久住。二乘本怖生死。修大乘者。必入生死。實非本願。故曰逼迫強作也。捨大取小。故曰疾走而去。△前是背本覺。而趨五

道。故曰逃逝。此是畏大乘。而戀偏空。故曰疾走。此正領前東西馳走視父之意。⑤二父見子譬。

時富長者於師子座。見子便識。心大歡喜。卽作是念。我財物庫藏。今有所付。我常思念此子。無由見之。而忽自來。甚適我願。我雖年朽。猶故貪惜。

此明長者見子自慶。喻佛得機歡喜也。天台云。佛居第一義空。以大圓智。而鑑機也。見子便識者。知是往日結緣弟子。幸機教相扣。故生歡喜。此領法中而起大悲心。喻中卽大驚怖意。彼以大悲拔苦。故言驚怖。此言大慈與樂。故曰歡喜。作是念者。將

垂大教也。今見大機發動。稱已慈心。則大乘有託。故曰財物庫藏有付。子一日不得此一乘之利。尙在流浪。如來一日垂念下忘。故曰我常思念。欲救而機不感。是無由見之也。今有可度之機。是忽來義。稱適慈心。是適願義。下二句。釋明適願難於遽遂之由。謂雖化緣將畢。奈大機尙未相扣。猶在審慎之際。故云猶故貪惜。①三追誘相近譬。分二。②一遣傍人追。

卽遣傍人。急追將還。爾時使者。疾走往捉。窮子驚愕。稱怨大喚。我不相犯。何爲見捉。

此下領華嚴時。佛欲以一乘大教。頓授三乘。然不自說。乃命五十五位法身大士。各說一真法界。生佛平等之理。是卽遣傍人也。急追將還者。天台云。直說大教。於小乘如急追使。速憶大乘本願。故曰將還。疾走往捉者。以大乘如如理智。欲使人人直趨菩提。如大白牛。專其疾如風也。若以菩薩說法爲論。則菩薩自有神通。又得佛加被。亦能令眾生速取菩提也。窮子驚愕者。小乘雖曾發大心。久廢不憶。今忽聞大教。故驚不識境界。故愕。小乘以煩惱爲怨。生死爲苦。三界爲大牢獄。今聞煩惱卽菩

提。生死卽涅槃。還入三界。教化眾生。是稱冤枉大
叫喚也。於淨佛國土。成就眾生。心不喜樂。故云我
不相犯何爲見捉。此領上勸門擬宜無機意。
使者執之愈急。強牽將還。於時窮子。自念無罪。而被
囚執。此必定死。轉更惶怖。悶絕躡地。

使執愈急。是諸菩薩。位位談真如妙義。言初心與
究竟齊等。乃急欲成就菩提也。二乘本無心樂。卽
強牽將還意。自念無罪等者。天台云。罪。卽慈悲也。
眾生以罪故。入生死獄。菩薩以慈悲故。亦同罪入
獄。二乘無利生之志。名無罪。欲令入生死獄。如被

囚執也。無大乘方便。而入生死。必當永失二乘慧命。故云必定死也。因思念如上諸事。則轉更惶怖。強以大法投之。而小智不解。故言悶絕。起誹謗墮三途。卽躡地也。此領上誠門擬宜無機。

父遙見之。而語使言。不須此人。勿強將來。以冷水灑面。令得惺悟。莫復與語。

此并領上勸誡二門擬宜。息大乘化。天台云。遙見者。以大小懸隔。是結緣之子。故云遙見。語使言等。卽如來與諸菩薩言。不須現汝尊妙身。令二乘見。如淨名經云。攝汝身香。無令彼諸眾生而起惑著。

又普賢入娑婆。促身令小。皆此義也。勿強將來者。既無大機。若現勝身。說大乘法。不唯無益。恐返傷善根。冷水者。卽三藏灰。斷理水。除見思熱惱。面者。以厭苦爲背。趨理卽面也。醒悟者。開小教逗機。令得離煩惱悶。悟四真諦也。莫復語者。決定應息大乘教也。

所以者何。父知其子。志意下劣。自知豪貴。爲子所難。審知是子。而以方便。不語他人。云是我子。

小乘厭苦欣空。畏難大法。且任其習小。抑佛本懷也。天台云。審知者。如來已知。於二萬佛所。曾發大

心是有子義。而以方便等。於昔小乘教中。隨他語意。方便覆護。稱是聲聞。不說隨自語意。是菩薩也。使者語之。我今放汝。隨意所趣。窮子歡喜。得未曾有。從地而起。往至貧里。以求衣食。

放汝者。知大機弱。隨意者。知小善強。以此二緣。故息大化也。天台云。不爲大教所逼。故歡喜。無謗大罪。得免三途。故如從地。有小善生。故言而起。又前擬宜大法。迷悶不解。臥無明地。今逗以小。可得醒悟。故言從地而起。於四諦中。欲求道法。故言往至貧里。以求衣食。⑤二遣二人誘。分二。⑥一齊教領。

爾時長者將欲誘引其子。而設方便。密遣二人。形色憔悴。無威德者。

此下領鹿苑時也。將欲誘引者。天台云。既息大化。不容孤棄。卽設方便。故言將欲也。密遣等。今明方便。隱實爲密。指偏眞爲遣。直指云。今是劣應垂權。赴機。時屬阿含。故曰而設方便。先命地上菩薩。化作聲聞緣覺。同生五濁。內秘外現。非同急迫。故曰密遣二人。地上菩薩。理智雙隱。同示愚小。故曰憔悴。不用諸神通等事。故曰無威德。△密遣二字。正是所設之方便也。二人者。以方便權智。出於中道。

之外。卽用空有二法。化權小耳。形色憔悴等。由權智用事。不能稱性發揚。廣彰妙用故。

汝可詣彼。徐語窮子。此有作處。倍與汝直。窮子若許。將來。使作。若言。欲何所作。便可語之。雇汝除糞。我等二人。亦共汝作。

此以同事行往攝之也。直指云。詣真空處。同學般若。故命曰。汝可詣彼。徐語等也。作處者。天台云。卽見道修道。是斷見思之處。倍與汝直者。修五戒十善。止出三途。四諦十二因緣。能出三界。是爲一倍。又外道六行。但能伏惑。今修四諦。則能斷惑。得至

涅槃。是爲二倍也。窮子若許者。有機卽設教。但使除見思戲論之糞。二人共作者。約理卽智諦相資。約人卽權人共實人修行也。△除糞二字。下得奇恠。喻得恰好。

時二使人卽求窮子。旣已得之。具陳上事。爾時窮子先取其價。尋與除糞。

諸菩薩上奉佛敕。於方便土中。現隨類身。說隨類法。而得機施教。皆爲大乘作本。教菩薩法。故云具陳上事也。二乘人慕果行因。故云先取其價。○二取意領。

其父見子。愍而恠之。

愍其不發大心。恠其偏取小果。唯此是佛深生憐愍處。謂其所失者大。所得者寡。不能同佛受用也。○妙樂問。若愍念恠責。卽當以大法濟之可耳。何故密遣教其取小。答。旁迫不來。事須密遣。雖教除糞。非父本懷。欲以彰言委付。故此惜也。

又以他日。於窗牖中。遙見子身。羸瘦憔悴。糞土塵坌。污穢不淨。

○直指云。他日者。是方便以智鑑機之日。窗牖喻妙觀察智照被小機。小大相去甚遠。故曰遙見。二

乘人被我法二執。蔽覆法身。故曰糞土塵坌。五欲
蓋纏智種。故曰污穢不淨。天台云。修因智力微弱
爲羸。修因福力淺薄曰瘦。四住爲糞土。無知爲塵
坌。

卽脫瓔珞。細軟上服。嚴飾之具。更著粗弊垢膩之衣。
塵土坌身。右手執持除糞之器。狀有所畏。

此明隱勝現劣。喻華嚴雙垂二相二始同時之際也。
如來隱實報莊嚴之境。卽脫瓔珞也。以方便隨機。
示丈六身。如著弊垢衣。示生淨飯王家。現五欲八
相成道。故曰塵土坌身。依實現權。廣演三乘。故曰

右手執除糞器。亦示生老病死苦。故曰狀有所畏。天台云。塵土全身者。現有煩惱。有爲有漏也。右手喻權。自以此權法斷結成佛。又以此化人。故云執除糞器。狀所畏者。示同二乘怖畏生死。又有寒風馬麥等報。大論云。佛有九惱。謂六年苦行。孫陀利。謗。金鎗。馬麥。琉璃殺釋種。乞食空鉢。旃遮女謗。調達推山。寒風索衣。加雙樹背痛爲十。

語諸作人。汝等勤作。勿得懈怠。以方便故。得近其子。語諸人者。天台云。卽是說三藏教。示四念處。爲除糞之器。斷結之境也。此頌火宅中適願勇銳。卽聞

慧外凡位也。勤作勿懈。卽令其勤修四念。乃正勤方便。若起懈怠。不能滅二惡。卽已生未生也。生二善。以二勤故。能發煖火。對火宅互相推排。入修慧煖位也。方便得近者。卽以念處正勤之方便。始得小機相近也。

後復告言。咄。男子。汝常此作。勿復餘去。當加汝價。諸有所須。盆器米麪。鹽醋之屬。莫自疑難。亦有老弊使人。須者相給。

此明四如意足。天台云。咄。乃驚覺意。上正勤中紛動。卽是智法。如男子是陽性。今如意足。是定法。如

女子是陰性。良以正勤策動。不得與真空相應。故驚令捨散入寂也。汝常此作無復餘去者。前念處正勤。動不專一。今令入四如意足中。定不異緣。斷諸有漏。定斷專一。故云爾也。此猶在互相推排中。頂法位也。當加汝價者。正勤觀中。不能發真。今如意觀中。始發無漏。故云加價。諸有所須者。卽有漏無漏善。助道正道。皆從如意觀中求之。欲須卽得也。四禪體含支林。如盆器。生空智粗。如米。法空智細。如麩。此卽正道。四諦下十六諦觀。無常如鹽。苦諦如醋。此卽助道。如米麩難食。須鹽醋和之。由正

道難顯。須助道發之也。莫自疑難者。結上正助。審在如意觀中。故令勿疑。決定可辨。如已物想。故言勿難。若欲直取神通。以代手足。如使人驅役者。如意觀中。能發此通。但通發劣弱。事同老弊。通雖微劣。亦可運用。故云須者相給也。

好自安意。我如汝父。勿復憂慮。

此明五根力相。好自安意者。天台云。得信等五根。安固難壞也。我如汝父者。已得似解。隣於證真。似像未實。故云如父。勿憂慮者。令其安意。破見思也。所以者何。我年老大。而汝少壯。汝常作時。無有欺怠。

嗔恨怨言。都不見汝有此諸惡。如餘作人。自今已後。如所生子。

我老汝少者。天台云。佛居道後。智斷已足。故言老大。子在道前。因位。智斷始修。故曰少壯。此忍法位也。得此五力。離五惡法。謂得信力。故不欺。得精進力。故不怠。得念力。故不嗔。得定力。故不恨。得慧力。故不怨。言餘作人者。遠指外道。以邪見求理。名餘作人。近指煖頂等四位。未免五過。亦名餘作人。自今已後等。下忍十六刹那。時節猶長。中忍雖復縮觀。亦未是一刹那。若上忍世第一。最後一刹那心。

隣眞逼聖。故名此位。如所生子也。

卽時長者更與作字。名之爲兒。

此明入正道。世第一法。與眞不遠。故云卽時。天台云。阿含說五種佛子。四果及辟支佛。名佛眞子。菩薩不斷結。子義未成。今二乘得入正道。入見道位。故名爲兒。

爾時窮子。雖欣此遇。猶故自謂客作賤人。由是之故。於二十年中。常令除糞。

此明七覺支。天台云。二乘因斷見惑。得爲子義。所謂欣此遇。以思惑未盡。猶居學位。正須依教修行。

盡苦。故云猶故自謂客作賤人。若於初果中。便起樂大之心。卽應授以大法。更不進斷殘結。由不捨小志。大機不發。以是之故。且令依教盡漏。故二十年中。常令除糞也。二十年者。一無礙一解脫。斷見惑。九無礙九解脫。斷思惑。則無礙與解脫。共二十年也。此文并偈。凡三番云二十年。意各不同。隨其文下。釋之可見。①四委知家業。分二。②一領家業。又二。③一相體信。

過是已後。心相體信。入出無難。然其所止。猶在本處。此下領方等時也。過是已後者。天台云。過鹿苑三

藏已後。卽方等時。心相體信者。父子互相體悉。信順。謂三藏教中。得涅槃價。此旣不虛。今爲菩薩說大乘。亦是不虛。此是子信父也。佛知此等見思已斷。聞大不謗。無漏根利。聞必生信。是父信子也。入出無難者。由此見尊特身。聞大乘教。名之爲入。復被呵斥。猶見丈六。說小乘法。名之爲出。大小入出。皆無疑難矣。雖然入出無難。聞大乘法。猶謂是菩薩之事。非已智分。不言未來俱得作佛。故云猶在本處也。⑤二命領業。分二。⑥一命知家業。

世尊。爾時長者有疾。自知將死不久。語窮子言。我今

多有金銀珍寶。倉庫盈溢。其中多少。所應取與汝悉知之。

此下領佛轉教般若時也。將死不久者。天台云。有機則應爲生。機盡應謝爲死。今化機將畢。應謝不久也。金。卽別教理。銀。卽通教理。然理本無多。約種種門。亦得言多也。如空非十八。由破十八法。故名空十八也。勸學品中。明一切法門。皆是珍寶。倉是定門。卽百八三昧也。庫是慧門。卽十八空境也。通別兩教。定慧倉庫。包藏一切禪定智慧。無所缺少。內竟外溢。故云盈溢。其中多少者。說般若。則有廣

略二門。略卽少。廣卽多也。自行爲取。化他爲與。大品中云。汝當爲菩薩說。故云悉知。

我心如是。當體此意。所以者何。今我與汝。便爲不異。宜加用心。無令漏失。

誠體我心者。佛以般若爲心。汝今轉教。當隨佛意說也。爾我不異者。天台云。釋此有三。一加被令說。與佛不異也。二就理。以諸法皆如。故得不異。三就今時。始悟父子天性。本來不異也。無令漏失者。一則汝爲菩薩說般若教。無令漏失。二則就理卽是汝法。後時當用。故無令漏失也。①二受命領知。

爾時窮子。卽受教敕。領知眾物。金銀珍寶。及諸庫藏。而無希取一滄之意。然其所止。故在本處。下劣之心。亦未能捨。

無心希取者。天台云。如善吉雖說般若。然謂是菩薩法。我無其分也。在本處者。住羅漢位。雖復慕大。亦未定言欲作菩薩也。劣心不捨者。猶復止小。亦未定言捨於小證也。

復經少時。父知子意。漸以通泰。成就大志。自鄙先心。天台云。少時有二說。一說般若竟。尋思所領大乘法門。心生貪樂。相去法華不遠。故云少時。又說無

量義經時。大乘機發。聞無量義經中。說七種方便。無量漸頓。從一法生。由是思惟。於已所得三乘之法。皆從一法而生。如是思惟。漸以通泰。故言成就大志也。漸以通泰以字。合作已。下偈文云。漸已曠大。其義可詳。⑤二付家業。分二。⑥一正付家業。臨欲終時。而命其子并會親族。國王大臣。利利居士。皆悉已集。

此下領般若之後說法華時也。臨欲終時者。天台云。是明時節化緣將訖。唱入涅槃時也。直指云。并會親族。表五十五位法身大士。因該果海。故曰并

會國王。卽多寶如來。及十方分身諸佛。古今不離一念。自他不隔毫端。將示圓行圓證。故曰皆悉已集。△命子會親族者。二乘人一向權實未融。小大未會。直至今會。始得融一無二之旨。自知有成。佛時節。所謂得佛法分。方知諸佛菩薩。皆是家裏親屬。始有心念。欲得作佛。具三十二相。爲天人恭敬。轉無上法輪。故如來於人天眾中。授成佛記。此爲受佛所命也。

卽自宣言。諸君當知。此是我子。我之所生。於某城中。捨我逃走。始屛辛苦。五十餘年。其本字某。我名某甲。

昔在本城。懷憂推覓。忽於此間。遇會得之。此實我子。我實其父。今我所有一切財物。皆是子有。先所出內。是子所知。

前敘返妄歸真。此敘從真起妄。末後會歸真妄。一如以明父子委付。至此乃一眞法界現前之時。故乃宣告諸君。表佛佛道同也。直指云。以智契理。曰此是我子。妄不離眞。曰是我所生也。次敘捨父逃逝。喻三乘背覺合塵。於城不言其名。由一眞法界無可名狀也。背覺合塵。曰捨父。爲業風飄蕩。曰鈴。辨五趣受生。曰五十餘年。於子言某者。以妄本無。

因體絕是非也。佛亦言某爲真。如果體離相離名。佛居寂光。常愍諸子。故曰懷憂推覓。於凡聖同居土。以方便得近。曰忽遇得之也。已上約時言。權實一如。曰此實我子。體用不二。曰我實其父。此約人言。五時說法。圓頓觀智。權實家業。至此開顯。悉皆明了。故曰所有財物皆是子有等。此約法言也。從體起用。曰出攝用歸體。曰內。△至此始將父子情同一段天性吐露。於父則言遇會見。於子則言是子知。須知父見卽子見。子知卽父知也。而佛知見之通達。可謂朗朗不昧。⑤二承受歡喜。

世尊。是時窮子。聞父此言。卽大歡喜。得未曾有。而作是念。我本無心有所希求。今此寶藏。自然而至。領上各乘大車。得未曾有。自顧無心希望佛道。而今忽聞得記作佛。故云不求自得也。開譬已竟。

妙法蓮華經授手卷第二之五

音釋

邁

音賣

騁

音逞

估

音古

傭

音融

賃

音任

內

音納

愕

音諤

膩

音帶

法華授手卷第二之五

三

河内縣志卷之三十一

三十一

妙法蓮華經授手卷第二之六

清楚衡雲峯沙門智祥集

⑤二合譬分四。⑥一合父子相失。

世尊大富長者。則是如來。我等皆似佛子。

此以已合喻中之愚迷。而負慈多矣。直指云。喻中正明子逆。故先說譬如窮子捨父逃逝。法中要明父慈。故先說大富長者。則是如來。時爲眞妄未融。雖稱佛子。猶曰皆似。⑦二合父子相見。如來常說我等爲子。

合上長者見子便識。觀如來常說四字。則知不自

法華抄三、名今二二二二
一
信作佛之心。明靈秋光矣。又常說者。如來雖說權乘。其實皆爲誘引之方。而觀諸眾生。無一不是成佛種子也。④三合追誘相近。又二。⑤一合傍人追世尊。我等以三苦故。於生死中。受諸熱惱。迷惑無知。樂着小法。

一往被三苦所困。故乃違大向小。受諸熱惱者。卽爲三苦所逼也。迷惑無知者。卽於佛方便法中。遇便信受。思惟取證。所以樂於小法也。三苦者。世界相續卽壞苦。眾生相續卽苦苦。業果相續卽行苦也。⑥二合二人誘。

今日世尊。令我等思惟。蠲除諸法戲論之糞。我等於中。勤加精進。得至涅槃。一日之價。既得此已。心大歡喜。自以爲足。便自謂言。於佛法中。勤精進故。所得弘多。

直指云。般若之終。法華之始。故曰今日。六度是對空之有。一真是對有之空。二俱戲論。故云令我等思惟也。盡除見思。故云除糞。二十年不怠。云勤精進。證三三昧境。是得涅槃價。得真空般若。謂所得弘多。△今日卽是遠對多生不逢聖化。今方遇佛。開示三乘而言。若以法華爲今日。似與下文不合。

有云。今日當是方等時也。

然世尊先知我等。心着弊欲。樂於小法。便見縱捨。不爲分別。汝等當有如來知見寶藏之分。

此敘阿含時也。直指云。先知二字。指華嚴時。觀二乘根劣。心着偏空弊欲。樂於小法。正對前遙見子身羸瘦憔悴也。便見縱捨等。正對脫珍着弊。執除糞器一節。④四合領付家業。分二。⑤一合領家業。世尊以方便力。說如來智慧。我等從佛得涅槃一日之價。以爲大得。於此大乘。無有志求。

此敘方等時也。世尊由權說實。於方等中。傍提正

挈。而二乘似有欲樂之心。但以所證之空理爲勝。故不能憤志趨求也。正合上入出無難等意。我等又因如來智慧。爲諸菩薩開示演說。而自於此無有志願。

此敘般若時轉教敷揚也。觀因之一字。似非已力能說般若。乃因如來威神加被。雖爲諸菩薩說大般若。其實於已無心願樂。

所以者何。佛知我等心樂小法。以方便力。隨我等說。而我等不知真是佛子。

此釋明佛心已意。謂佛知我樂小。故令敷揚甚深

法華指掌疏卷第二之三
般若意欲令我深信大乘。必得作佛。則佛視我等
與菩薩不別。但我等自甘下劣。竟不自知。爲眞佛
子。實爲可惜。⑤二合付家事。

今我等方知世尊於佛智慧無所吝惜。所以者何。我
等昔來。眞是佛子。而但樂小法。若我等有樂大之心。
佛則爲我說大乘法。於此經中。唯說一乘。而昔於菩
薩前。毀訾聲聞樂小法者。然佛實以大乘教化。

今因得聞法說譬喻兩處開示。始悟佛之知見。原
非外得。故曰方知。大窾云。由前三時多方誘掖。至
今如來說破我實汝父。汝實我子。一切財寶。皆是

子有。始信如來於佛慧未嘗悋惜。不肯與我。卽我亦未嘗不是如來真子。特患我等不肯承當。設我果有樂大乘之志。如來早將寶藏委付之矣。何待今日。然則我等負佛深恩。不但今日。至今日乃知佛有此深恩也。我等又思。世尊不唯於此經中唯說一乘。卽方等會中。褒揚菩薩。毀訾聲聞。其實皆是以菩薩法教化我等也。毀訾聲聞者。如楞伽經。於大慧前。說聲聞同外道。名愚夫。名跛驢。名敗種等。

是故我等說本無心有所希求。今法王大寶。自然而

法華指掌疏卷之二之二
至。如佛子所應得者。皆已得之。

此慶幸今日獲佛知見。是無心求得。如窮子不求大寶。自然而有也。直指云。以此陳深信不虛。深解不謬。將望如來爲彼授記。如身子等。此合長行召眾委付家事一節。△此是迦葉等。自陳悟入處。但較身子。特詳耳。且身子利根人。說無多語。便將數十年心思及負已負人處。徹底掀翻。無不盡情。而空生等四人。旣位示中根。說話就要像中根人口氣。況佛爲喻說。詳明爲父者之慈心。則彼亦必喻說詳明爲子者之不肖也。此是他靈山會裏一場

裝扮處。各盡其態。只要做得相像。令見聞者。於離
合悲歡處。實有所感發耳。若以幔中人分智愚高
下。此爲不善觀者也。⑤二偈頌。分二。⑥一頌長行。
又二。⑦一頌法說。

爾時摩訶迦葉。欲重宣此義。而說偈言。
我等今日。聞佛音教。歡喜踊躍。得未曾有。佛說聲聞。
當得作佛。無上寶聚。不求自得。

此頌長行畧法說。自爾時慧命至。以明斯義。節長
文廣。此畧也。知音云。今日卽對前四十年說。聞卽
耳根。是所被機也。佛音卽上法。喻諸說。乃能被教。

也。歡喜屬心。踊躍屬身。照前心生大歡喜。自知當作佛看。一向不許小乘作佛。今得授記。是未曾有也。佛說下。正明得未曾有之事。無上寶聚。喻阿耨菩提。四十年前。絕無希望。故曰不求。今得者。喜出望外也。⑤二頌譬喻。分二。⑥一頌開譬。分四。⑦一頌父子相失。

譬如童子。幼稚無識。捨父逃逝。遠到他土。周流諸國。五十餘年。

此頌子背父去。直指云。此明三乘迷真逐妄。五趨周流。五趨受生。故曰五十。皆因五陰所使。根塵所

覆迷佛知見。以致如此。故先言幼稚無識。因果雙
頌也。

其父憂念。四方推求。求之既疲。頓止一城。造立舍宅。
五欲自娛。

天台云。四方求者。不同於上。是約四諦推理。今是
四生中。覓可度之機。故曰推求。△求之既疲者。卽
於四生中。求大乘機不得。故仍與諸菩薩。說妙法
也。頓止者。卽證入自受用土。一城。卽覺場也。造立
舍宅。知音云。喻二十重華藏莊嚴世界海。教屬一
乘圓頓。故曰頓止。華藏世界品。乃普賢菩薩。於一

眞法界正位中唱出。故曰造立。中詮四分五周。明佛依正自受用之因果。故曰。五欲自娛也。

其家巨富。多諸金銀。碑礫碼碯。珍珠琉璃。象馬牛羊。輦輿車乘。田業僮僕。人民眾多。出入息利。乃徧他國。商賈估人。無處不有。千萬億眾。圍遶恭敬。常爲王者之所愛念。羣臣豪族。皆共宗重。以諸緣故。往來者眾。豪富如是有大力勢。

其家巨富一句爲總。下七寶象馬等。皆巨富中之別相也。知音云。商是行者。賈是坐者。以有易無曰估。千萬下。明親疎遠近之眾多也。圍遶恭敬者。依

戀悅慕爲物所景仰也。王者君也。羣臣牧也。宗重者。尊重恭敬之也。△常爲王者下四句。明他方主伴讚歎恭敬也。以諸緣者。指上七寶象馬人民田業而言。由如來廣具眾德故。他方此界。無不雲集於華藏海也。豪富如是。總以結上一切所有也。而年朽邁。益憂念子。夙夜唯念。死時將至。痴子捨我。五十餘年。庫藏諸物。當如之何。

此頌長者失子之苦。無所委付。是所以憂念也。知音云。朽邁。喻佛成果之時已久。千二百人。尙未得記。夙早也。夜夕也。死時。喻涅槃時至。痴子者。父心

痛子之辭。捨我五十餘年。念其久滯五道。△既久
沉生死。則苦縛尙未得除。豈能於大法有所擔荷。
故曰庫藏諸物當如之何。

爾時窮子。求索衣食。從邑至邑。從國至國。或有所得。
或無所得。饑餓羸瘦。體生瘡癬。漸次經歷。到父住城。
此頌窮子經尋之苦。無所依托。是所以遊歷也。天
台云。根塵相涉。如從邑至邑。十八界如國。修三界
有漏善。如有所得。修二乘無漏善。如無所得。不得
大乘法食。如饑餓。無大力用。爲羸。無大功德。爲瘦。
於有無善上。起見思惑。如瘡癬。△如來觀知眾生。

於二萬佛來退大之後。因眾苦所逼。妄求復真之道。如求索衣食。邑小國大。謂諸眾生。求解脫道。自淺至深。從小至大。有得無得等。依前釋爲當。四十年來。次第開解。日漸次。經歷到父城者。卽至華會矣。①二頌父子相見。

傭賃展轉。遂至父舍。爾時長者。於其門內。施大寶帳。處師子座。眷屬圍繞。諸人侍衛。或有計算金銀寶物。出內財產。注記券疏。

天台云。上言門側。此言門內。卽一眞法界之內。見相兼得處也。施大寶帳等。正明所見之相。章安云。

以廣顯畧爲注。授決爲記。四弘誓爲券。修行爲疏。窮子見父。豪貴尊嚴。謂是國王。若國王等。驚怖自恠。何故至此。覆自念言。我若久住。或見逼迫。強驅使作。思惟是已。馳走而去。借問貧里。欲往傭作。

此明二乘觀華藏境。見尊特身。而生驚怖。自恠二字。乃形容自己昔年甘爲下劣之情。覆自念。乃心中迴環忖度。怖畏大乘。由舊習不捨。故復往貧里。貪愛小果。故曰。欲往傭作也。

長者是時。在師子座。遙見其子。默而識之。此正明覺場中。觀知眾生根性劣弱。不教大法。故

云默識。所以現丈六身。投其機也。⑤三頌追誘相近。分二。⑥一頌遣傍人追。

卽敕使者追捉將來。窮子驚喚。迷悶躡地。是人執我。必當見殺。何用衣食。使我至此。長者知子。愚痴狹劣。不信我言。不信是父。

此總頌勸誡二門無機息化。見殺與上必死義同。敕使追捉。乃如來普欲令眾生亦同得此道之普慈也。窮子驚喚等。是無機領受也。是人執我下四句。乃形容窮子迷執之想。謂彼執我之急。強使我作。似非有益於我。是必欲將我至死也。若謂濟我

以衣食。豈能如是急趨之耶。此明往昔不信心佛
眾生三無差別之意。(丑)二頌遣二人誘

卽以方便。更遣餘人。眇目矬陋。無威德者。汝可語之。
云當相雇。除諸糞穢。倍與汝價。

既息大化。故以方便。說小乘法。誘引之也。天台云。
眇目譬偏空。所見不正。故矬者豎短。陋者橫狹。見
偏空者。豎不能窮實相之源。橫無大乘眾善莊嚴。
故如矬陋。非四無畏。名無威。異常樂我淨名無德。
遣地上菩薩。內秘外現。示同事攝。云可語之。令修
小教。云雇汝除糞。從但空而入真空。曰倍與價也。

窮子聞知。歡喜隨來。爲除糞穢。淨諸房舍。

歡喜隨來者。是機與教稱。乃投其所好也。淨諸房舍。如初果。不入色聲香味觸法。并得淨見思五陰房舍也。淨房舍句。喻意甚妙。

長者於牖。常見其子。念子愚劣。樂爲鄙事。

牖。乃壁間孔牖也。謂如來不以尊特身。公然覲覩。恐復生驚怖。不捨慈心。常懷念之。故云常見。知其無樂大之心。故云念愚劣也。

於是長者。著弊垢衣。執除糞器。往到子所。方便附近。語令勤作。旣益汝價。并塗足油。飲食充足。薦席厚煖。

如是苦言。汝當勤作。又以軟語。若如吾子。

上長者教作。有七科。今云。附近與語。卽合四念處也。天台云。勤作。卽四正勤。旣益汝價下一行。合四如意足。以油塗足。能履深水。譬神通。又油能除風。譬定。飲食充足。卽上米麩也。薦席厚煖。卽是觀鍊熏修四種禪定。修此定故。能除散動。故以頌如意足也。如是苦言兩句。頌上第四安慰。卽五根。第五無過。卽五力。根力旣成。乃堪苦言。又以軟語兩句。頌上第六更與作字。卽入正道。第七令常作。卽七覺支。並是子位也。此三十七道品法。常途論之。七

覺在八正前。今對位次。故躡等也。若如我子。若字
卽汝字。莊子中。多如此用。⑤四頌委知家業。分二。
⑥一頌領知。

長者有智。漸令入出。經二十年。執作家事。示其金銀。
珍珠玻璃。諸物出入。皆使令知。

長者有智。卽用方便。乃權智也。漸令入出者。乃方
便誘引。漸入大乘深境。二十年執家事。卽般若會
上。世尊二十二年廣談大乘空相。使二乘轉教敷
宣。是執作義。於般若中。二十年熏陶。卽示其金寶。
說利己利人之法。是出入令知也。

猶處門外。止宿草菴。自念貧事。我無此物。

此頌自安於小也。大窾云。雖知般若真空能轉大教。不肯擔當。終隔一重門戶。是客作賤人也。自念貧事。我無此物者。下劣之心。未捨故也。○問。小乘既出三界。何故止宿草菴。答。雖空煩惱。未盡所知。故雖出火宅門。止宿草菴。猶未入如來門也。⑤二頌付業。

父知子心。漸已曠大。欲與財物。卽聚親族。國王大臣。刹利居士。於此大眾。說是我子。捨我他行。經五十歲。自見子來。已二十年。昔於某城。而失是子。周行求索。

遂來至此。

父知子心者。唯佛能知眾生根性也。曠大者。非前迷執狹劣之心。心既廣大。則佛果可成。故對眾宣揚也。說是我子等如前。語舍利弗言。我於二萬佛所。常教汝志願佛道。汝今悉忘。由中間退大起惑。故經五道。所謂捨我他行經五十歲也。自見子來已二十年者。謂二乘於般若中。始有欣厭之心。則與如來大乘妙理相近。是父子相見義。昔於某城失者。謂妄依真起。非有定處也。周行至此。總明四十年漸次修習淘汰而就也。

法華抄卷第二之三
凡我所有。舍宅人民。悉以付之。恣其所用。子念昔貧。志意下劣。今於父所。大獲珍寶。并及舍宅。一切財物。甚大歡喜。得未曾有。

凡我所有者。卽如來所有。無量知見神通三昧力。無畏等。盡皆與之。故曰恣其所用也。子念下方述陳得業歡喜之情。謂我從昔來。本求聲聞小果。久已念及。於大乘絕分。今一旦聞二乘作佛。如來所有莊嚴萬德。皆我所有。實是從來所罕覩者。甯不踊躍慶幸哉。頌開譬已竟。癸二頌合譬。分三。子一頌合相失相見。

佛亦如是。知我樂小。

上句合相失。下句合相見。妙樂云。若單以上句合相失。其意未顯。單以下句合相見。意亦不彰。何也。蓋上句借下句成。由其樂小所以相失。下句亦借上句而顯。由佛知彼樂小退失大心。是所以與之相見也。⑤二頌合追誘相近。

未曾說言。汝等作佛。而說我等。得諸無漏。成就小乘。聲聞弟子。

上二句合旁人追。由我等無樂大之志故。不說我等有成佛之時。而說我下四句。乃合二人誘。得諸

無漏。卽有餘涅槃也。直指云。此領阿含時說四諦十二因緣。成就八解無漏爲極。頌文雖畧。而意詳盡。大抵前詳。則頌畧之也。乃說法者。錯綜變化之妙。①三頌合委知家業。分二。②一頌合委知。佛敕我等。說最上道。修習此者。當得成佛。

此頌般若時轉教傳。說最上道者。天台云。卽是空慧般若。更無過於上者。謂凡修習此大乘空慧。定當作佛也。

我承佛教。爲大菩薩。以諸因緣。種種譬喻。若干言辭。說無上道。諸佛子等。從我聞法。日夜思惟。精勤修習。

是時諸佛。卽授其記。汝於來世。當得作佛。

我承佛教。卽是小乘奉命說無上道。佛意欲令自知作佛。而證入圓理。豈知小乘不解其意。但只作傳語人。自甘絕分。爲門外遊子也。說無上道。卽秉命說佛知見道。其聞法者。以精進思修。得授上記。而說法者。猶居下位。豈不惜哉。言諸佛授記。又言是時者。或在般若之末授記。或在地方諸佛前得記。皆在不久之間。故言是時也。

一切諸佛。秘藏之法。但爲菩薩。演其實事。而不爲我。說斯真要。

二乘人自既不悟一乘圓旨。而返自生疑。意謂世尊命我爲諸菩薩敷演者。卽無上法。旣卽此法。何故我等說法者。尙滯小乘。而彼從我聞法者。皆得受記。豈佛獨爲菩薩演其實事。而不爲我說其真要耶。

如彼窮子。得近其父。雖知諸物。心不希取。

此牒前譬。帖合可知。

我等雖說佛法寶藏。自無志願。亦復如是。我等內滅。自謂爲足。唯了此事。更無餘事。我等若聞淨佛國土。教化眾生。都無欣樂。

天台云。內滅者。內卽惑體。內滅三毒。斷見思盡。此明執小之過。我等若聞三句。方舉無樂大之失也。所以者何。一切諸法。皆悉空寂。無生無滅。無大無小。無漏無爲。如是思惟。不生喜樂。

此明不慕大法之故。直指云。因內觀身心。外觀世界。皆悉空寂。又識見分消融。但一偏空之理。故曰無生滅。復觀八識相分。但一偏空之智。故曰無大小。見相同泯。故曰無漏無爲也。如是思惟空無相無作。而謬計大乘之法。亦是空寂。故不生喜樂也。我等長夜。於佛智慧。無貪無着。無復志願。而自於法。

謂是究竟。

此頌明在此偏空長夜之中。於佛智無貪着也。卽前云我無相犯等語。此是謬計偏空。爲究竟也。我等長夜。修習空法。得脫三界。苦惱之患。住最後身。有餘涅槃。

此頌明於偏空。長夜中修習三空之法。得脫三界火宅。住最後身。爲慶幸也。最後身者。卽阿羅漢。乃末後一凡夫身。謂之果縛。

佛所教化。得道不虛。則爲已得。報佛之恩。

此頌述已不進求之故。謂如來教我。欲出三界。幸

我於出離之道有所證入。果爲不虛。我旣得證涅槃。則不負聖化。便謂已得報佛恩矣。豈更別有所求哉。

我等雖爲諸佛子等。說菩薩法。以求佛道。而於是法。永無願樂。導師見捨。觀我心故。初不勸進。說有實利。此頌重述奉命轉教。雖說得徹頭徹底。而竟不生一念願樂之心。如來竟不出一言。明示勸進我等。說我聲聞有成佛之真實利益也。⑤二頌合受業。如富長者。知子志劣。以方便力。柔伏其心。然後乃付一切財物。佛亦如是。現希有事。知樂小者。以方便力。

調伏其心。乃教大智。

此頌合領付家業一節。始知長者無數方便。誘引得近。原爲欲付家業也。佛於四十年中。用盡氣力。調伏我心。本意爲我等發明佛知見道。所謂現希有事。由我等不聞不解。樂着小法。故佛以方便誘進。待至今日。始明我等有成佛分。如是恩德。可勝言哉。此方深感救濟之恩也。

我等今日。得未曾有。非先所望。而今自得。如彼窮子。得無量寶。

此頌明四十年中次第展轉直。至今日開顯一乘。

妙義。將無量權實寶藏。一時分付。皆非先時之所
有望。故重牒窮子不求自至也。如此述陳感戴之
私。縷縷不盡。至下始得明言報恩。

世尊我今得道得果。於無漏法得清淨眼。我等長夜
持佛淨戒。始於今日得其果報。法王法中久修梵行。
今得無漏。無上大果。我等今者。真是聲聞。以佛道聲
令一切聞。我等今者。真阿羅漢。於諸世間。天人魔梵。
普於其中。應受供養。

從上自說喻已來。總皆發明昔來蒙昧着小之失。
至此始明今日新證新得陳白悟由。唯此是後授

記之定案也。觀我今二字。不說從前之事。言得道者。卽聞上法說中諸佛智慧。十界十如。於道場所知之寂滅相。及喻說中大白牛車。爲如來保任不虛之一乘妙道。今幸得矣。得果者。卽三世諸佛共證共知之無上妙果。雖未卽得。而自知決定將來必證。則亦如今日有所得也。此卽領得是佛知矣。於無漏法。得清淨眼者。無漏非從前二乘所得之無漏。屬偏空智。今所得者。乃權實并融之無漏法也。以此無漏妙智。照窮三菩提理。無明盡淨。事理雙該。始謂之得清淨眼。此卽領得是佛見矣。長夜

持戒。而今得果。則領知全權。卽實。雖昔日方便。而今亦皆得成究竟。卽四十年中所修法王之法。皆不虛棄。亦是久修梵行。所謂水到渠成。以至而今得無漏無上大果矣。此可信決定自知成佛不謬。真是聲聞者。以真對假言。前雖得聲聞之名。不過以四諦聲投小果聞。則聲非真聲。而聞非真聞也。今日以佛道聲令一切聞。則聲無不到。聞無不盡。始可謂之真聲聞也。羅漢亦是我等舊有之名。況亦非真。舊曰應供。只不過應天上人間而已。今謂於諸世間。普應供養。則亦如佛應盡九界。是真應

供矣。舊曰無生。只不過盡分段。於三界不生而已。今得授記。爲兩足聖尊。則變易不生。是真得無生矣。舊曰殺賊。只不過斷見思盡有漏而已。今謂無明暗蔽。永盡無餘。則亦真爲殺賊矣。但此中羅漢。以一應供。出陳其實。則餘二名不言可知。頌長行已竟。⑤二歎佛恩德。

世尊大恩。以希有事。憐愍教化。利益我等。無量億劫。誰能報者。手足供給。頭頂禮敬。一切供養。皆不能報。若以頂戴。兩肩荷負。於恆沙劫。盡心恭敬。又以美膳。無量寶衣。及諸臥具。種種湯藥。牛頭栴檀。及諸珍寶。

以起塔廟。寶衣布地。如斯等事。以用供養。於恆沙劫。亦不能報。

自來爲辜恩人。不識如來累劫勤苦救濟之心。雖聞法說。彷彿知解。由火宅詳明。始知爲父者痛念之深。爲子者愚頑之極。既於已有得。始知恩知報。世尊大恩下四句。含蓄之意無盡。故章安分十重發明。一佛以四弘誓願慈悲普覆。拔六凡苦。與四聖樂。是世尊大恩。以希有事。利益我等。入如來室。得安居矣。二如來往昔行菩薩道時。常教化我。雖復中忘。而智願不失。是世尊大恩。憐愍教化。大慈

與樂矣。三我等退大遭苦。佛於中間。伺其機發。方便誘引。是世尊大恩。憐愍教化。大悲拔苦矣。四佛既成道。宜受無爲寂滅之樂。而返捨所樂。如長者脫珍服。着弊衣。執除糞器。方便往近於鹿苑中。說五戒十善。令離諸欲。是世尊大恩。利益我等。遮貪欲熱惱。以衣覆之矣。五現老比丘像。十二年中說阿含小教。今我等除見寒愛熱。是世尊大恩。憐愍教化。令盡見思矣。六於方等中。彈訶貶斥。無非欲我等恥小慕大。是世尊大恩。教化我等。離愚小醜陋。令發向上志矣。七於般若時。命轉教敷宣。說無

上道。是世尊大恩。以希有事。令我等執作家事。備知庫藏矣。入至今會聚親族。定父子之誼。使我等全身慶快。是世尊大恩。以希有事。爲說一乘矣。九於前放光現瑞。已至法說周中。極歎權實智慧。始開聲聞成佛之端。是世尊大恩。以希有事。憐愍我等。令疾證無上道矣。十爲我等愚痴無智。重說譬喻。將無上寶位。向人天眾前。親口授記。使法王大寶。令我等不求自得。坐如來座。是世尊大恩。以希有事。憐愍教化。利益我等。於諸世間天人魔梵。普於其中。應受供養。此恩此德。我何能報。若使以手

足供給。亦不過供給而已。豈能答如來令我入室安居之恩耶。若使頭頂禮敬一切供養。亦不過禮敬供養而已。豈能答如來大慈與樂之恩耶。若使頂戴行道。亦不過頂戴而已。豈能答如來大悲拔苦之恩耶。若使以兩肩荷負。經恆沙劫。亦不過荷負而已。豈能答如來遮貪欲熱惱之恩耶。若以百種美膳。盡心供養。亦不過美膳供養而已。豈能答如來除見寒愛熱之恩耶。若以寶衣無量或無價衣。以爲供養。亦不過供衣而已。豈能答如來令我離愚痴醜陋之恩耶。若使以眾妙臥具千種房舍。

以爲供養。亦不過臥具房舍供養而已。豈能答如來令我轉教敷宣之恩耶。若使種種湯藥。累劫供養。亦不過供湯藥而已。豈能答如來爲說一乘之恩耶。若使栴檀珍寶。起塔供養。亦不過寶塔供養而已。豈能答如來令我疾證無上之恩耶。若使以寶衣布地。亦不過寶衣布地而已。豈能答如來親口授記之恩耶。以此對如來十重大恩。必不可報。何也。以我有爲福行。難報無爲妙智。故曰無量億劫誰能報者。如此猶爲畧舉。故愚謂。四句中含蓄不盡。

諸佛希有。無量無邊。不可思議。大神通力。無漏無爲。諸法之王。能爲下劣。忍於斯事。取相凡夫。隨宜爲說。此頌明恩大難酬之故。諸佛希有一句。是歎佛爲能施恩者。無量無邊下。歎佛能具如是福智。爲諸法中王。尙不自求其樂。能爲下。明佛能忍棄無量勝德。爲下劣人。及取相凡夫。隨宜示現。若此恩德。孰能答報。下劣者。謂小乘人。無志慕大。忍斯事者。卽佛云久默斯要。不速說也。良以聲聞執小。凡夫取相。只得含忍。隨機指示而已。

諸佛於法。得最自在。知諸眾生。種種欲樂。及其志力。

隨所堪任。以無量喻。而爲說法。

首二句。明佛實智具足故。得最自在也。若於法中。少有不自在處。則不能隨類應現。知諸眾生下。是用權智鑑機方便說法也。

隨諸眾生。宿世善根。又知成熟。未成熟者。種種籌量。分別知己。於一乘道。隨宜說三。

知音云。此八句。頌前開示案。伏因緣一周之說。謂佛既能忍大隨小。說其法喻。身子及我等業已開悟。佛知見矣。又當隨諸千二百人中。於佛有宿世成佛善根者。說其因緣。此又佛所自知。善根成熟。

者爲誰。未成熟者爲誰。佛亦種種籌量。分別先已知矣。故當用因緣。重以一乘隨宜說三。使千二百人。俱得悟入佛之知見。俱得劫國莊嚴等之顯記。以完佛本願也。直指云。以上喻說。乃深領迹門佛之知見。能深心信解。剖露無餘。故末以開權顯實爲結。蓋四大弟子。因聞火宅喻說。乃知父子曠大劫中一段苦切之情。至此正說不及。故假喻窮子申明已之沉迷。不是一生佛之拔濟。不是一劫并知。從實施權。開權顯實。前後首尾。無不洞徹。故乃深感深謝。有不已已之詞。以見信解不謬。但於末

後。謂導師見捨。初不勸進等。似有歸咎於佛。所以
世尊不卽爲授記。復以藥草喻。爲彼廣明實際見
地。會歸前後。大小一如。俾乎擴充本上廣大佛之
知見。然後始與授記。劫國莊嚴。以結如來爲大事
因緣。出世之本願也。明中根得解已竟。

妙法蓮華經授手卷第二之六

音釋

癡

音

羸

音

券

音

內

音

眇

音

藐

洪華授手卷第二之六

三

妙法蓮華經授手卷第三之一

清楚衡雲峯沙門智祥集

藥草喻品第五

品節云。此品來意。因上四大弟子既已領悟。設喻自陳。世尊印可其心。然猶未能盡知如來知見之力。抑恐執相之徒。不達平等說法隨類異解之旨。將謂實有三乘之果。可證涅槃。習氣不忘。不能徹法源底。故說藥草一喻。以顯如來說法平等一味。但隨根大小。各受不同。如一雨無私。三草二木。隨分受潤。是知法本不異。異在於機。此則唯有一乘

無二無三之旨自顯。而聞者習見自除。可入如來平等法慧。所謂開佛知見亦明矣。故此以後卽爲授記。天台云。此具山川雲雨。獨以藥草標名者。土地是能生。雲雨是能潤。草木是所生所潤。草木通皆有用。而藥草用強。如有漏諸善。悉能除惡。而無漏之善爲最。無漏衆中四人。以長者窮子爲譬。領佛火宅喻中之義。深會聖心。今如來述其所解。故以藥草譬之也。⑤三如來述成。分二。⑥一略述。爾時世尊。告摩訶迦葉及諸大弟子。善哉善哉。迦葉善說如來真實功德。誠如所言。

此爲如來喜得大機。而卽乘機開導也。兩稱善哉者。一善其兩處領實。一善其兩處領權。先明領權不謬。善說者。善其敘事敘理。皆有條款也。知音云。如敘子處。始而捨父。繼而向父。疑父。懼豪貴而去父。甘客作而就父。及終得父之家業。非異人非異財也。然經許多勤苦。及其敘父處。始而失子。繼而求子。見子。知下劣而放子。設方便而得子。及終付子之家業。無異心無異地也。然費許多慈悲。斯皆以喻明法。見如來施教之權智。所有真實功德。實如汝言也。

如來復有無量無邊阿僧祇功德。汝等若於無量億劫說不能盡。

此標實智功德以勉之。作開迹顯本之案。知音云。此述其不能說者。自此品至囑累。一十八品。所有功德。皆不能說。如化城品以王子作沙彌時事。提婆品以國王求仙人事。此猶是我因中爲菩薩時。無量無邊無數功德。是汝說不能盡者。至於果上。三變淨土。集十方分身諸佛於頃刻。半坐寶塔。置五十小劫聽衆於虛空。地獄道五逆之調達。遠記天王。畜生道八歲之龍女。速成正覺。安樂四行。從

地出六萬恒沙等之菩薩。醫師一喻。據實談那由他劫等之壽命。常不輕之因緣。著於威音那畔。廣長舌之神力。現於此界他方。皆果上無量無邊無數功德。是汝等說不能盡者。故說壽量品訖。卽說分別隨喜法師三品之功德。其言正應於此。據今一時一經。尙不可說。况無量經無量時所有智慧神通之無量無邊無數功德。非唯汝迦葉於無量億劫說不能盡。卽十方一切塵說刹說亦不能盡。故經云。虛空可量。風可繫。無能盡說佛功德也。

④二廣述分二。⑤一長行。又二。⑥一述成開顯。又

二。⑤壬一法說。又二。⑥癸一舉法王不虛。

迦葉當知如來是諸法之王。若有所說皆不虛也。佛法雖多。不出權實二種。離權實外。更無別說。由上言功德無量說不能盡。恐此意難信。故舉法王之語終無虛妄。以勸信也。且如來說法。言本真實。而聞者懷疑。卽礙正修。故前於法說中。但言汝等當信佛之所說言不虛妄。而舍利弗聞之。便云我今無復疑悔。佛則與之授記。譬說中。先以長者。明無虛妄。後言我今爲汝保任此事。終不虛妄。故四大弟子聞之。而謂發希有心。歡喜踊躍。則佛亦與

說授記矣。今又言法王所說言不虛妄者。正欲千二百人及在會大衆未領悟者。極生信樂。以爲向後得記之本也。

⑩二述開三顯一。分二。⑪一約教明開顯。

於一切法。以智方便。而演說之。其所說法。皆悉到於一切智地。

前三句約教開權。下二句約教顯實。一切法者。天台云。卽七方便法也。此法雖多。以方便智。隨其類音說之。無不逗會。爲人天說戒善。爲二乘說諦緣。爲藏教說事度。爲通教說無生。爲別教說次第。開

如來藏。此述其領開三也。一切智地者。卽一乘實相也。△其所說法。卽權法也。佛謂從前所說一切三乘九部差別之法。無非令人漸次修進。必到如來一切種智之地。乃會權歸實也。

②子二約智明開顯。

如來觀知一切諸法之所歸趣。亦知一切衆生深心所行。通達無礙。又於諸法究盡明了。示諸衆生一切智慧。

觀知二字。卽權智。一切所歸。乃照權法也。天台云。知一切所歸。是權智識藥也。知深心所行。是權智

知病也。藥病俱是權法。而各有歸趣。如戒善等。近趣人天。若作遠緣。則低頭舉手。皆成佛果也。念處道品等。近趣涅槃。若作福德莊嚴。汝等所行。是菩薩道。遠趣寶所也。乃至六度通別等法。近遠歸趣。途轍不同。可解。深心所行有二種。若深心着依正者。起深重十惡。障人天乘也。若深心着於所執法者。起四倒三道六蔽四住五住。障四聖乘。當知深心病相不同。如來以權智照之。通達無礙也。○又於諸法等。是實能照實也。一切權法。無不入實。故云究盡。佛眼所見。故曰明。實智所知。故曰了。能示

一切衆生圓融境智。故言一切智慧也。此兩段雖以權實各言。其實一氣說來。謂如來以佛眼觀知一切善惡因果差別等法。衆生一切善惡因果差別等心。靡不通達無礙也。又於諸法者。以如來具足妙智。善巧觀機。誘引衆生。歸無上覺也。⑤二喻說。分二。⑥癸一開譬。又二。⑦子一有差別譬。又三。⑧丑一土地草木譬。

迦葉。譬如三千大千世界。山川谿谷土地。所生卉木叢林。及諸藥草。種類若干。名色各異。

天台云。大千界。譬衆生世間也。山川谿谷。譬五陰

世界唯山川谿谷所成衆生卽五陰和合而有。以土地譬識陰。則山川谿谷譬餘四陰可知。又別譬山如菩薩。川如辟支。谿如聲聞。土地如人天。一一五陰皆有習因習果所依。猶山川等爲草木種子質幹之所依也。卉木叢林者。卉是草之都名。木是樹之總號。衆草成叢。衆樹爲林。况卉木皆能治病。力用勝者。稱爲藥。如善法皆能治惡。而無漏善治惑尤勝。故譬草木。五乘七方便因果種子不一。故言種類若干。如是種類。各有稱謂。卽是名。各有體相。卽是色。故言名色各異。△問。土地爲總相。山川

谿谷皆別相。何得返以土地喻人天五陰。答。人天爲諸聖之因。諸聖皆人天之果。果必由因。如山川等之依土地也。况人爲萬物之靈。一切聖賢。未有不從人道中修。所謂整心慮。趣菩提。唯人道能耳。

水之通處名川
泉之通處名谷

⑤二密雲一雨譬。

密雲彌布。徧覆三千大千世界。一時等澍。

天台云。密雲。譬佛三密也。雲有形色。譬佛應世間。卽身密也。雲有陰覆。譬佛慈悲。卽意密也。下文雷聲遠震。譬佛說教。卽口密也。以慈悲熏應身說法。徧十法界。故言彌布。妙樂云。凡言三密。必約應化。

若自受用報。及平等法身。何所論密。一時等澍者。譬佛用口密。八音四辯。宣注法雨。利潤衆生也。△曰密雲。曰彌布。曰徧覆。總見如來真慈不盡。無處不到。無機不被也。一時等澍者。一時。無前後也。等澍。無差別也。故佛謂我無貪着。亦無限礙。無有彼此愛憎之心等。⑤三受潤增長譬。

其澤普洽。卉木叢林。及諸藥草。小根小莖。小枝小葉。中根中莖。中枝中葉。大根大莖。大枝大葉。天台云。以法雨普潤七種衆生心地。所有習因種子卽生。名爲普洽。根莖枝葉者。信爲根。戒爲莖。定

爲枝。慧爲葉。次第相資。故譬此四也。小根莖等。卽人天信戒。中根莖等。卽二乘信戒定慧。大根莖等。卽菩薩信戒定慧也。妙樂云。五乘皆藉此四法。唯有人乘。缺於定慧。以心所當之。

諸樹大小。隨上中下。各有所受。一雲所雨。稱其種性。而得生長。華果敷實。

前明受潤。此明增長。天台謂。七種衆生習報兩因。善法旣蒙法雨所潤。則習報兩果。各得增長也。稱其種性者。明施權稱機。小者不過分。大者不減少。卽七種習報二因也。華果敷實者。卽七種習報二

果也。妙樂云。花如習果。果如報果。此隔字爲對。應言花敷果實也。①二無差別譬。

雖一地所生。一雨所潤。而諸草木各有差別。

地。譬因地心。此因心所攝甚多。始從博地。凡夫戒善。因心中間五十行位。已至最後等覺。總皆爲佛果之因心也。故曰一地。一雨者。譬佛一音說法。元無三乘五性之殊。以佛之教門平等無二。而諸草木各有差別。始是隨機得益也。諸草木者。天台云。小草喻人天。中草喻二乘。上草喻藏教菩薩。小樹喻通教。大樹喻別教。如三草二木。受一雨潤。而各

法華指掌疏卷三之一
得隨分增長。各不自知也。

④二合譬。分二。⑤一合差別譬。分二。⑥一正以法
合。又三。⑦一合密雲一雨。

迦葉當知如來亦復如是。出現於世。如大雲起。以大
音聲。普徧世界。天人阿修羅。如彼大雲。徧覆三千大
千國土。

天合云。此合密雲譬。謂如來大慈現身。覆育一切。
如大雲徧覆也。以大音聲。合雲有聲也。天人等。別
舉三善道。稟口密之益。謂如來以口密機。普應一
切。如大雲之覆大千也。△出現於世。如大雲起。兩

句。顯如來于無生中示生。無相中現相。正如雲之無心而忽起也。以大音聲下。始合前密雲彌布等。於大衆中。而唱是言。我是如來。應供。正徧知。明行足。善逝。世間解。無上士。調御丈夫。天人師。佛。世尊。未度者。令度。未解者。令解。未安者。令安。未涅槃者。令得涅槃。

天台引別行立下云。弘誓本成慈悲。慈悲旣緣苦樂。弘誓亦約四諦。若見苦諦。逼迫楚毒辛酸。緣此起誓。故云未度者。令度。若見集諦。顛倒流轉繫縛。生死浩然無際。甚可哀傷。約此起誓。故云未解者。

令解。清淨之道。衆生不識。行此道者。能出生死。至安樂地。欲示衆生立於此道。故云未安者令安。滅煩惱處。名爲涅槃。子果不斷。獲二涅槃。約此起誓。故云未得者令得。

今世後世。如實知之。我是一切知者。一切見者。知道者。開道者。說道者。汝等天人阿修羅衆皆應到此。爲聽法故。

此是如來自釋出世爲一切衆生開示悟入佛知見之由也。今世後世兩句。天台云。明三。明。宿命明知過去。天眼明知未來。漏盡明知現在。此中雖未

明言過去。而意中已具。我是一切知者。謂一心具足三智也。然此當具六通。由一切通達故。名一切知也。見者。卽具足五眼也。知道者。於意不護。開道者。於身不護。說道者。於口不護。謂如來三業。常與智俱。故不護也。△謂三世知者。應成言無虛妄之意。是豎論。我是二字。先指陳自己。一切者。總世出世一切染淨因果等法。是橫言。知見二字。總明佛之知見。無不豎照三世。橫徹一切。下知道開道等道字。卽權實之道。亦卽佛知見道也。開道卽開佛知見。說道卽示佛知見。知道卽悟入佛知見也。故

結云。汝等天人一切神衆。皆應志心聽受是法。五者字。卽人字義。皆連我是二字讀。如云我是一切知的人。我是一切見的人。我是開示悟入佛知見道者之人。細觀此段語意。又舉汝等天人阿修羅衆皆應聽法。則藥草一喻。似爲下根者說。若論中根人。前於火宅喻。業已悟知如來用權明實之意。至此不過帶起中根者。廣其開解。將欲與授成佛之記。其本意實令下根人明識如來無有差別。如一雨普潤。但三草二木各自受潤不同耳。

④寅 二合土地草木。

爾時無數千萬億種衆生。來至佛所而聽法。

天台云。千萬億種。該九法界。今正語七方便衆生。差別耳。△以此合前土地者。蓋地有承載義。有生。長義。今云無數衆生來至佛所。是三乘種子將生。而聽法者。如來說法如雨。而聽者受持不失。卽能承載也。

如來於時觀是衆生。諸根利鈍。精進懈怠。

前喻中。有草木差別大小不同。今合中。明根有利鈍。行有進怠。正是習因淺深。與草木義同也。天台云。於時者。若論漸初。卽是鹿苑初說三乘時。若論

中間處處得論於時。利鈍者。若總判。三途因惡果苦。不能受道。名鈍。七方便聞教得益。名利。若別判。人天但受果報。不肯受道。名鈍。三乘根性斷惑出界名利。又聲聞觀生滅名鈍。菩薩觀不生滅名利。通別圓三教。迭論利鈍。可知。精進懈怠者。三途放逸名怠。人天戒善名進。又人天不厭苦爲怠。二乘怖畏無常爲進。二乘貪證。不求作佛爲怠。菩薩志求佛道爲進。△機教相應。貴在一時。則於時二字。乃權實會始本融。可謂風雲際會矣。正當施教。又妙在觀字。如不因其時而說者。皆是浪言。故乘之。

以進怠利鈍則隨機隨施俱有所益。正如一雨普滋而三草二木各得增長矣。④三合受潤增長隨其所堪而爲說法。種種無量皆令歡喜。快得善利。隨其所堪。天台云。卽是稱會機宜。無增減之失。歡喜得善利。卽是各蒙法潤受益也。妙樂云。無增減之失者。稱五乘機。故無增減。如人機授以十善爲增。天機授以五戒爲減。如是乃至菩薩展轉相望。亦然。

是諸衆生。聞是法已。現世安隱。後生善處。以道受樂。亦得聞法。旣聞法已。離諸障礙。於諸法中。任力所能。

漸得入道。

聞是法已。合上增長之由。現生安隱。正合增長。後生善處者。是合增長之相。天台云。佛如大雲。普覆一切。三途亦得增長沾潤。如說般若方等。亦明地獄得益。若火滅湯冷。卽是現世安隱。或生天上人間。是後生善處。於天人中修道。是以道受樂。若人天聞法持戒。福德扶身。鬼龍不犯。是現世安隱。或天還生天。人還生人。或天人互生。是後生善處。生能悟解。是以道受樂。二乘聞法。得有餘涅槃。是現世安隱。生方便土。是後生善處。於彼聞經。是以道

受樂。若生身菩薩。聞盧舍那佛說法。得無生忍。是現世安隱。生實報土。是後生善處。得種種殊勝。是以道受樂。離諸障礙者。是現世安隱。任力所堪。漸得入道。卽後世以道受樂。妙樂云。經中但言善處。今取惡道者。一以爲欲攝十界故。二爲三惡有七善機故。⑤二提譬帖合。

如彼大雲。雨於一切卉木叢林。及諸藥草。如其種性。具足蒙潤。各得生長。

此復將喻明法也。如彼大雲一句。合前迦葉當知如來亦復如是。至徧覆三千一段。雨於一切。合前

於大衆中而唱是言。至皆應到此爲聽法故一段。卉木叢林。合前如來於時至精進懈怠四句。如其種性具足蒙潤。合前隨其所堪至快得善利五句。各得生長。合前是諸衆生至漸得入道一段。合有差別譬已竟。

①二合無差別譬。分二。②一正合無別。

如來說法。一相一味。所謂解脫相。離相。滅相。究竟至於一切種智。

此承上文言。雖昔日隨其所堪。而爲說三一小大之法亦不妨。卽是今日如來所說一相一味之法。

也。知音云。一相者。生佛共有一涅槃妙心。真如實相也。合前法說中。如來觀知一切諸法之所歸趣。合喻說中。雖一地所生。良以大干世界。雖有山川谿谷。形色不同。而同一地也。一味者。佛說三乘九部。言教不同。而同一甘露味也。合前法說中。又於諸法究盡。明了示諸衆生一切智慧。合譬說中。一雨所潤。如大干草木。雖有辛酸鹹苦不同。而所受雲雨同一味也。所謂下。以昔所說大小乘三解脫門。釋今最上一乘之一相。謂今云如來說一相者。乃是昔所謂解脫等之三相。非離昔三相外另有

一相也。此二乘念空無相無作。於菩薩遊戲神通心不喜樂。故今明空無相等。卽遊戲神通也。良由解脫卽離。離卽寂滅。名雖有三。義實一相也。究竟下。以一切種智。釋成一味。究竟乃最後義。與始初作對。謂始先因機小不堪大法。故以一乘隨相隨宜。說爲三相三味。今機緣旣增長成大。佛亦究竟涅槃最後時至。必應稱本懷。攝前四十年之權說。三相三味法相。還歸一切種智之一味道也。故方便品云。世尊法久後。要當說眞實。△一相卽一乘實相。一味卽醍醐上味。解脫相卽無作解脫。離相

卽無相解脫。滅相卽空解脫也。⑤二明差別意。分
五。⑥一眾生不知。其有眾生聞如來法。若持讀誦。如說修行。所得功德。
不自覺知。

此明眾生不達惟一之法。而各隨所解。故成差別也。眾生舉不知之人。法卽一音之法。若持誦者。正
明不知。天台云。持說不同。修行亦異。所以人天作
戒善解。三乘作諦緣度解。此持習不同也。功德不
自知者。由五種人各解不同。成有大小。竟不知如
來原是一相一味而無差別卽一實也。又不知七

方便而有差別。原爲權也。竟各執己解。以爲實證。故云不自覺知。⑤二如來獨知。

所以者何。唯有如來。知此衆生種相體性。

此節是徵釋衆生不知而如來獨知之意。徵云。衆生既能如說修行。何故所得功德不自覺知。釋云。雖言所得功德。其實未得一切種智。唯有如來具一切智。能知此等衆生種相體性也。衆生卽三乘五性衆生。種卽種子。總則唯一佛種。別有善惡利鈍智愚深淺之不同也。相卽體相。總論衆生本具一真實相。別則三乘五性各有利鈍差別之相也。

體卽性體。總則是其具真如實相之體。別則三乘五性各有受報好醜之形體也。性卽情性。總則是其具平等覺性。別則三乘五性各具善惡差別之諸性也。此唯如來如實知見。旣云知定當具見。此卽如來如實知見一切衆生過去事也。

念何事。思何事。修何事。

此明如來不但能知一切衆生種相體性而已。亦知一切衆生所念所思所修之法。無不明了。念思修者。初動名念。相續名思。發作名修。何事者。卽小大五乘諦緣度等諸事也。如小根衆生。念思修人

天之事。中根念思修聲聞緣覺之事。大根念思修菩薩之事。由大小不定。故言何事。

云何念。云何思。云何修。以何法念。以何法思。以何法修。

如來又知一切衆生。有云何因緣。而念思修如是不同。云何二字。是審定之詞。謂如念天人乘事。有福報之因緣也。念二乘事。有懼苦求樂之因緣也。念菩薩事。有自利利他之因緣也。以何二字。是如來明知。此等衆生當以何等法。與之念。與之思。與之修。此正是應病與藥之方便也。前念何事。及云

何念等數句。是如來觀知衆生有如是機。此以何法念等句。是觀機與教也。此卽如來如實知見一切衆生現在事也。

以何法得何法。

以何法卽因。得何法卽果。如以戒善爲因。卽令得人天果。以諦緣爲因。卽令得聲聞緣覺果。以六度爲因。卽令得菩薩果。此卽如來如實知見一切衆生未來事也。

衆生住於種種之地。唯有如來。如實見之。明了無礙。七方便住於七位。故言種種之地。此卽爲差別也。

天台云。如來如實以佛眼見之。如衆流入海失於本味。則無差別。隨他意語。以智方便。而演說之。則如來能知差別。其所說法。皆悉到於一切智地。則如來能知無差別也。④三舉譬帖合。

如彼卉木叢林。諸藥草等。而不自知上中下性。

此舉喻。結前其有衆生聞如來法等文。知音謂。五乘衆生。住在諸地。各不自知得受如來一乘功德。卽如卉木等各不自知受天一味雲雨所潤也。

④四牒前結釋。

如來知是一相一味之法。所謂解脫相。離相。滅相。究

竟涅槃常寂滅相。終歸於空。

此舉法結前。惟有如來知此衆生種相體性等文。知音謂衆生。雖如諸草木。各不自知所得功德。爲上中下性。而佛則知其初無上中下等差別。惟直一乘實相一味甘露之法也。所謂下。前以三相釋一相者。是明菩提果德也。故以究竟一切種智爲言。以種智卽菩提故。此復以三相釋一相。是明涅槃斷德也。故以究竟涅槃等爲言。以涅槃卽斷德故。然始末皆以究竟言者。顯非二乘菩提有餘涅槃之不究竟也。○問。初小果豈不證空乎。何至今

明大乘。才言終歸於空也。答佛初因機小故。以一相演爲三相。云空無相無作。爲解脫相離相滅相。是但以人空言也。今佛說法到四十年後。二乘人授記時至。佛涅槃時亦至。是謂究竟之終時也。故以三相歸於一相。乃明法空也。雖人法無我。初終有異。而所證空理則一耳。故以終歸於空常寂滅相爲言也。此可見三一權實會歸之的旨矣。

⑤五釋疑令知。

佛知是已。觀衆生心欲。而將護之。是故不卽爲說一切種智。

此爲釋所疑也。天台謂恐疑者云。佛昔旣知始末
唯一。何不鹿苑卽爲說實。釋云。觀衆生心欲。隨三
悉檀而將護之。恐其誹謗。故不卽說也。△佛知是
己的是字。卽指上常寂滅相終歸於空而言。謂如
來證極妙果。唯一空寂。示豈二三。由觀知一切衆
生心有大小。欲有重輕。但於寂滅相中。方便說權。
將養護持。令其漸入佛道。故不卽爲說一切種智
也。述成開顯己竟。⑧二結歎希有。

汝等迦葉甚爲希有。能知如來隨宜說法。能信能受。
所以者何。諸佛世尊隨宜說法。難解難知。

此方結歎四人。今日能知方便卽一乘道。甚爲希有也。文中宜將汝等二字於迦葉下。則等於空生輩也。然所以歎希有者。由如來將護衆生隨宜說法之方便權巧。汝等一一能知能解能信能受也。何故以此便爲希有。以如來隨宜所說之法。卽一相一味。究竟便是常寂滅相。乃權實不二之理。本爲難解難知。汝等既能信知。所以甚爲希有也。

妙法蓮華經授手卷第三之一

音釋

谿

音弁

毀音

澍

注音

洽

音狹

妙法蓮華經授手卷第三之二

清楚衡雲峯沙門智祥集

⑧二偈頌分二。⑨一頌法說又二。⑩一頌法王不虛

爾時世尊欲重宣此義而說偈言。

破有法王出現世間。

此先頌如來示法不虛。天台云。因果不亡爲有。以二十五王三昧破二十五有。如來已破此有。爲法中之王故。△有者。總三界二十五處眾生。有生死輪迴。有無明愛欲。有貪嗔痴等。故總曰有。破者謂

如來以根本智。照窮根本無明。根塵迴脫。諸識盡空。一念成眞。萬妄頓息。故謂之破。則如來已破諸有爲法中王。出現世間一句。是以自所證法。乘之而出世間。破一切眾生之有。隨順眾生說種種法。應知破有是根本智出現。是差別智。有實智故。爲一乘法王。不虛有權智故。爲三乘法王。亦不虛也。此頌如來是諸法之王。至而演說之。

⑤ 二頌述成開顯分二 ⑥ 一頌權實二教

隨眾生欲。種種說法。如來尊重。智慧深遠。久默斯要。不務速說。

隨眾生成欲兩句。是方便說三之權教。卽論實也。天台云。由如來所證智慧廣大深遠。故自尊重。深鑑小機。知其未堪。所以四十年。秘重妙法。而不與說。故曰久默。今大乘機發。特開顯耳。知音云。如來尊重下。頌其所說法。皆悉到於一切智地。雖以實爲權說。種種法。然其所說法。皆能到於如來尊重實智深遠之地。非小乘淺智所能知也。久默下。頌如來觀知一切諸法之所歸趣。謂所說法皆到智地。何不早說。以斯要妙是諸法之所歸趣。諸佛所重。故久默以俟時至。不圖速成也。○二頌權實二智。

有智若聞。則能信解。無智疑悔。則爲永失。是故迦葉隨力爲說。以種種緣令得正見。

此頌亦知一切眾生深心所行。而通達無碍義。在其中矣。知音謂佛旣不惜說法。是急於救人。而返不務速說者。以眾生深心所行。智信者少。而愚疑者多。一速說非惟不達。而且永失。返致受苦無窮。是故務速則利眾生也少。而返害生。故法王所以將教從人。隨眾生力之所堪用。種種因緣。說作小大三一之乘也。雖曰用權。其實令得究竟一切種智。故曰令得正見。此并頌於諸法究盡明了等文。

長行云究盡明了。此云隨力爲說。惟其隨力。眾生方得究了。長行云一切智慧。此云種種正見。意無二也。①二頌譬說分二。②一頌開譬。又二。③一頌有差別。又三。④一頌密雲一雨譬。

迦葉當知。譬如大雲。起於世間。徧覆一切。慧雲含潤。電光晃耀。雷聲遠震。令眾悅豫。日光揜蔽。地上清涼。鬘鬘垂布。如可承攬。

天合謂雲。譬應身。應身隨智慧行。故云慧雲。能說十二部諸乘。故云含潤。若應身不說法。如須扇多及多寶等。卽如雲不含潤也。身放大光。如電耀。口

震四辯。如雷聲。聞法得益。故令眾悅。九十五種邪智隱沒。故云掩蔽。能除九十八種見思熱惱。如地上清涼。應身降世。似同三有。有心往取。實不可得。故云如可承攬。大論云。須扇多佛。全不說法。其雨普等。四方俱下。流澍無量。率土克洽。

○八音四辯。宣澍法雨。一時俱聞。故曰四方俱下。凡有心者。皆蒙利潤。故云率土克洽。

①二頌土地草木。

山川險谷。幽邃所生。卉木藥草。

○此頌上土地。卽是七方便眾生五陰。今蒙法雨。

身心柔軟。如土地得澤也。幽邃者。頌上眾生習因差別。譬眾生久遠所植習因。隱在陰入界內。故言幽邃。今蒙法雨。悉得開發。故云所生。△前云谿谷。此云險谷。照前山川谿谷土地。總譬五陰。依次第譬合。谿譬想陰。論眾生之想。善惡差別。種種不同。則谿與險。善惡並舉。與幽邃二字同意。故知一切善惡種性。今蒙法雨潤澤。各得隨分生長矣。△問。一雨普潤。各得生長之說。似覺法喻不齊。喻中論。險谷幽邃中所有草木。並皆生長。故受一雨所潤。以法論。若幽隱中惡性受法。所潤亦得增長。則佛

法返成長惡之緣。豈理也哉。答言同意別耳。若一切惡性種子。不受法化則已。纔一受化。便立地轉。凡爲聖。所謂知法常無性。佛種從緣起。豈有一定之惡性。而成增長耶。然險谷幽邃中草木。尙爲一雨所潤。而得增長。則田園耘耨者之增長可知矣。

⑤三頌受潤增長。

大小諸樹。百穀苗稼。甘蔗蒲萄。雨之所潤。無不豐足。乾地普洽。藥木並茂。其雲所出。一味之水。草木叢林。隨分受潤。

○百穀語。通取五穀。譬五乘能生百善也。甘蔗蒲

荀。譬定慧。乾地普洽。譬未信者令信也。餘譬如文
可釋。妙樂云。能生者。從果以說。若從因說。乃是百
善生於五乘。大小乘因。豈過十善。故以十善。更互
莊嚴。乃成萬善。若不能修互嚴因者。今所不論。若
然者。人乘是五戒。那言百善。答。酒防意地。通說非
無甘蔗等。既舉二物。應有屬對。則甘蔗質一。可以
譬定。蒲萄形多。可以譬慧。慧約所破。定約所緣。且
分多一耳。

一切諸樹。上中下等。稱其大小。各得生長。根莖枝葉。
華果光色。一雨所及。皆得鮮澤。

此頌受益。然草樹大小。各各種性不同。而同受一雨。則各隨其分。增長無二也。直指云。生長喻信位。枝葉喻解位。華果喻行證二位。光色喻但空真空之智。凡此皆爲如來一音普被也。○二頌無差別。如其體相。性分大小。所潤是一。而各滋茂。

此總結一教理。而普應羣機。隨機大小受潤是一。合上皆悉到於一切智地。以明全權卽實。○三合譬。分二。○癸一合差別譬。分三。○子一合密雲一雨。佛亦如是。出現於世。譬如大雲。普覆一切。旣出於世。爲諸眾生。分別演說。諸法之實。大聖世尊。於諸天人。

一切眾中。而宣是言。我爲如來。兩足之尊。出於世間。猶如大雲。克潤一切。枯槁眾生。皆令離苦。得安隱樂。世間之樂。及涅槃樂。諸天人眾。一心善聽。皆應到此。覲無上尊。

此頌法喻合明第一節。知音曰。佛亦下。先頌有大之實。大聖下。後頌有大之名。如來者。十號之一也。兩足者。十號之第二三四也。福足則應供。慧足則正徧知。又慧足是明。福足是行。故又攝明行足也。出世下。頌善逝世間解。十號之第五也。如大雲下。頌無上土調御丈夫。十號之第六七也。諸天人眾

下。頌天人師佛世尊。爲十號之八九十也。長行先名後實。頌中先標其實。後以名釋也。

我爲世尊。無能及者。安隱眾生。故現於世。爲大眾說。甘露淨法。其法一味。解脫涅槃。以一妙音。演暢斯義。常爲大乘。而作因緣。

此勸聽受中。又更爲二。妙樂云。前四句。先歎佛爲至尊。爲大眾下。始明能說人尊。則所說法妙也。甘露乃不死藥。令聞妙法。慧命不夭。故云甘露淨法。其法一味者。七善無不皆歸一乘。故勸聽受。知音云。佛本無我。順世而稱我也。九法界三世間。皆以

佛爲尊。故曰無能及也。△佛本無生。而亦無相。今爲安隱火宅眾生。故示相示生也。其法一味者。雖說種種道。其實爲佛乘。究竟卽解脫涅槃之一味也。法本一味。而說亦一音。令聞者隨類各解。故曰妙音。斯義卽解脫涅槃之義。爲大乘作因緣者。謂佛非惟一時演暢斯義而已。乃於四十年中。雖說三乘九部之法。無非常爲大乘涅槃作因緣也。

⑤二合土地草木。

我觀一切。普皆平等。無有彼此。愛憎之心。我無貪着。亦無限礙。恆爲一切。平等說法。

此頌如來以等心濟物之故。天台云。有機爲此。無機爲彼。植善爲愛。憎逆爲憎。若有愛憎。則有彼此。不於佛機者愛。餘機者憎。故無貪着限礙也。知音謂。佛所以直爲大乘作因緣者。由觀一切眾生皆平等。具足一乘法體。所以不存彼此愛憎之心。無貪着。謂不貪愛執着大乘而自居也。無限礙。謂不限大機爲廣說。不礙小機爲畧說也。故四十年。恆爲一切人。平等說此一乘妙義而已。

如爲一人。眾多亦然。常演說法。曾無他事。去來坐立。終不疲厭。克足世間。如雨普潤。

○佛事爲自。魔事爲他。應初爲來。應後爲去。入實爲坐。出權爲立。佛觀眾生平等。是等雨山川之意。知音云。如爲一人者。正以驗明平等之實。謂佛爲一人說法。無不盡權實智慧。盡義盡理。卽眾多亦然。此明佛爲眾之心普也。常演說下。又明佛爲眾之心與時無間也。謂佛出世。常以說法教化爲事。曾無他餘之事故。去來坐立。於四威儀中。無往不說。未曾一念生疲厭想。無非欲以一乘之法。克足於世間眾生。如天之雲雨。普潤於三草二木也。此佛無貪着無限碍之意見矣。

法華抄三卷第三及二
貴賤上下。持戒毀戒。威儀具足。及不具足。正見邪見。利根鈍根。等雨法雨。而無懈倦。

○貴賤上下。約位。持戒毀戒。約行。利根鈍根。約智。此亦須具歷五乘七善。展轉說之。知音云。貴賤下。謂法本平等。而機自有不平等者。於人則有貴賤。位有上下。戒有持毀。威儀有具缺。見諦有邪正。根行有利鈍。佛則無有彼此愛憎。但等雨法雨。而無懈倦。此由迦葉前云。一切諸佛秘要之藏。但爲菩薩演其實事。而不爲我說斯真要等。故此諄諄以解其疑也。然此中有五平等。其法一味下。法體平

等。我觀一切下佛心平等。恆爲一切下佛說平等。如爲一人下一多平等。常演說法下。久近平等。末以貴賤上下諸不平等者。一返照之。愈見佛無往而不平等矣。(子)三合受潤增長。

一切眾生聞我法者。隨力所受。住於諸地。或處人天。轉輪聖王。釋梵諸王。是小藥草。知無漏法。能得涅槃。起六神通。及得三明。獨處山林。常行禪定。得緣覺證。是中藥草。求世尊處。我當作佛。行精進定。是上藥草。○此頌明三乘各得增長也。人天俱未斷惑。合爲小草。二乘俱有智斷。合爲中草。六度菩薩志求作

法華授手卷第三之二

九

佛化他勝二乘。獨爲上草。知音云。一切眾生下承上文言。謂佛法如雲雨之無倦。故令聞法者。隨力所受。各住於種種諸地也。地分五等。故言諸地。或處人天下。初人天福報地。轉輪聖王人中至貴。釋梵諸王天上極尊。此釋成貴賤上下四句。以釋天爲欲界主。在輪王上。在梵王下。梵王色界主。在釋天上。空天下故。凡在上者貴。在下者賤。然其因皆由持五戒十善具足威儀而致也。諸王則下該四天王。上該色究竟天等。及人間諸粟散王也。是小藥草者。合前喻小根莖枝葉之文。以人王天王。雖

三界中尊貴。猶屬生死有漏故。然皆可以救人苦
與人樂。故稱爲藥。非佛法棟梁故。比之爲草也。知
無漏者。知苦斷集之法也。簡別天人釋梵有所不
知。能得涅槃者。謂天人釋梵所不能得。卽有餘涅
槃。此中含慕滅修道之意。六通者。卽天眼天耳他
心宿命神境漏盡也。三明。卽六通中天眼宿命漏
盡也。三明旣卽六通之半。奚用重開曰。通約自證。
明約利人。廣如法數詳之。以上頌聲聞乘地也。下
明辟支有二種。一獨覺。二緣覺。獨處山林爲獨覺。
自了之地。常行禪定。爲獨覺自悟之功。標以獨覺。

而結以緣覺。是兼二種人也。然經何不明言出聲聞耶。曰。聲聞有迴心向大分。緣覺出無佛世。多不迴心故。此總明中下之機。皆屬小乘。合喻中根中莖等也。求世尊處。謂有等迴心聲聞。欲求作佛。現世雖不卽得。當來畢竟成佛。故今不取滅定。而廣行六度法門。修精進定。是藥草中之上藥草也。又諸佛子。專心佛道。常行慈悲。自知作佛。決定無疑。是名小樹。

○此頌明通教菩薩。已斷通惑。誓扶餘習。涉有化他。望下爲優。比上則劣。故名小樹。△諸佛子者。該

攝通別二教之三賢四加諸菩薩也。專心者乃發大道心。不求權乘小果。佛道雖廣。不出四無量心。故常行慈悲也。如來雖未明言作記。而自許將來決定成佛。雖勝二乘之如藥草。猶不及地上之廣大莊嚴。故名小樹。

安住神通。轉不退輪。度無量億百千眾生。如是菩薩名爲大樹。

此頌圓教菩薩也。直指云。神通是九地十地之相。轉不退輪。是等覺位之因。此一十一位。以普門智力。示現十界身雲。無機不被。無生不度。故以大樹

名之。卽三車後之大白牛車是也。知音云。安住神通。則知愈於常行慈悲矣。轉不退輪。度無量眾。則超乎自知作佛無疑者矣。○問。神通與慈悲何分。答。慈但與樂。悲但拔苦。神通則不止慈悲。卽殺盜婬五逆十惡有可度處。菩薩亦安心住於其中。此非地上等覺菩薩不能。淨名云。十方大力魔王。皆是住不可思議解脫菩薩。是也。

佛平等說。如一味雨。隨眾生性。所受不同。如彼草木。所稟各異。

此頌長文。如彼大雲雨於一切等文。結完法喻。知

音曰。明平等在佛。不平等在機。故佛法如雲雨直一味。機稟根莖受用。則各有異也。此爲所潤。佛以此喻。方便開示。種種言辭。演說一法。於佛智慧。如海一滴。

此頌如來說法一相一味。至以何法得何法一節。知音云。直明釋迦一佛以實爲權之義。此喻者。卽藥草喻。方便開示。卽權智演說。屬上權智。一法。卽一乘實智。謂佛以此喻。明四十年前開示種種權智雖多。無非演說實相一乘法也。汝等觀之。便謂甚多無量。然於佛自證實智海中。才一滴耳。此爲

能潤。

我雨法雨。克滿世間。一味之法。隨力修行。如彼叢林。藥草諸樹。隨其大小。漸增茂好。

○上是受潤。此是增長。世間。卽十法界三世間也。法本一味。修之不同。故云隨力修行。知音云。前云如來功德說不能盡。今止說一滴。以佛法雲雨。雖曰一滴。卽能克滿於三世間。是一爲無量也。雖克滿三世間。卻直是一味之法。但隨眾生力所修行。各得成實。如彼草木大小諸樹各得成實也。諸佛之法。常以一味。令諸世間。普得具足。漸次修行。

皆得道果。

○此明人天乘聞法增長。普得具足。頌現世安隱。漸次修行。頌後生善處。以道受樂也。

聲聞緣覺。處於山林。住最後身。聞法得果。是名藥草。各得增長。

○最後身有二解。一云。二乘若不值佛。此身未必無後身。由見佛故。成最後身。是增長義。二云。二乘有餘涅槃。住最後身。蒙佛五味調熟。至法華聞大乘教。得入一乘。方名增長義也。△經文明言二乘人處山林。已住最後身。而又言聞法得果。則是於今

會。必應增進深修矣。故名藥草得增長也。

若諸菩薩。智慧堅固。了達三界。求最上乘。是名小樹。而得增長。

知音謂。智慧堅固。則知不止如上文。但云專心佛道。常行慈悲而已。云了達三界。求最上乘。則知不止如上文。但云自知作佛。決定無疑而已。以今之了達三界。廣大校昔之自知作佛。陋小故。所以此中。法則言求最上乘。喻則合爲小樹。而增長爲中樹也。準仁王經云。此由習忍前十善菩薩。增長入三賢位也。

復有住禪得神通力。聞諸法空。心大歡喜。放無數光。度諸眾生。是名大樹。而得增長。

○住禪者。由智慧堅固。復住禪定也。得通力者。謂校前安住神通者。更得其力。以安住約才入手。言得力約久。成其用。言聞諸法空。心大歡喜。則知異乎。聞人空之喜矣。放無數光。度諸眾生。則知異乎。轉不退輪之度眾生矣。以轉尙費言說。光則照而知之。不藉聲言也。所以此中校上節喻名中樹。而得增長爲大樹。異乎求最上乘之求者也。應知由三賢位。而增長至十地位也。癸二合無差別。

如是迦葉。佛所說法。譬如大雲。以一味雨。潤於人華。各得成實。

此喻佛身雲法雨。元無小大先後。只一味也。潤於人華者。知音云。人是法。華是喻。各得成實者。實果也。通法喻言。謂佛法雲雨。雖曰不異。而小大三乘之機。無不由之。開心花結道果。各自成其小大而已。

迦葉當知。以諸因緣。種種譬喻。開示佛道。是我方便。諸佛亦然。今爲汝等。說最實事。諸聲聞眾。皆非滅度。汝等所行。是菩薩道。漸漸修學。悉當成佛。

此叮囑告誡。以堅其信也。大窾云。言我四十年中。以種種因緣譬喻說法。皆是開發指示一佛乘道。卽權卽實也。非但我說法因權顯實。十方三世諸佛。無不皆然。但此權實之法。四十年前。未曾說破。故我今日以最實事。爲汝說也。諸聲聞眾。向來坐守涅槃一事。不爲非真滅度。當知日用所作。折旋俯仰。拈匙把箸。無非皆是菩薩堂堂大路。汝等從此漸漸修學。至於功成行滿。成最正覺。方得名爲究竟滅度耳。△此品因迦葉等悟知如來從前隨宜方便之權。又知今日說一佛乘無二無三之實。

故說窮子一喻。無不盡其屈折。知如來大恩欲報無由。故如來重說此喻。印可其知權知實知恩感德之不虛也。又會眾因聞得悟。必能奮發勇猛。而直證無上菩提。故前來將欲授身子記。便出陳身子久遠受化。非今日如來有彼此之心。而獨記身子也。今欲授四大弟子記。而又說藥草一喻。使千二百及在會人天。知如來大法雲雨本皆一味。由各各根莖大小受益不同。始不謂如來有憎愛之情。於此授記之後。始與諸未記者。說宿世因緣之事。以作將來得記之案。如來述成開顯已竟。

妙法蓮華經授手卷第三之二

音釋

揜音
 演音
 爰音
 靄音
 翫音
 代音
 攬音
 覽音
 邃音
 歲音
 蔗音
 遮音
 葡音
 蒲音
 萄音
 陶音
 槁音
 考音

妙法蓮華經授手卷第三之二

二

妙法蓮華經授手卷第三之三

清楚衡雲峯沙門智祥集

授記品第六

品節云。此品來意。由前四大弟子領悟平等一味之旨。已解本無三乘之實。佛知見既開。則真因已具。乃爲四人次第授記。故特以此名品。直指云。天真自性。離相離名。報化雙超。迷悟不到。佛之一字。吾不喜聞。今云授記。正是夢中說夢。但因眾生循塵已久。背覺日深。全心卽境。全智成識。謬認身心。變爲火宅。故煩大悲接引。方便提攜。至此夢幻見

消。一真獨露。以心傳心。故曰授記。梵語和伽羅此
云授記。聖言說與曰授。果與心期曰記。然記有多
種。廣如科註中釋。⑤四正與作記。分二。⑥正與中
根人授記。分二。⑦一授迦葉記。又二。⑧一長行。分
六。⑨一行因。

爾時世尊說是偈已。告諸大眾。唱如是言。我此弟子
摩訶迦葉。於未來世。當得奉覲三百萬億諸佛世尊。
供養恭敬。尊重讚歎。廣宣諸佛無量大法。

爾時下。結前。告諸下。正授記。飲光。知音云。上頌言
汝等所行是菩薩道。此則曰奉覲三百萬億諸佛。

福因已植。廣宣大法。慧因已成。正是漸漸修學菩薩之道。此授第一因行記也。⑤二得果。

於最後身得成爲佛。名曰光明如來。應供。正徧知。明行足。善逝世間解。無上士。調御丈夫。天人師。佛。世尊。此明迦葉將來正報成就也。知音云。上頌言悉當成佛。此則曰當得成佛。名光明佛。授第二果記。上正等於諸佛也。如來等十號。爲諸佛所護念。未發心者不與。已發心者有。此必爲佛所護念也。大窾云。光明別號也。由因中以紫金塗佛形像。世世生身常金色。故爲羅漢時名飲光。成佛時名光明。

又在此會。領得諸佛平等法光明故。△以因招果。誠然不昧。要知因名飲光者。謂自證未得。只以此光自用也。直待因窮果滿。妙法圓明。則無所不燭。故曰光明。然則最後之名。非由歷劫增修。曷能致耶。⑤三劫國。

國名光德。劫名大莊嚴。

此授第三依報記也。知音云。依報不出兩儀。國屬地理。劫屬天時。光德者。卽常寂光也。大莊嚴者。卽實報莊嚴土也。⑥四壽命。

佛壽十二小劫。

此明成正覺後所住之壽與法也。直指云。十二小劫對應身言。蓋報身佛三際平等。爲應化二身隨機而感。機盡而佛壽亦隱。約理表根塵我法二執而言。眾生著於我法二執。則佛住世以度脫之。若透脫我法二執。佛卽與授記。而示涅槃也。

⑤五正像。

正法住世二十小劫。像法亦住二十小劫。

法本是一。曰正曰像者。因眾生修持之深淺而分耳。法卽如來住世所宣示之三一小大法也。佛滅後眾生。依教明理。依理起行。依行證果。故名正法。

若但明教理。而於行果。有修無證。名與實差。故名像法。謂像者相似也。凡弟子中所修行者。不過存其名。貌似佛而已。實則不致也。二十小劫。但從教理。破我法二執爲言。此記住世久近。是下正覺於眾生也。⑤六國淨。

國界嚴飾。無諸穢惡。瓦礫荆棘。便利不淨。其土平正。無有高下。坑坎堆阜。琉璃爲地。寶樹行列。黃金爲繩。以界道側。散諸寶華。周徧清淨。其國菩薩無量千億。諸聲聞眾亦復無數。無有魔事。雖有魔。及魔民。皆護佛法。

此總明國界嚴飾。亦卽實報莊嚴也。直指以理表法。謂根塵識在。名穢惡。三毒八倒在。名荆棘便利。我法二執在。致國土不平。今幸一切俱轉。廓然清淨。惟一真如。故得琉璃爲地。萬行圓明。故有寶樹參天。理智互融。故金繩界道。若依若正。一齊同轉。若理若事。處處昭彰。故有寶華恒散。徧界清淨。此因開佛知見。萬行圓明而得也。菩薩下。授法屬記。無魔下。授護法記。知音云。魔天臣民。爲三界必有事。但在光明佛法中。不能爲害。以光明佛因中行頭陀事故。果上亦不招魔。而魔返爲護法也。然

身子記中。有授堅滿菩薩記。無魔護法記。各隨願行。彼此互攝耳。此飲光未來成佛。一大事因緣。佛一一授之。飲光一一記之矣。⑤二偈頌亦六。

⑥一頌行因。

爾時世尊。欲重宣此義。而說偈言。

告諸比丘。我以佛眼。見是迦葉。於未來世。過無數劫。當得作佛。而於來世。供養奉覲。三百萬億。諸佛世尊。爲佛智慧。淨修梵行。供養最上。二足尊已。修習一切。無上之慧。

既授而復頌之者何。謂爾等最後成佛。以及獲報。

之國土。佛法莊嚴淨界種種福慧。我皆以佛眼所見。真實不虛。其意惟恐上智容有不信。下根聞之多惑。所以重宣之。以致叮嚀也。則是佛眼見三字。不但通貫迦葉全頌。直總貫後三大弟子與五百弟子頌言中矣。淨修梵行。則身心清淨。無福不致。修習一切無上之慧。則一切法門無所不通。三覺既圓。萬德已具。佛果成矣。⑤二頌得果於最後身。得成爲佛。

最後身。非二乘所證有餘之最後身也。乃是等覺最後生相。無明剷然一空。自然成等正覺。故曰得

成爲佛⑤三頌國淨

其土清淨。琉璃爲地。多諸寶樹。行列道側。金繩界道。見者歡喜。常出好香。散眾名華。種種奇妙。以爲莊嚴。其地平正。無有丘坑。諸菩薩眾。不可稱計。其心調柔。逮大神通。奉持諸佛大乘經典。諸聲聞眾。無漏後身。法王之子。亦不可計。乃以天眼。不能數知。

此頌國土嚴淨。長行但言菩薩聲聞。而頌中詳明菩薩之德。皆調柔其心。具大神通。能隨類現身。奉持大乘廣宣法化。皆是補處大士。則知爲光明如來授記之眾。亦不可稱計也。⑥四頌壽命。

其佛當壽十二小劫。

⑤五頌正像。

正法住世二十小劫。像法亦住二十小劫。

⑥六頌總結。

光明世尊。其事如是。

長文以果號居先。此則結後正見始終皆正智。如如中間則具足十力十願四無量心十波羅蜜。無不圓滿完復。光明如來從因至果。一大事因緣如是而已。頌中缺劫與國名。乃前後互現。成文下三段記文。一一準此。可知授迦葉記已竟。

請
⑧二授三人記。分二⑨一三人請記分四⑩一正

爾時大目犍連。須菩提。摩訶迦旃延等。皆悉悚慄。一心合掌。瞻仰尊顏。目不暫捨。卽共同聲而說偈言。
大雄猛世尊。諸釋之法王。哀愍我等故。而賜佛音聲。
若知我深心。見爲授記者。

此明三人驚怖不得授記也。蓋四人同聞同解。故同以窮子喻之。所以迦葉述云。我等居僧之首。年並朽邁。言等並者。卽四人也。今見迦葉於人天眾前。得授上記。而三人皆惶悚驚慄。同聲說偈到此。

田地則自信之心既切。而望證之念益切。非如前
謂身心疲懈。念三三昧之時。觀等之一字。非徒爲
已請。而亦有如舍利弗作代請之意也。大雄猛者。
大。謂如來智慧威神超過一切。雄猛。謂有大智力。
能破一切眾生諸有。有大威力。能提拔九界人。同
歸實際。具此大雄大力。於諸釋中。爲法王也。此是
讚佛智德。下卽請記。謂哀愍我等。願於人天眾前。
賜微妙者。宣名與記。使驚懼頓息。此亦願也。若如
來憐我。今日至誠請記之深心。便爲授記。則又甚
願也。⑤二喻請

如以甘露灑。除熱得清涼。如從饑國來。忽遇大王膳。心猶懷疑懼。未敢即便食。若復得王教。然後乃敢食。此以喻請見。各不自安也。今見身子飲光。皆已得記。此中不勝熱惱。若亦得與記。正如灑以甘露。則熱惱除而清涼得矣。況此會所聞之言。所見之事。歷然可信。我等聲聞。從前所證。皆非真實。此後決定作佛。我等豈不十分信任。特未蒙親口授記。不免獨懷饑渴之慕。正似有人從饑國中來。幸值大王宴賜。雖珍饈盈案。寶饌羅列。但未得王稱名宣召。似不敢即食。若得綸音下賜。然後方敢安心受。

賞也。⑤三合喻。

我等亦如是。每惟小乘過。不知當云何。得佛無上慧。雖聞佛音聲。言我等作佛。心尙懷憂懼。如未敢便食。若蒙佛授記。爾乃快安樂。

此方陳明所以不自安之心也。惟思也。無心向大。卽小乘之過。謂我等安於小乘時。每常思惟如來無上甚深之慧。不知當如何始得。今雖聞佛所說。言我等作佛。尙未親知其所以成佛之故。未免心懷憂懼。若如來明與授記。此心始得快然無慮矣。

⑥四結請。

大雄猛世尊。常欲安世間。願賜我等記。如饑須教食。此決請必欲授記也。如來示相人間。如大雲起。本欲爲安穩一切世間。故出於世。今我等正在不安穩中。豈如來而不明言。使我等如饑得食耶。三人請記已竟。①二如來與記。分三。②一授須菩提記。又二。③一長行。分五。④一行因。

爾時世尊。知諸大弟子心之所念。告諸比丘。是須菩提。於當來世。奉觀三百萬億那由他佛。供養恭敬。尊重讚歎。常修梵行。具菩薩道。

此爲因請而各與授記也。請中有云若知我深心。

此云知諸大弟子心之所念。則知深心二字。與此所念二字。非獨爲自求授記。是代爲千二百人。作請主也。故弟子如是念。世尊如是記。便是以心印心。眞授眞記之時也。常修梵行。具菩薩道。此卽爲廣行六度萬行。得福智圓滿之時。①二得果。

於最後身得成爲佛。號曰名相如來。應供。正徧知。明行足。善逝。世間解。無上士。調御丈夫。天人師。佛。世尊。此世尊親證。須菩提也。果號名相對因而言。須菩提在母胎時。卽知空寂。爲羅漢時。名曰空生。乃因中自利也。蓋時際修行。必令纖塵不立。若有一法

不空。不能得證。無上菩提。今果號名相。乃又利人
爲急也。當其繁興大用。必須向無相中。廣示諸相。
始不負一番應運而起。然則因中所貴真空。而果
中最尊妙有也。子三劫國。

劫名有寶。國名寶生。其土平正。玻瓈爲地。寶樹莊嚴。
無諸丘坑。沙礫荆棘。便利之穢。寶華覆地。周徧清淨。
其土人民。皆處寶臺。珍妙樓閣。聲聞弟子。無量無邊。
算數譬喻所不能知。諸菩薩眾。無數千萬億那由他。
此從正名依也。須菩提又名善吉。故得劫名有寶
也。亦名善現。故得國名寶生也。其土平正。以至無

有便利等者。由達諸空寂。不立一塵也。人民皆得處寶臺。居妙樓閣者。以自性眾生分得空性三昧。是不忘因性也。聲聞菩薩皆無邊無數者。以真空妙性無所不集也。①四壽命。

佛壽十二小劫。

既居空性三昧。內得脫根。外得脫塵。不爲根塵所亂。故得住壽十二小劫也。②五正像。

正法住世二十小劫。像法亦住二十小劫。其佛常處虛空。爲眾說法。度脫無量菩薩。及聲聞眾。

此明彼佛說法度生也。其佛常處第一義空。而說

第一義諦。所以度脫諸菩薩也。又曰及聲聞眾。則名相如來亦以方便說三乘法。故方便品云。未來諸佛亦以種種因緣譬喻言辭演說諸法等。又豈外此諸佛耶。○癸二偈頌分六。○子一誠聽。爾時世尊欲重宣此義而說偈言。

諸比丘眾。今告汝等。皆當一心聽我所說。此以頌誠聽祈其善領受也。能領納者。卽爲將來成佛真因。不然。所謂一心聽受者。何法也。

○子二頌因行。

我大弟子。須菩提者。當得作佛。號曰名相。當供無數。

萬億諸佛。隨佛所行。漸具大道。

隨佛所行。卽於佛。佛無所違也。大道。卽福智圓滿之果海也。漸具者。正見其歷多劫。侍多佛所由來也。子三頌得果。

最後身得三十二相。端正姝妙。猶如寶山。

此頌明正報。前後皆未有三十二相等文。乃互詳互畧也。寶山者。有光明義。凡佛身皆作紫金光色。故此喻之。子四頌國淨。

其佛國土。嚴淨第一。眾生見者。無不愛樂。佛於其中。度無量眾。其佛法中。多諸菩薩。皆悉利根。轉不退輪。

彼國常以菩薩莊嚴。諸聲聞眾不可稱數。皆得三明。具六神通。住入解脫。有大威德。其佛說法。現於無量。神通變化。不可思議。諸天人民。數如恒沙。皆共合掌。聽受佛語。

此頌國土依報。較長行猶詳明菩薩聲聞之德。及佛現神通變化。與人天至心受法之事也。入解脫。卽入背捨。大智度論云。背是淨樂五欲。捨諸著心。故云背捨。天台云。若發真無漏。斷三界結業盡。卽名解脫。言入背捨者。一內有色相外觀色。內有色相者。不壞內色不滅內色相也。此初背捨位。在初

禪。能捨自他及下地一切諸著故。二內無色相外觀色。內無色相者。壞內色滅內色相也。外觀色者。不壞外色不滅外色相也。由行人入二禪。定境漸深。內色已滅。但欲界結使難斷。故猶觀外不淨之相也。三淨背捨身作證。行者除外不淨相。但於定中。練八色光明清淨皎潔。猶如妙寶之色。故名淨。以無愛著心。而受三禪中徧身妙樂。故云身作證。四虛空處背捨。若滅根本四禪色。一心緣無邊虛空入定。而不受著也。五識處背捨。若捨虛空。一心緣識入定。而不受著也。六無所有處背捨。若捨識。

一心緣無所有處入定。而不受著也。七非有想非無想背捨。若捨無所有處。一心緣非有想非無想入定。而不受著也。入滅受想背捨。背滅受想諸心數法。是爲滅受想背捨。⑤五頌壽命。其佛當壽。十二小劫。

⑥六頌正像。

正法住世。二十小劫。像法亦住。二十小劫。

前此皆頌長行所有。至於其中有事佛起塔。以至本佛傳法弟子舍利流布等事。前後互具。此不繁述。

⑤二授迦旃延記。分二。⑥一長行。分五。

⑦一行因。

爾時世尊復告諸比丘眾。我今語汝。是大迦旃延。於當來世。以諸供具。供養奉事。八千億佛。恭敬尊重。諸佛滅後。各起塔廟。高千由旬。縱廣正等五百由旬。以金銀琉璃。碑礫碼碯。真珠玫瑰。七寶合成。眾花瓔珞。塗香。末香。燒香。繒蓋。幢幡。供養塔廟。過是已後。當復供養二萬億佛。亦復如是。供養是諸佛已。具菩薩道。長阿含云。迦旃延善於議論。有外道執斷見。謂無後世。延云。今之日月。爲此世耶。爲他世耶。若果無

他世。決定無明日矣。又云。我見人死不還。似無他世。延云。如罪人被囚繫者。何可得歸。又云。生天上者。無所拘牽。何亦不見有歸還者。延云。如人墮廁。既出。肯復還入廁乎。且天上一日。人間百年。彼三五日。未遑計歸。設有歸者。汝復何存。又云。鑊煮罪人。密蓋其上。伺之不見神出。故知無有他世。延云。汝晝眠時。或夢遠遊。傍人見汝有神出否。又云。我剝死人。從足至頂。細分骨肉。求神不得。故知無有他世。延云。柴本生火。細分其木。火亦何存。又云。我秤死人。重於活者。若神出已。其人應輕。故知無有

他世。延云。如火與鐵。火在則輕。火退返重。人死神出。其重亦然。又云。我見人死。返轉求神。俱不可得。故知無有他世。延云。如人吹角。聲從角出。返求其聲。甯得聲否。又云。汝雖種種破我。我必不捨所執之相。延云。如人見麻。卽取其質。得麻取皮。得皮取筋。得筋取布。得布取銀。得銀取金。捨劣取勝。人之常情。汝何固執若是。又云。如我所執。其人甚眾。豈我一人作是執耶。延云。如兩商人。路行逢鬼。鬼作人形。而語商云。前路豐米足草。載之何爲。一商俱棄所載。人牛皆饑。鬼得其便。次商人言。若得新者。

可棄故物。於是人牛皆得不饑。鬼不得食。諸人妄說。如鬼誑人。汝不受我語。必爲鬼所噉。今得新者。何不棄故。其人辯不能勝。卽嗔罵云。無知愚人。何苦勸我。延云。如人養魚。路拾諸糞。擊至頭上。路逢大雨。汁污其身。傍人勸捨。返責他人。汝與愚人。無二無別。於是外道敬伏其辯。故靈山會上。稱之議論最爲第一。迦旃延因中供佛起塔。文義甚明。但前曰供八千億佛。後曰供二萬億佛。似斷我法二執之功。由淺而深之意也。由旬此云限量。有三不同。大者八十里。中者六十里。小者四十里。

②二得果。

當得作佛。號曰閻浮那提金光如來。應供。正徧知。明行足。善逝。世間解。無上士。調御丈夫。天人師。佛。世尊。此明正報。由因中勤掃佛地。盡除塵垢。故至羅漢位中。感發辯才。然所以談鋒似箭。辯口如河者。以心地清淨。不存塵垢。今感果號閻浮金光者。由身光似閻浮金色。則知除塵去垢之功。大有益於將來也。③三國淨。

其土平正。玻瓈爲地。寶樹莊嚴。黃金爲繩。以界道側。妙華覆地。周徧清淨。見者歡喜。無四惡道。地獄餓鬼。

畜生。阿修羅道。多有天人。諸聲聞眾。及諸菩薩。無量萬億。莊嚴其國。

此明依報。蓋世人不修善法。惡道增盛。而人天減損。今言無四惡道。則知其國人民。皆奉行閻浮如來教化。深修戒善。故天人熾盛。又曰聲聞眾多。菩薩無量。愈見其善法莊嚴不可思議。⑤四壽命。佛壽十二小劫。

佛之三身。法身無始無終。報身有始無終。今言佛壽十二小劫者。乃應化佛。以根塵作佛事故也。

⑤五正像。

正法住世二十小劫。像法亦住二十小劫。

正像已具前釋。唯此科無劫國名。或譯人有脫耳。

⑩二偈頌分四。⑪一誠聽。

爾時世尊欲重宣此義。而說偈言。

諸比丘眾。皆一心聽。如我所說。真實無異。

二頌行因。

是迦旃延。當以種種妙好供具。供養諸佛。諸佛滅後。起七寶塔。亦以華香。供養舍利。

⑫三頌得果。

其最後身。得佛智慧。成等正覺。

後文十方之所供養。至閻浮金光共六句。該在此成等正覺下。其文更順。⑤四頌國淨。

國土清淨。度脫無量。萬億眾生。皆爲十方之所供養。佛之光明。無能勝者。其佛號曰。閻浮金光。菩薩聲聞。斷一切有。無量無數。莊嚴其國。

以萬億眾生。接菩薩聲聞上。則文意俱到。爲十方所供養者。是普應供之名。當居上科。光明無能勝者。始頌明閻浮金光之實。一切有卽二十五有。況等覺位中無明未盡。亦謂之有。今謂菩薩斷一切有者。無明亦盡也。⑥三授目犍連記。分二。⑦一長

行分五子一行因。

爾時世尊復告大眾。我今語汝是大目犍連。當以種種供具。供養八千諸佛。恭敬尊重。諸佛滅後。各起塔廟。高千由旬。縱廣正等五百由旬。以金銀琉璃。磲磔碼磔。珍珠玫瑰。七寶合成。眾華瓔珞。塗香末香。燒香。繒蓋幢幡。以用供養。過是已後。當復供養二百萬億諸佛。亦復如是。

阿含經云。目犍連。因中曾助辟支佛剃頭浣染縫袈裟。發願求神通。至羅漢果。始發諸通。有外道師徒五百。用咒移山。經一月日。簸峨已動。目連念言。

此山若移。多所損害。卽於山頂虛空中結跏趺坐。山還不動。外道相謂。我法動山。計日可移。云何不
動。此必沙門神力所致。自知力弱。歸心佛道。其神
通事迹。廣如彼經。△前科與此科。詳陳因中起塔
供佛之相。非徒謂事成。旣侍多佛。聞多法。則一花
一香。一動一靜。無不事到理到。塔之所表。前已累
明。蓋塔表一眞智。卽法身所在也。高千由旬。表十
度具足。廣五百由旬。表證五位理體。七寶莊嚴。卽
七覺淨財以嚴法身也。事佛必曰八千。乃融八正
道於一法身。後復事二百萬億者。卽廣融眾智。以

成正覺也。①二得果。

當得成佛。號曰多摩羅跋旃檀香如來。應供。正徧知。明行足。善逝。世間解。無上士。調御丈夫。天人師。佛。世尊。

果號以多羅香名者。由此香薰徧之力不可思議。若燒一鉢。普薰大千世界。此是因中神通速疾。所至則知飛行輕舉。現火降龍等。皆如香力之不可思議也。旃檀香。此云性無染。①三劫國。

劫名喜滿。國名意樂。其土平正。玻瓈爲地。寶樹莊嚴。散真珠華。周徧清淨。見者歡喜。多諸天人。菩薩聲聞。

其數無量。

由因中神通廣大。故得劫名喜滿。運用不盡。隨處隨現。無不稱心。遂意。故國名意樂真珠華者。天花也。華既常散。香應常有。異色異香。人誰不樂。況多諸賢聖。則其國殊勝。倍可見矣。⑤四壽命佛壽二十四小劫。

前佛但言十二小劫。此倍言壽量者。乃因果齊具足也。眾生根塵。卽因爲淨。一切根塵。故如來住壽十二小劫。又住自根塵。以益九界眾生。亦壽十二小劫。是總因果言之也。⑥五正像。

正法住世四十小劫。像法亦住四十小劫。

正像劫量兩俱倍者。一以因中神用超勝。一以果中願力堅持。令法不絕。所以乘因乘願也。

癸二偈頌分五 子一頌行因。

爾時世尊。欲重宣此義。而說偈言。

我此弟子。大目犍連。捨是身已。得見八千二百萬億。諸佛世尊。爲佛道故。供養恭敬。於諸佛所。常修梵行。於無量劫。奉持佛法。諸佛滅後。起七寶塔。長表金刹。花香伎樂。而以供養。諸佛塔廟。

金刹者。法苑云。阿育王取金幡金花。懸諸刹上。故

日金利。具云利摩。此云土田。此通取土名利也。又復伽藍亦號梵刹。又西域以柱表刹。示所居處也。如此方縉紳已上。皆豎幢以示居處。子二頌果國。漸漸具足。菩薩道已。於意樂國。而得作佛。號多摩羅。梅檀之香。

子三頌壽命。

其佛壽命。二十四劫。

子四頌國淨。

常爲天人。演說佛道。聲聞無量。如恒河沙。三明六通。有大威德。菩薩無數。志固精進。於佛智慧。皆不退轉。

爲人天說佛道。卽權實雙運。長行但言國土。此頌明眷屬。則三乘齊具也。⑤五頌正像。佛滅度後。正法當住。四十小劫。像法亦爾。

正像法中。皆弟子奉行法藏之時。於中持法起塔。供養舍利等。此皆必然之事。俱不繁解。正與中根授記已竟。⑥二許與下根說因緣。

我諸弟子。威德具足。其數五百。皆當授記。於未來世。咸得成佛。我及汝等。宿世因緣。吾今當說。汝等善聽。此已與五百弟子。作授記矣。至五百弟子受記一品。不過詳明因果劫國正像而已。然必欲說宿世

因緣者。要見如來悲救之久。弟子受益之深。使人知授記成佛原非偶然會合。良以塵點劫前。已下大種於中。世世受化。積累至今。故威德無不成就也。爲中根人。作喻說一周已竟。

直指云。此品從方便品中第二止後。舍利弗再請云。今此會中。如我等比。百千萬億世。世已曾從佛受化。如此等人。必能敬信。長夜安隱。多所饒益。以此發如來後二周說法之案。但彼時四大弟子。示同凡小。頑然不解。而身子得記之後。乃爲代請。故如來重舉譬喻。廣明火宅危險。指點大小優劣。四

子始深心信解。自舉窮子。以陳返妄歸真之譬。但爲大小見量未忘。如來功德未能盡達。故世尊復以藥草一喻。盡情掃除。始與四人作記。以符身子第二所請師資。如出一轍。完復始終喻說一周之原案也。

妙法蓮華經授手卷第三之三

音釋

窳

苦管切

音

礫

力郎切

音

繩

時征切

音

悚

音

慄

質力

懼切

音栗

灑

所蟹切

音

繩

成索也

音

悚

質力

妙法蓮華經授手卷第三之四

清楚衡雲峯沙門智祥集

化城喻品第七

品節云此品來意由前五人俱得授記而復欲爲千二百人作記故遠引塵劫前大通佛時爲王子教化之宿因曾下一乘緣種自是已來生生受化今緣已熟正是印許之時以顯緣因佛性也化城一喻原是虛設以明三乘畢竟是權爲止怖遠疲勞之眾令眾暫息可進寶所以此開發策進頓悟昔因自信成佛乃各得授記也大窾云本無忽有

謂之化禦敵防非謂之城此品雖與弟子說宿世因緣其實發譬喻藥草之餘蘊蓋喻品意在火宅白牛此品意在化城寶所由火宅而入化城駕白牛而歸寶所兩相合而意始圓又此品雖說如來在大通智勝佛時爲王子覆講法華已爲汝等作今日得度因緣然正發明藥草品中法雨等澍各有所受於諸法中任力所能漸得入道等文所謂如來復有無量無邊阿僧祇功德汝等於無量億劫說不能盡者此也然喻品中身子纔悟卽爲說因緣云我昔曾於二萬億佛所常教化汝汝亦長

夜隨我受學其爲因緣也。近此品爲千二百羅漢。說其因緣在不可思議阿僧祇劫前。爲十六沙彌。已曾開導教化。汝等其爲因緣也。遠以因緣有近遠故。各自言之。使交相發。而互相明也。文中首標大通智勝佛者。是往昔爲釋迦之父。所謂毘盧師法身主。不落方所。不涉數量者。是也。其成佛轉法輪事。皆是逢場作戲耳。至於十六沙彌。纔出家時。卽請大法。代佛轉輪。其氣象又非瑣瑣者比。故能卽紹大通之位。與大通智勝同一鼻孔出氣。豈同下劣小乘。若跛驢駑馬。策之而不肯進者哉。世尊

所以援古證今者。亦是激發小乘。令彼奮發捨小智。而入大通之智也。△問。此品說因緣文廣。喻文少分而已。何不名宿世因緣品。既從喻立題。又何不云寶所。返從化城之虛。是何意耶。答。因緣雖長。總是結緣之義。皆非究竟。所以立名化城者。正以完復從前之所謂因緣也。又此經首題。以蓮華喻法。故此亦以喻立品也。不言寶所。而必曰化城者。正欲人因權明實。卽妄明真。既知城之是化。則知寶所必實矣。斯正爲本經開權顯實之大旨。當如是知。①三爲下根說因緣分二。②一本品正說因

緣分二。④一先明知見久遠。分二。⑤一長行。又三。
⑥辛一出所見事。

佛告諸比丘。乃往過去無量無邊不可思議阿僧祇劫。爾時有佛名大通智勝如來。應供。正徧知。明行足。善逝。世間解。無上士。調御丈夫。天人師。佛。世尊。其國名好城。劫名大相。諸比丘。彼佛滅度已來。甚大久遠。此如來欲與未記者作記。使知記非虛妄。原於無量劫來。已下成佛種子。則是正因久植。而佛果當圓矣。佛告下。標起過去久遠。特明劫數之多。爾時下。舉智佛爲釋迦之父師。見釋迦非智佛亦不得。

以生成也。佛名大通智勝者。包括萬有曰大。圓具十界曰通。能破諸惑曰智。超過一切曰勝。又大卽如如理。通卽如如智。理智圓融。故曰智勝。則下之十號。皆不出此智勝之所具也。國名好城者。以智勝之正處。妙好之依。可謂是依。是正卽體用一如之寂光土也。劫名大相。卽百界千如之無量相。亦卽智勝所本有也。離智勝外。豈復別有所謂好城大相之莊嚴乎。彼佛滅度下。約智勝涅槃後言。以起不思議之喻。故先標言甚大久遠。要解云。大通智勝。卽眾生本源之覺體也。眾生覺體本來若此。

但爲自迷色心之內。故小而不大。封滯無明之殼。故礙而不通。潛伏妄識之陋。故劣而不勝。夫能了色心之迷滯。破無明之封殼。則智勝現前。與佛無別矣。言過無量。不思議劫者。明此智體其來無始。非情塵數量所及也。②二喻明久遠。

譬如三千大千世界所有地種。假使有人磨以爲墨。過於東方千國土。乃下一點。大如微塵。又過千國土。復下一點。如是展轉盡地種墨。於汝等意云何。是諸國土。若算師。若算師弟子。能得邊際。知其數不。不也。世尊。諸比丘。是人所經國土。若點不點。盡抹爲塵。一

塵一劫。彼佛滅度已來。復過是數無量無邊百千萬億阿僧祇劫。

此下喻明彼佛滅度甚大久遠。乃以非喻爲喻也。此中有三翻較量。皆不可思議。一以地種爲墨。而點如微塵。則墨數不可量。二盡地種墨所有之國。是國數不可量。三將點與不點之國。盡作微塵。以一塵爲一劫。猶不能盡彼佛滅度之劫。是劫數不可量也。地種者。由大千世界之地。皆能生長情無情物。故云地種。假使者。卽設喻之言。假若有人以大千世界之地。磨作一池墨水。於是持此水。先從

東方行。過千國土。纔下一點。如微塵許大。又從東去。過一千國土。再下一點。如是展轉者。或東方界盡。展轉向南方。南方界盡。展轉至北方。但以盡此大地種墨水點盡無剩。則止而不行矣。次下以汝意云何爲問者。欲人知此所點之國無量無邊。非算師及算師弟子之所能知也。是人所經國上下。又將所點之國并中九百九十九國之未點者。亦如是展轉括盡。點與不點之國。盡抹微塵。然後以一塵算一劫。彼智勝佛滅度已來。復過微塵之無量無邊百千萬億阿僧祇劫。是知劫數甚不可思

議久遠若斯也要解云。智勝無古無今。未始滅度。而云彼佛滅度如是久遠者。對下根迷情言之耳。若論吾人。失滅智勝迷淪已來。不知過若干劫。誠不可以塵墨數之也。②三見昔如今。

我以如來知見力故。觀彼久遠猶若今日。

因上明智勝如來滅度至今。劫數有如是塵點不可思議。則一等據迹著相人。聞之而驚疑不信。故世尊又言。以我佛眼心力見知。雖彼滅度如斯久遠。亦只如在今日。要知十世古今不離當念。則上來不可思量之塵點劫。與我此念本無內外。亦可

見無邊刹境不隔毫端矣。卽此自他不隔。是如如智。古今不離。是如如理。推此二種廣大之境。總以顯大通智勝之量也。直指云。方便品云。佛曾親近無量無邊百千萬億諸佛。盡行諸佛無量道法。彼中但標其總名。今畧舉大通爲因地發心第一之本師。是爲古今一念。故頌云。佛智淨微妙。無漏無所礙。通達無量劫。益可見古今不離自他不隔也。要解云。以眾生知見迷淪妄計。則智勝隔塵點劫。以如來知見則古今一時。故觀彼久遠。猶若今日。此又釋迦之大通也。

庚二偈頌分三。辛一頌出所見事。

爾時世尊欲重宣此義而說偈言。

我念過去世。無量無邊劫。有佛兩足尊。名大通智勝。
此四句。總標頌本因之主。我念者。卽追憶遠大劫
前所觀之本師。次下出名。辛二頌喻明久遠。

如人以力磨三千大千土。盡此諸地種。皆悉以爲墨。
過於千國土。乃下一塵點。如是展轉點。盡此諸塵墨。
如是諸國土。點與不點等。復盡抹爲塵。一塵爲一劫。
此諸微塵數。其劫復過是。彼佛滅度來。如是無量劫。
此頌以大喻明劫量也。非此大喻。孰能知此遠劫。

④三頌見昔如今。

如來無礙智。知彼佛滅度。及聲聞菩薩。如見今滅度。諸比丘當知。佛智淨微妙。無漏無所礙。通達無量劫。無礙智。乃佛知見也。於久遠劫所知見者。一一明了無礙。所謂不離當念。不隔毫端。若古今自他之量不泯。則有礙矣。烏得有見昔如今之妙哉。知彼佛滅度者。是知智佛滅度久遠不謬。又言及聲聞菩薩者。謂不但知佛不謬。卽彼佛所有聲聞菩薩滅度。一一見知。無有錯謬。則今日當授記者之聲聞菩薩。卽彼佛之聲聞菩薩也。卽此愈見其古今

不離。卽彼卽此。次言比丘當知者。當知我如來所
知所見。決定不謬。何故。由如來具四智故。佛智者。
卽大圓鏡智也。淨者。平等性智也。微妙者。妙觀察
智也。無漏無礙。卽成所作智也。具此四智。故能通
達無量劫。猶今日矣。此由釋迦以四智合大通智。
如水合水。既合之爲一。豈有古今自他久遠之分。
則知視久如今。其理益明矣。明知見久遠已竟。
④二正明宿世因緣。分二。⑤庚一長行。又二。⑥辛一結
緣由。又二。⑦壬一出遠由。分二。⑧癸一智佛成道。又曲
分五。⑨子一佛壽長遠。

佛告諸比丘。大通智勝佛。壽五百四十萬億那由他劫。

此明智佛成菩提道。從實垂權。直指云。先明本主。壽量長遠。見彼佛悲願彌深。故住世度生彌久。如行願品云。惟願久住刹塵劫。利樂一切諸眾生也。△彼佛出於增劫。既壽令長遠。則成道必曰十小劫。受請之後。欲說大經。待時待機。必曰過二萬劫。然後正說法華之時。必曰八千劫。說經之後。入於靜室。又曰八萬四千劫。及至此後。猶未見智佛唱入涅槃。則知住世之長遠。與入滅已來之長遠。皆

不可思議。且今釋迦出於滅劫。壽僅八十年。而成道。只曰六年。待時待機。只四十年。正說此經。只數年。便於此會。唱入涅槃。雖二佛延促不同。其悲願濟世。則無二無別矣。那由他。或云阿庾多。此云萬億。(子)二成道前事。分二。(丑)一佛坐道場。

其佛本坐道場。破魔軍已。垂得阿耨多羅三藐三菩提。而諸佛法。不現在前。如是一小劫。乃至十小劫。結跏趺坐。身心不動。而諸佛法。猶不在前。

此正明等覺正證也。本坐道場者。本卽本覺。屬如如智。道場卽如如理。本不動。爲智所歸。故曰本

坐道場。此卽無修無證之如如佛也。今欲接物利
生於無身中示身。旣欲現身。則魔事起矣。所謂魔
事者。有作之心也。破魔軍者。謂最後生相無明盡
也。據事由菩薩功行逼極。震動三千。致諸魔軍而
來。惱亂菩薩。以慈心三昧。一一摧伏。待破此魔後。
則成等正覺矣。言垂得者。正證之間也。諸佛法者。
卽一理平等也。不現前者。無容擬議之也。況智佛
於此時間。理智融。始本契。上無佛可成。下無生可
度。中無行可修。煩惱菩提。生死涅槃。俱不可得。盡
十方世界。赤洒洒。沒可把。從一小劫。至十小劫。身

心不動。所謂一念不生也。言諸佛法不現前者是本覺不動。未起利物之心也。問。既曰大通智勝佛本坐道場。則本來是佛。何更欲經十劫而謂成道。豈另有佛外之道。而再欲成耶。答。豈不見。適來謂爲欲利生故。於無身中示身。則不妨依舊有修有證。此化身如來成始成終之必然事也。如今釋迦降生成道轉法輪。以至三七思惟。籌量行止。故方便品云。作是思惟時。十方佛皆現。又云。如過去諸佛說法之儀式。此便是釋迦之佛法現前矣。但此曰三七。彼曰十劫。乃時節長短不同。總皆爲出世

因緣。豈謂另有佛外之道。而再欲成哉。

①二諸天供養。

爾時。初利諸天。先爲彼佛。於菩提樹下。敷師子座。高一由旬。佛於此座。當得阿耨多羅三藐三菩提。適坐此座。時諸梵天王。雨眾天花。面百由旬。香風時來。吹去萎花。更雨新者。如是不絕。滿十小劫。供養於佛。乃至滅度。常雨此華。四王諸天。爲供養佛。常擊天鼓。其餘諸天。作天伎樂。滿十小劫。至於滅度。亦復如是。此明因果將契也。如來妙境。卽事卽理。若據事論。佛坐道場入定。而諸天侍座供養。所必然也。據理

亦有深意。佛卽一眞法界之如如理。則眞俗之智融而不二。此爲自受用。可謂常樂我淨無作無爲。今言破魔軍已。卽欲出生現形說法。既有作有爲。又必眞俗齊到。體用兼行。故前曰如來結跏趺坐。身心不動。乃本覺眞體顯露也。此言忉利諸天先爲彼佛敷師子座。高一由旬。是始覺俗用亦到也。高一由旬者。表佛超十界。良以眞非俗不顯。俗非眞彰不此座者。乃眞俗圓融之地。旣至此地。何法不圓。故向後佛坐此座。卽諸法現前矣。不然。何忉利諸天。便先知佛於此座得菩提耶。故知佛卽眞諦。

天爲俗諦。座爲天置。而佛坐於此。卽得諸法現前。又是何等明白。但前曰佛是如如理。眞俗不二。屬自利邊說。此言佛據座。乃眞俗圓融。屬利他邊說。故曰。諸佛如來爲一大事因緣。故出現於世也。次言梵天雨花。至於滅度而猶不止。諸天作樂。亦至滅度而亦不止。此又有所謂也。凡言花。皆以表因。以花供出於梵天。而供至佛滅。則知因因無盡。前來佛坐天座。是以果徹因。今以花供佛。卽以因徹果。四面各散百由旬者。表因中四智俱嚴也。吹萎雨新。表以妙因欲證妙果也。此段經文中。始本具

而因果彰。真俗融而體用足。則欲爲出世利生之
事業。復何難乎。⑤三正明成道。

諸比丘。大通智勝佛。過十小劫。諸佛之法。乃現在前。
成阿耨多羅三藐三菩提。

此明覺心圓滿也。必謂過十小劫者。劫乃數之總
名。十卽一之終數。大窾云。正顯大通智勝始存一
念垂得之心。卽與圓滿菩提歸無所得之心異矣。
卽此一念自生障隔。不得大通。而智亦不勝。直至
數量消忘。而平等佛慧方得現前。方得名爲大通
智勝耳。然此亦不過爲學家作引緣耳。況小乘守

滅定而不捨。就小智而不忘。又烏能知甚深無量
平等之佛慧哉。故如來舉此意。使小乘知諸佛智
慧有如此甚深無量。是爲未證作證者言耳。若據
大通智勝四字。於空劫已前。那邊更那邊。早已七
花八裂。更說甚麼佛法現前。不現前。若於此中。有
一法不到。何謂大通。此外有一法不收。何謂智勝。
既曰大通智勝。則包無不容。攝無不盡。若有佛可
成。有生可度。皆兒孫邊事。所謂靈苗異草。野父慵
鉏。豈智勝之尊。有如是事。學者更須細究。

① 四道後應俱。

其佛未出家時。有十六子。其第一者名曰智積。諸子各有種種珍異玩好之具。聞父得成阿耨多羅三藐三菩提。皆捨所珍。往詣佛所。諸母涕泣而隨送之。其祖轉輪聖王與一百大臣。及餘百千萬億人民。皆共圍遶。隨至道場。咸欲親近大通智勝如來。供養恭敬。尊重讚歎。到已。頭面禮足。繞佛畢已。一心合掌。瞻仰世尊。以偈頌曰。

此明大用畢彰。日月燈有八子。皆以意名。而又皆師妙光。受妙光教化。最後者曰然燈。是轉識成智。乃光光相然之謂也。今智勝居俗時。有十六子。表

因果二邊共十六心。意在轉小智而成大智。故今第十六位。卽釋迦牟尼。是因果齊到也。故日月燈八子爲因。最後然燈。乃釋迦師也。故師資皆以光言。今之十六。乃攝因歸果。故最後之佛。卽然燈子也。則師資皆以智稱。其第一名智積者。謂雖具大智。尙有凝滯。未至大通也。諸子下。謂若欲捨俗入真。應將平素所有寶惜愛護之心。盡情棄捨。若有一念聖見不忘。卽是金鎖玄關。況其餘耶。故曰聞父出家。皆捨所珍。是一轉一切轉。卽屬智德。又曰諸母涕泣。經云。寶智菩薩母。言諸者非一母也。涕

泣者割捨所愛。卽屬斷德。隨送者。是智與理。具一切俱到也。大通智勝。今既現形。益物。是大用顯發。其祖轉輪聖王。與大臣等。親近供養。是全體契入。萬用畢具之際。故曰到已。一心瞻仰也。要解云。燈明之子。止言領四天下。表上根唯四大爲累而已。今言各有種種玩好者。表下根有種種欲。深心所著也。捨珍詣佛者。以其有積。則未能大通。能捨欲著。可謂智勝矣。

大威德世尊。爲度衆生故。於無量億歲。爾乃得成佛。諸願已具足。善哉。吉無上。世尊甚希有。一坐十小劫。

身體及手足。靜然安不動。其心常憺怕。未曾有散亂。究竟永寂滅。安住無漏法。今者見世尊。安隱成佛道。我等得善利。稱慶大歡喜。眾生常苦惱。盲瞶無導師。不識苦盡道。不知求解脫。長夜增惡趣。減損諸天眾。從冥入於冥。永不聞佛名。今佛得最上。安隱無漏道。我等及天人。爲得最大利。是故咸稽首。歸命無上尊。此是會眾讚頌。而利賴有準也。大威德下六句。頌本坐道場等文。如來有折伏之威。攝受之德。故曰大威德。爲欲度脫一切眾生故。於無量億劫。修諸苦行。而證菩提。既得成佛。而諸願滿足。故讚言善。

哉吉祥無上士也。世尊甚希有下八句。頌如是十
小劫等文。大窺云。身體二句。讚身不動。其心二句。
讚心不動。如是身心不動。十劫用功。至生滅滅寂
滅現。方得名爲究竟永滅。始得安住無漏大菩提
法矣。今者下四句。方出陳我等希遇之緣。謂今見
如來已超三界。安隱得成無上佛道。實爲我等得
度之緣。必應得大善利。以故今朝稱慶。而亦大歡
喜也。次下出陳歡喜之故。良由六道眾生常苦常
惱。處於無明大夜之中。如盲瞶之不識道路。況乏
指示。不知盡苦之道。不知解脫之方。由是長夜昏

昏無歸無救。所以惡趣增而諸天滅。出沒三途。從冥入冥。不唯不見佛。抑且不聞名。其失利也不勝言矣。今佛既已得最上道。必興大悲雲。普濟羣品。我等聞名見相。幸沾最勝利益。所以稱慶歡喜稽首歸命大導師也。憎怕者安靜也。

⑤五請轉法輪。

爾時十六王子。偈讚佛已。勸請世尊轉於法輪。咸作是言。世尊說法。多所安隱。憐愍饒益。諸天人民。重說偈言。

世雄無等倫。百福自莊嚴。得無上智慧。願爲世間說。

度脫於我等。及諸眾生類。爲分別顯示。令得是智慧。若我等得佛。眾生亦復然。世尊知眾生深心之所念。亦知所行道。又知智慧力。欲樂及修福。宿命所行業。世尊悉知已。當轉無上輪。

此十六沙彌請轉法輪也。大窾云。十六沙彌。纔得出家見佛。便有濟世之心。卽時請轉法輪。其氣槩雄視一世。眞偉哉大丈夫也。言多所安隱者。能使愚者智。不肖者賢。懦者立。弱者強。倒懸者解。故曰多所安隱。饒益天人也。△偈中。先讚佛具足諸智諸德。故曰。爲世間第一雄猛。無有同等。無有倫類。

之大丈夫也。等者同也。倫者類也。百福莊嚴。是福足。得無上智慧。是慧足。既爲兩足之尊。宜當普雨法雨。度脫我等。與一切眾生。令人人得佛智慧。與佛無殊。是謂皆悉。到於一切智地。此處便見十六沙彌本願所存。不爲自求。便有興雲布雨。普濟羣情之想也。世尊知眾生下。謂如來具足知見。能知眾生種相體性。卽知現前眾生深心所念。是何事也。當以何法教化。令行何等道法。必得何等智樂。何等法。修何等福。又知過去作何等行業。此皆謂如來明見。無有錯謬。應當隨機授教。此是十六沙

彌請說三乘之意。今我等志在大乘世尊亦知我等深心所念願爲轉無上輪。使我等具足二利功德。亦轉法輪。如今釋迦演大華嚴滿字法輪也。智佛成道已竟。○癸二梵王請法分二。○子一威光照動佛告諸比丘。大通智勝佛得阿耨多羅三藐三菩提時。十方各五百萬億諸佛世界。六種震動。其國中間幽冥之處。日月威光所不能照。而皆大明。其中眾生各得相見。咸作是言。此中云何。忽生眾生。又其國界諸天宮殿。乃至梵宮六種震動。大光普照。徧滿世界。勝諸天光。

此敘智佛初坐道場先現六瑞。十劫思惟。方便權智現前。正垂三菩提利生之時也。十方各五百萬億佛土。六種震動。總見十界依報同轉。示理無碍也。五百萬億。明廣遠之極。又況十方各具是數。而廣遠亦見其不可量也。幽冥之趣。日月不到。今承佛光而皆大明。此又見智勝之不可量也。獄中眾生背覺已久。故無所見。今蒙光照。則彼此俱明。故咸謂忽生眾生。此敘地獄三途之最苦處。光明融徹也。次言五百萬億佛國中六欲諸天及色界梵天。一一六種震動。大光普照。光勝諸天。此又敘三

界天道之最樂處。光明融徹也。以上舉天地二道中已攝人等諸道。良以一切眾生無明自覆。故被眾塵隔越。今承佛力。則一一顯露。一一全彰。故至十方各五百萬億佛土。而皆大明也。但智佛得菩提下。該有卽放眉間白毫相光。徧照十方各五百萬億諸佛世界之文。此或譯師及潤文者有脫耳。何以知然。觀今釋迦欲說大法。卽放眉間白毫相光。而中古日月燈明說大法時。亦放是光。豈上古智勝如來說此大法之際。而不放是光明耶。故文中疊疊言光。謂下照地獄。上徹天宮。橫徧五百萬

億佛土。則其光有不可甚言者。豈無放而云然也。然釋迦光中。圓具十法界相。而此不言者。須知此是我如來親舉遠因。前既具明十界之相。至此不言可知。況智佛受請之後。初轉法輪。便有六百萬億那由他人。得無漏解脫。此諸人眾。豈當時不於智勝光中有見有聞。而纔聞三轉四諦。便頓然如此悟入之深耶。既日照五百萬億佛土。豈容不具十界相乎。由此知必然放光而成六瑞也。但前二佛先說法入定。而後有放光動地雨花眾喜。今此先十劫入定。卽雨花放光動地眾喜。而後說法。此

是從本垂迹。乃開張權實之始。明最初相也。日月燈與釋迦。乃攝迹歸本。會融權實爲終。是最後談也。智佛光照十方各五百萬億者。明大通之量。是餘不能及。故曰智勝。若據理表。萬八千土。表十八界。此五百萬億。當表五陰。其實五陰與十八界。開合名耳。是異其名。不異其體。何嘗二也。則彼佛此佛。據時論劫。似有今古。而此理智又何嘗二。具眼者審之。大窾云。釋迦放光。爲末後一著。大通放光。爲最初一句。蓋最初一句。不異末後一著。故其光明。亦徹上徹下也。要解謂。夫人以五蘊眾相和合。

有生而封蔀無明。誠非日月威光所能照燭。及乎
智勝開明。乃知眾生之相。從芒芴間。忽然幻有。亦
若是矣。③二十方梵請。分二。④一九方。分四。

⑤先東方。分七。⑥一觀光瑞。

爾時東方五百萬億諸國土中。梵天宮殿。光明照耀。
倍於常明。

此敘智佛初成正覺。光照十方。梵天瑞動之相。因
佛中道智光一照。頓覺宮殿晃耀。倍於常明。然梵
天已不假日月光明。而諸天自有身光。及宮殿園
林。俱有光明。今以佛光勝萬萬倍故。各各驚疑。恠

問也。

④二驚疑念

諸梵天王各作是念。今者宮殿光明。昔所未有。以何因緣而現此相。

④三共相問。

是時諸梵天王。卽各相詣。共議此事。時彼眾中。有一大梵天王。名救一切。爲諸梵眾而說偈言。

我等諸宮殿。光明昔未有。此是何因緣。宜各共求之。爲大德天生。爲佛出世間。而此大光明。徧照於十方。此是梵天各見光明有異。則疑念競生。共一處而

議是光畢竟有何因緣也。梵中一梵名救一切者。此正顯爲地上菩薩示應之名。眾天各疑未及出言議事。唯救一切天王發聲告眾曰。莫是有大德天人來生於此耶。莫是有佛出現世間而致有此大光徧照耶。梵天修禪定兼修四無量心。故曰大德天。此天主欲統領諸天。尋光見佛。是爲諸天中之引導師。所謂應以天身得度者。現天身說法也。設如來不放此光。諸天何緣見佛。則是光之放也。慈濟曷窮。雖智佛入定十劫。而光照之處。所有人天生無限勝心。如此者。如來何嘗不說法也。此處

法華指掌疏卷三之四
三
妙在眾梵疑念。不疑何有尋光之舉。不尋光。何有見佛之緣。不見佛。何得具大通妙智之用哉。

④四尋光明。

爾時五百萬億國土。諸梵天王。與宮殿俱。各以衣被。盛諸天華。共詣西方。推尋是相。見大通智勝如來。處於道場。菩提樹下。坐師子座。諸天。龍王。乾闥婆。緊那羅。摩睺羅伽人。非人等。恭敬圍遶。及見十六王子。請佛轉法輪。

此敘東方五百萬億梵王來儀。與宮殿俱者。梵天宿福深厚。故感宮殿隨身。如世間王者。尙有無窮。

妙樂。況天王耶。衣祴盛花。以備作供養也。世間以金寶爲貴。天宮以花爲貴。故凡獻供。皆以天花。共詣西方者。乃尋光所向之處。如十方人各隨所向之方。慕直尋之。必得見佛。而亦顯此光無處不周。無往不在也。見佛處座。是親到親見。非彷彿知聞者也。不唯見佛。而又見護法請法之眾。則亦將聞轉法輪矣。由此光照之緣。便頓令梵人入佛知見。則又何等徑捷。何等簡易。④五興供養。

卽時諸梵天王。頭面禮佛。繞百千匝。卽以天華。而散佛上。其所散華。如須彌山。并以供養佛菩提樹。其菩

提樹高十由旬。華供養已。各以宮殿奉上彼佛。而作是言。惟見哀愍。饒益我等。所獻宮殿。願垂納處。時諸梵天王。卽於佛前。一心同聲。以偈頌曰。

世尊甚希有。難可得值遇。具無量功德。能救護一切天人。之大師。哀愍於世間。十方諸眾生。普皆蒙饒益。我等所從來。五百萬億國。捨深禪定樂。爲供養佛故。我等先世福。宮殿甚嚴飾。今以奉世尊。惟願哀納受。梵天人等。旣親見如來。則所獻之供。無不虔懇。頭面禮身。至敬也。同聲說偈。口至敬也。散花奉殿。皆共一心。意至敬也。須彌本高八萬四千由旬。各以

衣裓之花散卽與等。足見所來者眾。且復供樹者。樹乃智勝之所依。亦所當供也。樹高十由旬。表智超十界。各以宮殿獻者。由花供不足以盡其誠。故復奉以宮殿也。況天人之殿。未嘗須臾有間。而一旦捐捨。表我執已解。願佛處中。是轉凡依。而成慧依。處字留也。偈中先歎佛權實二智。世尊甚希有。兩句歎實。下二句歎權。總明大悲拔苦。故云能救護。一切天人。下四句歎佛饒益廣大。總明大慈與樂。故云普皆蒙饒益也。次下述來儀。謂我等所來之方。已經五百萬億國土。捨梵宮深禪妙樂。遠遠

至此無非爲見佛而來。據理從凡入聖。須經五十位。因行具足。方得親到佛境。捨深禪定。卽是發回向心。頓希佛果妙樂也。○問。雨花如山。樹座猶下。其相如何。答。不思議事。彼此不礙也。

④六請說法。

爾時諸梵天王。偈讚佛已。各作是言。惟願世尊轉於法輪。度脫眾生。開涅槃道。時諸梵天王。一心同聲而說偈言。

世雄兩足尊。惟願演說法。以大慈悲力。度苦惱眾生。兩足者。定慧二嚴也。天台云。旣云度苦惱眾生。卽

是請轉半字如今。佛鹿苑中。說三藏教。度五濁八苦眾生也。△長行曰開涅槃道。頌中云惟願演說法焉。知定請半字。況地上應身之士。志願佛道。故云以大慈悲力。且慈能與四聖之樂。悲能拔六凡之苦。則請意槩可見矣。⑦七佛默許。

爾時大通智勝如來。默然許之。

默許者。由梵天來意。所以合佛放光說法時至之心。故口不言。而心允矣。知音謂。世說云。世尊以默然爲許可。初佛本坐道場。已成佛矣。但由一乘實相。把住太緊。不唯諸佛不現。卽親生十六王子。亦

不得能親近。況十方各五百萬億國土諸梵天王而皆來乎。所以謂之垂得菩提也。及思惟過十小劫已。放開一線。以實開權。得其諸佛度生方便。則王子來。而梵天亦來。始謂之得成菩提。可見得成菩提之言。亦只使眾生見相作佛耳。方便權智。有如此之妙。故諸佛成道。必欲先說三乘也。蓋娑婆世界教體如是。眾生利於耳根。從聞得入。是以下文智佛受十方梵天請訖。卽先轉四諦因緣。然後乃爲十六王子。說一乘實相也。此雖敘智佛成道來十方梵天之事。其實發明方便品我釋迦始坐

道場觀樹經行諸梵天王請轉法輪之義。下九方
文。雖有增損。皆不外此。可以例通。

妙法蓮華經授手卷第三之四

音釋

瑣蘇果切音 跛補火切音 驚農都切音 菱烏胃切
鎖碎也 與波上聲 駑駑駘下乘也 文音拂切
徒濫切 各與泊通 音叢租切 物音拂切
上聲安也 靜也 切

去聲受三卷第三之四

后

妙法蓮華經授手卷第三之五

清楚衡雲峯沙門智祥集

⑤二東南方分七⑥一觀光瑞

又諸比丘。東南方五百萬億國土。諸大梵王。各自見
宮殿光明照曜。

⑦二驚疑念

昔所未有。歡喜踊躍。生希有心。

⑧三共相問。

卽各相詣。共議此事。時彼眾中。有一大梵天王。名曰
大悲。爲諸梵眾。而說偈言。

是事何因緣而現如此相。我等諸宮殿光明昔未有。爲大德天生。爲佛出世間。未曾見此相。當共一心求。過千萬億土。尋光共推之。多是佛出世。度脫苦眾生。諸梵中首。有曰大悲者。亦是寄位示跡之稱。觀其發言。皆是決定有知識者之語。謂當共一心求。又曰多是佛出世。度苦惱眾生。其意可見。④四尋光明。

爾時五百萬億諸梵天王。與宮殿俱。各以衣被。盛諸天華。共詣西北方。推尋是相。見大通智勝如來。處於道場。菩提樹下。坐師子座。諸天。龍王。乾闥婆。緊那羅。

摩睺羅伽人。非人等。恭敬圍遶。及見十六王子請佛轉法輪。

東南方人。或向西方北方。亦未嘗不可。而必曰西方者。所謂驀直去也。稍有增差。則不中矣。推尋二字。是勤勇無間之功。雖尋至千萬億土外。得見智勝如來。其實此光。亦卽各各殿中。未出門時。所見之光也。雖然。若不尋光。何能見佛。所謂知卽得也。卯五興供養。

時諸梵天王。頭面禮佛。繞百千匝。卽以天花。而散佛上。所散之華。如須彌山。并以供養佛菩提樹。華供養

已。各以宮殿。奉上彼佛。而作是言。惟見哀愍。饒益我等。所獻宮殿。願垂納受。爾時諸梵天王。卽於佛前。一心同聲。以偈頌曰。

聖主天中王。迦陵頻伽聲。哀愍眾生者。我等今敬禮。世尊甚希有。久遠乃一現。一百八十劫。空過無有佛。三惡道充滿。諸天眾減少。今佛出於世。爲眾生作眼。世間所歸趣。救護於一切。爲眾生之父。哀愍饒益者。我等宿福慶。今得值世尊。

聖中之聖曰主。天中之天曰王。闕澤云。孔老之教。奉天而行。不敢違天。釋迦之教。諸天奉行。不敢違

佛故曰天中王也。迦陵頻伽。此云妙聲鳥。正法念經云。山名曠野。其中多有迦陵頻伽。出妙音聲。如是美音。若天若人。緊那羅等。無能及者。唯除佛音。此亦借之以況勝也。非佛音似之。直指云。一百八十劫。表百八煩惱爲眾生障。障重則惡多。惡多而天滅。是天之所憂也。今幸佛出。作人天眼。爲九界所歸。真大慈悲父也。△已入惡道者。如來有種種方便。救之令出。未入者。亦以種種方便護之不入。故有大哀愍。饒益眾生。今者遇佛。決非小緣。由宿植福。有斯慶幸也。④六請說法。

爾時諸梵天王。偈讚佛已。各作是言。惟願世尊。哀愍一切。轉於法輪。度脫眾生。時諸梵天王。一心同聲而說偈言。

大聖轉法輪。顯示諸法相。度苦惱眾生。令得大歡喜。眾生聞此法。得道若生天。諸惡道減少。忍善者增益。既得見佛。必希聞法。若但見而無聞。亦何所益。故必欲請說法也。諸法相者。卽陰處界三。並諦緣度等諸法之相。苦惱。卽火宅六道諸眾生也。忍善者。卽七方便人。得諸法忍。善道增長。必至惡法減損矣。④七佛默許。

爾時大通智勝如來默然許之。

④寅三南方分七。⑤卯一觀光瑞。

又諸比丘。南方五百萬億國土。諸大梵王。各自見宮殿。光明照耀。

⑥卯二驚疑念。

昔所未有。歡喜踊躍。生希有心。

⑦卯三共相問。

卽各相詣。共議此事。以何因緣。我等宮殿。有此光曜。而彼眾中。有一大梵天王。名曰妙法。爲諸梵眾而說偈言。

我等諸宮殿。光明甚威曜。此非無因緣。是相宜求之。
過於百千劫。未曾見是相。爲大德天生。爲佛出世間。
梵主之名。曰妙法者。似爲已得大通智者之名。故
能統眾尋光。所謂此非無因緣。而必欲求之。又謂
過百千劫。未曾見此相。則知百千劫前。曾已見矣。
益知其爲示應之跡也。卯四尋光明。

爾時五百萬億諸梵天王。與宮殿俱。各以衣祴盛諸
天華。共詣北方。推尋是相。見大通智勝如來。處於道
場。菩提樹下。坐師子座。諸天龍王。乾闥婆。緊那羅。摩
睺羅伽人。非人等恭敬圍遶。及見十六王子。請佛轉

法輪。

④五興供養。

時諸梵天王。頭面禮佛。遶百千匝。卽以天花。而散佛上。所散之華。如須彌山。并以供養佛菩提樹。華供養已。各以宮殿。奉上彼佛。而作是言。惟見哀愍。饒益我等。所獻宮殿。願垂納受。爾時諸梵天王。卽於佛前。一心同聲。以偈頌曰。

世尊甚難見。破諸煩惱者。過百三十劫。今乃得一見。諸饑渴眾生。以法雨充滿。皆所未曾覩。無量智慧者。如優曇鉢華。今日乃值遇。我等諸宮殿。蒙光故嚴飾。

世尊大慈愍。惟願垂納受。

頌中先讚佛斷德。

破諸

煩惱。卽五住無明盡也。一百

三十劫。出陳難見之證。饑渴者。指六道眾生。謂佛不出世。則無法喜禪悅解脫之漿濟之。今旣出世。使六道眾生。皆得法雨充滿。而熱惱清涼也。昔所未覩下。讚佛智德。智慧希有。難可值遇。正如優曇華。一切皆愛樂也。言宮殿蒙光嚴飾者。一一皆準華嚴經說。有不可思議眾寶莊嚴。以此微妙宮殿奉供如來。是知虔誠至矣。④六請說法。爾時諸梵天王。偈讚佛已。各作是言。惟願世尊。轉於

法輪。令一切世間。諸天。魔。梵沙門。婆羅門。皆獲安隱。而得度脫。時諸梵天王。一心同聲以偈頌曰。

惟願天人尊。轉無上法輪。擊於大法鼓。而吹大法螺。普雨大法雨。度無量眾生。我等咸歸請。當演深遠音。梵王請法之心。不爲自求。曰令一切世間者。總該六道。別舉梵魔。是世間善惡一對。沙門與婆羅門。是世間邪正一對。次結云皆獲安隱者。謂佛若轉法輪時。使世間善惡邪正染淨智愚。無不皆獲安穩也。擊鼓警其同臻寶所。吹螺促其念念不退。雨澤其六道枯槁。此請開三。當演深遠音。乃請顯

一。以彰最極之談。始完復梵主本名。蓋爲請說自家妙法耳。④七佛默許。

爾時大通智勝如來。默然許之。

⑤四總明六方。

西南方乃至下方。亦復如是。

乃至者。超畧西方西北方北方東北方并西南與下方共六方。亦復如是者。謂每方各五百萬億梵天。於其光照。生疑共議。尋光見佛處座。及八部王子請法修供等。皆如前式。故不必繁辭。槩如之也。已上明九方竟。⑥二明上方。分六。⑦一觀光瑞。

爾時上方五百萬億國土。諸大梵王。皆悉自覩所止
宮殿。光明威曜。

① 二驚疑念。

昔所未有。歡喜踊躍。生希有心。

② 三共相問

卽各相詣。共議此事。以何因緣。我等宮殿。有斯光明。
時彼眾中。有一大梵天王。名曰尸棄。爲諸梵眾而說
偈言。

今以何因緣。我等諸宮殿。威德光明曜。嚴飾未曾有。
如是之妙相。昔所未聞見。爲大德天生。爲佛出世間。

序眾科中曾有尸棄爲娑婆世界主。此云頂髻。今言向下方過五百萬億國。尋光見佛。或卽此娑婆主也。如華藏莊嚴香水海內蓮華中所有二十重世界。此娑婆在第十三層內。彼中從一層上至二層。謂此上過佛刹微塵數世界。有世界名種種香蓮花。佛號師子光。二佛刹微塵數世界圍遶。至娑婆。便謂過十三佛刹微塵世界。則五百萬億國近之近矣。(寅)四尋光明。

爾時五百萬億諸梵天王。與宮殿俱。各以衣祴盛諸天花共詣下方。推尋是相。見大通智勝如來。處於道

場。菩提樹下坐師子座。諸天龍王。乾闥婆。緊那羅。摩
睺羅伽人。非人等。恭敬圍遶。及見十六王子。請佛轉
法輪。

⑤五興供養

時諸梵天王。頭面禮佛。繞百千匝。卽以天華。而散佛
上。所散之華。如須彌山。并以供養佛菩提樹。華供養
已。各以宮殿。奉上彼佛。而作是言。惟見哀愍。饒益我
等。所獻宮殿。願垂納處。時諸梵天王。卽於佛前。一心
同聲以偈頌曰。

善哉見諸佛。救世之聖尊。能於三界獄。勉出諸眾生。

普智天人尊。哀愍羣萌類。能開甘露門。廣度於一切。
於昔無量劫。空過無有佛。世尊未出時。十方常暗暝。
三惡道增長。阿修羅亦盛。諸天眾轉滅。死多墮惡道。
不從佛聞法。常行不善事。色力及智慧。斯等皆減少。
罪業因緣故。失樂及樂想。住於邪見法。不識善儀則。
不蒙佛所化。常墮於惡道。佛爲世間眼。久遠時乃出。
哀愍諸眾生。故現於世間。超出成正覺。我等甚欣慶。
及餘一切眾。喜歡未曾有。我等諸宮殿。蒙光故嚴飾。
今以奉世尊。惟垂哀納受。願以此功德。普及於一切。
我等與眾生。皆共成佛道。

善哉是喜幸意。曰見諸佛者。顯佛佛道同。見一佛卽諸佛也。救世者佛爲大醫王。旣瘳眾生身心等病。以三界爲獄者。卽火宅中人。爲煩惱諸結之所因繫。唯如來能勉令出於三界。此四句讚佛悲心。普智下四句。讚如來智德。謂如來具無量智爲天人所尊。以種種方便。哀愍一切也。羣萌卽羣生也。草之初生日萌。謂羣生皆有善種。萌於心中。特無緣以發之耳。今幸如來開甘露門。普潤羣萌。使善道發生也。次頌久不遇佛。善根不萌。謂此土從無量劫來空過無佛。不蒙聖化久矣。至於智勝如來

未出已前。十方眾生不覩佛光。皆在無明黑暗地。上起惑造業。以惡業增熾。故惡道長。善不能修。故天人減。卽有生於天上人間者。由善力輕微。色力慧力俱皆減少。此是薄福德人所招之苦果也。下出苦因。由不見佛不聞法。故常行十惡。無明愈重。則樂與樂想。二俱喪失。使智慧莊嚴。因忘果喪矣。不具正知見。故住持邪見。以苦捨苦。不識善儀。其死必墮惡道無疑矣。佛爲世間眼下八句。慶佛出世。開人天正眼。超彼羣萌。出於三界。實爲我等。深生慶幸矣。次四句。貢殿求納。末四句。發心回向。不

爲自求。所謂自未得度。先度人者。菩薩發心也。④
六請說法。

爾時五百萬億諸梵天王。偈讚佛已。各白佛言。惟願
世尊轉於法輪。多所安隱。多所度脫。時諸梵天王。而
說偈言。

世尊轉法輪。擊甘露法鼓。度苦惱眾生。開示涅槃道。
惟願受我請。以大微妙音。哀愍而敷演。無量劫習法。
此敘諸梵正請法也。多所安隱。對前佛未出世十
方暗暝惡道增長甚不安隱也。多所度脫。對前超
出成正覺。喜歎未曾有。令一切眾生普皆成佛。可

謂多所度脫也。頌文前四句。謂如來出世必說法度生。曰開示涅槃道。似明權也。末四句。乃請顯實。故曰哀愍敷演無量劫所習法也。直指云。從前所敘十方梵天來儀。雖分次第。而實十方一齊。同見光照。同時共議。同時隨方尋光而至中央。同時見佛。同時獻供。同時請法。則知光明圓照。其境界甚不可思議也。結緣遠由己竟。⑤二結緣近由分二。⑥一先轉半字法輪。又三。⑦一如來受請。爾時大通智勝如來。受十方諸梵天王。及十六王子請。

此正彰結緣之近由也。由佛受請說法。故十六王子。後得覆講。此所以正作結緣也。①二正轉法輪。卽時三轉十二行法輪。

此敘智佛初成正覺。受請出定。初轉小乘四諦十二因緣法輪也。直指云。初標法相應機不違。故曰卽時。因說法轉煩惱成菩提。轉生死成涅槃。故曰爲轉。三度開示。故云三轉。法輪者。謂如來以法爲輪。運載眾生。出生死也。大窾云。先小後大。古佛恒規。故先說四諦也。言三轉者。一示相轉。謂此是苦逼迫性。此是集招感性。此是滅可證性。此是道可

修性也。言示相者。謂以四諦之相示之也。苦有三苦八苦。卽三界內外六道生死。皆苦也。以逼迫爲義。由此身相。是生老病死之宅。因有此身。眾苦逼迫。不得自在。故曰逼迫性也。集。謂此苦身皆由自己貪愛五欲之所招。卽發業潤生無明。亦乃見思二惑之所集。故曰招感性也。滅。謂欲出苦果。須是證寂滅涅槃無爲深法。故曰可證性也。道。謂欲證寂滅。須修道品。卽三十七品助道之法。故曰可修性也。二勸修者。復以四法勸彼修進。謂此是苦。汝應知。此是集。汝應斷。此是滅。汝應證。此是道。汝應

修三作證者。復以自己所證。以勵之也。謂此是苦。我已知。汝亦應知。此是集。我已斷。汝亦應斷。此是滅。我已證。汝亦應證。此是道。我已修。汝亦應修。轉必三者。以根有三等差別故也。十二行者。由示相轉。得知苦集滅道。有世間出世間因果名見道行。由勸修。得知苦集應斷滅道。應修名修道行。由作證。得知有學研真斷惑爲賢。無學真窮惑盡爲聖之階級。名證果行。每諦三轉。共成十二行法輪也。若沙門婆羅門。若天魔梵。及餘世間所不能轉。此料簡不能轉者也。直指云。沙門雖是佛子。初非

佛說。且不自知。婆羅門若非僧化。尚且不信諸天正樂。魔尙破法。梵嗜禪寂。已上通屬有漏。俱不能轉。餘謂四果支佛。名智正覺。世間僅能奉佛自利。俱不敢以轉爲言。惟佛與佛乃能轉耳。

謂是苦。是苦集。是苦滅。是苦滅道。

此正示四諦。苦指身言。示有身則有生老病死等苦。逼迫身心。非樂也。是苦集者。集乃招感也。示苦果因。貪嗔痴慢等見思爲因。謂知苦則應斷集。此爲世間因果也。是苦滅者。滅謂法性寂滅。可證性也。亦連苦言者。示此逼迫苦惱身心。卽具諸佛

菩薩不生不滅之眞性也。是苦滅道者。道卽八忍
入智三十七品。可修性也。連苦滅二諦言者。謂欲
斷諸苦。證寂滅樂。非修此道法。則不可也。此所謂
慕滅修道。爲出世間因果也。此三轉中。最初示相
轉。業已具勸修作證二轉故。四諦皆以是苦爲言。
以集滅道三諦。皆由先知苦而得故也。

及廣說十二因緣法。無明緣行。行緣識。識緣名色。名
色緣六入。六入緣觸。觸緣受。受緣愛。愛緣取。取緣有。
有緣生。生緣老死憂悲苦惱。

此明十二緣法爲流轉門也。前於序品中。曾已畧

釋今依天台謂展轉感果爲因互相由藉爲緣無明者過去一切煩惱皆是無明體卽是痴迷暗爲性無所明了故卽是惑也行卽過去世造作諸業作爲運用由惑造業故曰無明緣行此屬過去二支因識有了別義以業成故牽生三界意識妄動投託母胎故曰行緣識旣託胎卽有煖息識三事七日一轉而成心色名卽心色卽質故云識緣名色六入謂根爲塵之所入旣有心色卽成就六根故云名色緣六入觸乃出胎已後由根對塵而未了知故云六入緣觸受卽領納爲名由根觸境

領受好惡等事。雖能了別。然未能起貪愛之心。故云觸緣受。自識至受。爲現在五支果。愛卽貪求種種勝妙資具及色欲等境。而起貪愛。故云受緣愛。取。謂旣於諸境起愛著心。必欲追求貪取。故云愛緣取。有。謂旣生取著。惑業重結。善惡因果。必受後有。故云取緣有。此復爲現在三支因。俱屬煩惱。與過去無明緣行并同。生。謂六道中受生也。由現在有此善惡因果。未來必定於三界受生。故云有緣生。老死爲受生之身熟壞也。此復爲未來二支果。憂悲苦惱。卽老死中之苦境也。已上緣緣相生。名

流轉門。所謂無明愛取三煩惱行有二支。屬業道。從識至受。并生死七事。同名一苦道。卽惑業苦也。無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死憂悲苦惱滅。

此爲還滅門也。大窾謂如無明一法先用推因智。以推其因。次用審因智以審其因。次第推審。三世皆無自體。方得除滅。一法旣爾。諸法皆然。故無明滅。乃至老死滅也。約苦集。則有無明。乃至有老死。

約滅道則無明滅。乃至老死都滅也。○問。無明有界內界外粗細之無明。此滅何等無明耶。答。此斷界內之粗相。卽發業潤生之無明也。若界外無明。初住分斷。至等覺方能永滅。①三聞法得道。

佛於天人大眾之中。說是法時。六百萬億那由他人。以不受一切法故。而於諸漏。心得解脫。皆得深妙禪定。三明六通。具八解脫。第二第三第四說法時。千萬億恒河沙那由它等眾生。亦以不受一切法故。而於諸漏。心得解脫。從是已後。諸聲聞眾。無量無邊不可稱數。

此謂智佛說法。令聞者得利益也。說是法者。卽前三轉十二行法輪也。六百萬億等。明機益之多。不受一切法者。卽根境不偶。得入初果不受諸塵迷惑。成苦集流轉也。諸漏卽三漏。得解脫者。謂於三界諸漏旣盡。則心無繫。子果雙脫。得無學道。故曰心得解脫。旣得無學。證寂滅果。必得具深妙禪定。由定深故發諸通。謂三明八解也。義相一如前釋。已上敘第一會說法利益之眾。第二三四。再敘多會說法。由說法久。故化機眾。但曰不可稱數。眾雖多而得益不二。皆得不受一切法等。故曰從是已。

後等也。知音謂此雖敘智佛說法之事。其實申明
方便品偈中我釋迦趣波羅奈爲五比丘說是名
轉法輪等文。八解脫。卽八背捨事。出大窾甚明。○
二再轉滿字法輪。分七。①一王子出家。

爾時十六王子。皆以童子出家。而爲沙彌。諸根通利。
智慧明了。已曾供養百千萬億諸佛。淨修梵行。求阿
耨多羅三藐三菩提。

此明十六王子聞四諦法捨俗爲僧也。沙彌。此云
息慈。謂息惡行慈也。諸根者。由六根清淨。故云通
利。此敘夙植慧因也。已曾下。敘夙植福因。求菩提

下。方敘明由夙植福慧故。一出家卽欲求上乘也。知音云。準前請法偈云。度脫於我等。及諸眾生類。爲分別顯示。令得是智慧。則知上節是度脫眾生。分別顯示諦緣之法。令得二乘智慧已。此節是申請度脫于我等。爲分別顯示阿耨菩提。令得大乘智慧也。①二請佛說法。

俱白佛言。世尊。是諸無量千萬億大德。聲聞。皆已成就。世尊。亦當爲我等說阿耨多羅三藐三菩提法。我等聞已。皆共修學。世尊。我等志願如來知見。深心所念。佛自證知。

此正請求大乘也。直指謂彼無量聲聞。志願小果。皆已得遂。亦當遂我等大乘志願。說阿耨菩提之法也。我等聞已者。希聞慧爲大乘因。皆共修學者。希修慧爲大乘果。志願下。皆欲開示悟入佛之知見也。深心所念。該六度四攝等法。爲學大乘之本。論云。一者直心。正念真如法故。以求菩提。卽真如也。二者深心。樂集一切善法故。三者大悲心。願度一切眾生苦故。三俱攝在所念二字中。佛自證知者。謂我等所念。佛無不以現量證知也。此爲下文覆說伏案。△王子纔出家。便有食牛氣矣。謂欲求

無上道。於四弘誓中。卽佛道誓成。皆共修學。卽法門誓學。深心中有大悲心。卽眾生誓度。所念二字。卽攝煩惱誓斷。謂如此弘誓。乃我等今欲成就者。惟佛自知也。③三隨眾求度。

爾時轉輪聖王。所將眾中。八萬億人。見十六王子出家。亦求出家。王卽聽許。

王子儲君。既能捨寶位出家。則下者宜勉矣。八萬億。乃侍從之輩。既能操高尙之志。則上者加勵焉。王卽聽許。是因之而轉甚。適所懷也。直指云。約理。前六百萬億人受益。表轉六識。今十六王子。表轉

入識。眞妄同稱。以明眞俗不二。轉輪聖王。表轉白
淨識。與本經妙莊嚴王同旨。所將入萬億人。表轉
入識心所。出家。表出十八界家。此又是智佛一會
大關要處。①四如來受請。

爾時彼佛受沙彌。請過二萬劫已。乃於四眾之中。說
是大乘經。名妙法蓮華。教菩薩法。佛所護念。說是經
已。十六沙彌。爲阿耨多羅三藐三菩提故。皆共受持
諷誦通利。

此明智佛受請經劫而說也。然過二萬劫。爾乃爲
說者。亦所謂久默斯要也。天台云。過二萬劫者。上

既爲三乘說諦緣等教。後受諸子請說法華。故知中間不容默然無說。於二萬劫中。必說方等般若也。故下偈文云。說六波羅蜜及諸神通事。如今說方等。多明不思議神通之事。又偈云。分別真實法。卽大品明實相般若也。直指謂彼增劫出世。故過二萬劫。此減劫只四十年。二俱是待機成熟。方顯實也。約理釋迦先二十年說小教。以明出俗入真。中二十二年說般若。若以明真俗雙超。後七年說法華涅槃。以明真俗一如。由此則知智佛二萬劫時。以無說而顯說般若。爲十六王子。蕩除真俗二執。

皆盡。故曰過二萬劫已。乃於四眾說法華經也。△
說是經已下。照上云我等聞已皆共修學之文。見
行顧其言也。受者。領納於心。不遺一字。持者。拳拳
服膺。守而不失。諷誦者。諷讀而誦習也。通利者。於
權實理事。無不融通。而成利益也。⑤五會眾聞解。
說是經時。十六菩薩沙彌。皆悉信受。聲聞眾中。亦有
信解。其餘眾生。千萬億種。皆生疑惑。

此又明聞經者信力深淺有得不得之機也。天台
云。十六沙彌及二乘。卽信解眾。是根已成熟之上
機也。其餘千萬生疑不解。卽未熟之機。屬下根也。

由此復於十六王子聽覆講。作結緣遠因。①六說經時節。

佛說是經。於八千劫。未曾休廢。

日月燈明六十小劫說此妙法。謂如食頃。智佛八千劫說此妙法。未曾休廢。未休廢者。不止息也。所謂晝夜熾然。塵刹靡間。其實又促於食頃也。此莫是溪聲不盡流。今古山色空濛綠。大千麼。②七說已入定。

說是經已。卽入靜室。住於禪定。八萬四千劫。

智佛說經。何嘗不與定俱。今言入靜室者。卽入諸

法空室。是泯從前所有說相。欲十六沙彌忘能所滅影相耳。入定必經八萬四千劫者。是欲令王子成結緣事。而能益已益人也。且疑惑之眾。機不在佛。而在王子者。由佛境甚深。急難契會。故得於差別智中漸漸修學爲遠因也。天台云。智佛入定。正是結緣近由。由佛入定故。千萬億種疑惑者。無所詰問。始得十六沙彌。爲其覆講。以結緣也。直指云。入靜室者。表攝用歸體也。此時生佛一如。寂照不二。故曰住於禪定。爲十六王子我法二執未易融化。故佛住定八萬四千劫。以待其入識體中生住

異滅四相無明漸次破除也。結緣之由已竟。

妙法蓮華經授手卷第三之五

音釋

病切 愈音抽也 僅 畧能也 少也 濛 控濛細雨也
 馬也 又越也 具吝切 音觀 莫紅切 音蒙
 莫白切 音麥上 闕 苦濫切 音槁 苦考切 音瘳 丑
 騫 馬也 又越也 具吝切 音觀 莫紅切 音蒙 苦考切 音瘳 丑

妙法蓮華經授手卷第三之六

清楚衡雲峯沙門智祥集

④二正與結緣分二⑤一法說結緣又三⑥一明昔結緣又四⑦一知佛入定。

是時十六菩薩沙彌知佛入室寂然禪定。

既曰菩薩而又以沙彌名者此為智佛所稱讚也。據後云是十六菩薩沙彌甚為希有。況亦是不忘根本為童真應法之稱也。

有云七歲至十三歲為驅烏沙彌十四至十九為應法沙彌二十歲已上為名字沙彌。準前日皆以童子出家即言知佛禪寂者可以得佛心矣。佛知應法沙彌也。

疑惑者機不在已。故卽入室欲令彼諸王子代爲說法。使不信不解者得信解耳。子二王子覆講。各升法座。亦於八萬四千劫。爲四部眾。廣說分別妙法華經。

此是王子知佛入寂之意。乃乘時乘機。而廣說是經也。知音曰。沙彌知不信者。機緣在已。而不在佛。故代佛揚化。各升法座覆講。各化眾多。令發大心。使昔之生疑不信者皆信。化令下根成上根矣。

子三眾得利益。

一一皆度六百萬億那由他。恆河沙等眾生。示教利

喜。令發阿耨多羅三藐三菩提心。

各各於八萬四千劫。說法不輟。而所度如是眾多。令發大心。足見前來請法聞經之驗。而利人之効。速如此也。此中靈應在示教利喜四字。示教者。卽以佛知見開示之也。利喜者。卽令悟入佛知見。而致法喜充徧也。可見十六菩薩善繼化緣不負所學。⑤四佛從定起。

大通智勝佛。過八萬四千劫已。從三昧起。往詣法座。安詳而坐。普告大眾。是十六菩薩沙彌。甚爲希有。諸根通利。智慧明了。已曾供養無量千萬億數諸佛。於

諸佛所常修梵行。受持佛智。開示眾生。令入其中。汝等皆當數數親近而供養之。

此是智佛起定。喜歎其法通而得機也。直指云。按文勢。先云說已。卽入靜室等。如此會序品云。佛說此經已。入於無量義處。身心不動。同示實相體也。智佛過八萬四千劫。從三昧起。讚十六王子。堪爲大乘法器者。卽如此會方便品。世尊從三昧起。告舍利弗。雙歎權實同。示實相用也。○甚爲希有一句。是極讚之辭。正應此妙法蓮華時一現耳。諸根通利兩句。卽三明六通皆已具足。供養多佛。歎修

福。受持佛智。明修慧。常修梵行一句。是兼修福智也。由此則三覺將圓。萬德將具。而自利之功滿矣。惟倒駕慈舟。利生爲事。故曰開示眾生令入其中。其中者。卽佛智海中。此之授記。不必更待未來。俱多佛持多法。卽現前已等正覺矣。汝等下屬。囑累。但文少唱滅一節。正顯智佛無始終相。不似今釋迦化身作始終說也。言汝等皆當數數親近而供養者。是欲成就未來諸佛轉識成智之相。故知智佛決定無唱滅義。明矣。然前謂彼佛滅度已來。甚大久遠者。乃世尊以古對今。爲今會眾。明久遠。

耳。非智佛親口唱滅如日月燈與今釋迦也。況偈中明言。如來無礙智。知彼佛滅度。及聲聞菩薩。如見今滅度。況今應身如來滅度尙爾非實。豈智佛有實滅耶。其所以示生滅者。對五濁眾生具足生滅者爲言。不然。旣佛佛唱滅。何獨智佛不自唱滅。學者審之。

所以者何。若聲聞。辟支佛。及諸菩薩。能信是十六菩薩所說經法。受持不毀者。是人皆當得阿耨多羅三藐三菩提。如來之慧。

知音云。上言汝等皆當數數親近。是勉聽眾學沙

彌植福因也。所以下。雖是徵辭。其實勉聽眾學沙
彌植慧因也。是人皆當下。爲其聽眾授廣記。亦當
如沙彌成兩足尊之果也。此眾初不信受。佛卽入
定。如醫師見子不肯服藥。卽往他國示寂也。今一
信受。便與其記。亦如醫師見子肯服。仍舊還歸也。
此雖述智佛證十六沙彌深心本願。其實申明方
便品我釋迦從三昧安詳而起。因身子爲諸聲聞
說妙法授廣記義也。是知智佛前受請說妙法。如
釋迦說華嚴般若方等之時也。以華嚴等皆妙法
故。十六沙彌爲眾廣說。如須菩提等四大弟子轉

教付財之時也。智佛過多劫後。從定起。證沙彌。授
眾記。亦如釋迦末後說此經之時也。故此品訖。富
樓那亦有唯佛能知我等深心本願之說。然後法
師品首。卽授廣記。宛相符契。思之可見。

⑤二中間值遇。

佛告諸比丘。是十六菩薩常樂說是妙法蓮華經。一
一菩薩。所化六百萬億那由他恆河沙等眾生。世世
所生。與菩薩俱。從其聞法。悉皆信解。以此因緣。得值
四萬億諸佛世尊。於今不盡。

十六沙彌。因智佛對眾。證讚其德。得其法喜。故常

樂說妙法以度生也。一一下。知音謂其聽眾亦因智佛勸勉故常隨沙彌。學植二因也。從其下。學植慧因。以此下。學植福因。於今不盡者。謂其多眾尙有學植二因未盡者。卽後文所謂有住聲聞地者是也。此結完釋迦宿世曾爲千二百人植大乘之因。爲下節成大乘緣牒文之伏案也。癸三還說法華。分二。①一結會古今。又二。②一結古今師法。諸比丘。我今語汝。彼佛弟子十六沙彌。今皆得阿耨多羅三藐三菩提。於十方國土現在說法。有無量百千萬億菩薩聲聞以爲眷屬。其二沙彌。東方作佛。一

名阿闍在歡喜國。二名須彌頂。東南方二佛。一名師子音。二名師子相。南方二佛。一名虛空住。二名常滅。西南方二佛。一名帝相。二名梵相。西方二佛。一名阿彌陀。二名度一切世間苦惱。西北方二佛。一名多摩羅跋梅檀香神通。二名須彌相。北方二佛。一名雲自在。二名雲自在王。東北方佛名壞一切世間怖畏。第十六我釋迦牟尼佛。於娑婆國土。成阿耨多羅三藐三菩提。

十六沙彌。由因中同求大乘。同說大法故。今同於十方。成大果也。於十方有缺上下。以上下是八方。

之上下故。知音云。此雖述十六菩薩果不昧因。有願必成之義。其實申明方便品十方佛皆現。非別有十方佛也。而結完前請轉法輪偈中。若我等作佛一句。故云其二沙彌東方作佛等也。向下諸比丘我等爲沙彌時起。至長行終。是結完眾生亦復然一句。故此品後。千二百羅漢及有學聲聞。親如羅睺。宛如提婆。乃至聞一字一句。皆得與記。乃是完我世尊爲沙彌時之本願也。方便品偈云。我本立誓願。欲令一切眾。如我等無異。如我昔所願。今者已滿足。化一切眾生。皆令入佛道。是也。如其十

方佛之名號國土。皆隨願力因行所成。大窾云。東
震方也。震爲雷。動萬物者。莫疾乎雷。歡喜亦動也。
佛名阿閼。此云不動。須彌此云妙高。峩然突出。亦
不動之象。正顯無明動處有不動智佛也。此依根
本智而得名也。東南巽方也。巽爲風。撓萬物者。莫
疾乎風。佛名師子音者。所說無畏。師子相者。所示
無畏。如師音一吼。百獸驚魂。巽風一鼓。萬竅怒號。
故易曰。巽以行權。謂佛以權實二智。降魔伏外。此
以威嚴利物。震攝羣邪。而得名也。南離方。屬火。燥
萬物者。莫甚乎火。佛名虛空住。如日處空。無所不

照故。又名常滅。以有智日。無明常滅故。謂如來以
一真實智。處第一義空。照破羣有。故名常滅。然此
依實智而得名也。西南坤方。屬地。載萬物者。莫厚
乎地。佛名帝相。梵相者。厚德載物。帝相也。統王大
千。梵相也。此依如來妙德爲名。如來德統羣機。慈
悲普被。故有如梵如帝之相也。西兌方爲澤。悅萬
物者。莫越乎澤。佛名阿彌陀。此云無量壽。以慧澤
無窮故。又名度一切世間苦惱者。以慧澤及人。除
熱惱而得清涼故。此依如來真俗平等妙智得名。
以真諦相融得無量壽。俗諦全空度一切苦也。西

北。乾方爲天。始萬物者。莫神乎天。佛名栴檀香神通者。不速而疾。不行而至故。又名須彌相。高出萬物故。此依如來神力體用爲名。由如來有無量神通。能不動聲氣。而轉凡成聖。其體不動。如須彌山。其用周徧。如栴檀之普熏無量也。北。坎方爲水。潤萬物者。莫越乎水。佛名雲自在。又名雲自在王。以無心潤物。如雲行雨施故。此依妙智得名。如來以大悲水。潤枯槁眾生。隨處周徧。如雲自在。隨處稱尊。如雲自在王。東北。艮方爲山。終萬物而始萬物者。莫甚乎艮。佛名壞一切世間者。是能壞滅一切

世間法故。又名釋迦牟尼。此云能仁寂默。是能成就一切世間法故。所謂災火欲壞之時。一吹頓滅。世界將成之際。舉念全收。此萬物之所以成始成終也。此亦依智德彰名。且如來智德如山如岳。能仁寂默者。智德雙稱也。壞一切怖畏者。威德并運也。以威德破一切有。以智德成一切無故。所謂成始成終也。要解云。天地設位。道運乎其中。聖人法之。以開物成務。冒天下之道。故八方之佛。各依一方。而示一德。所以開物。所以成務。原始要終。則天下之道無不冒矣。或曰。八卦乃中夏之書。引配

竺教。豈佛意耶。李長者用釋華嚴。呂觀文用釋此章。或者非之。其義何也。曰。竺夏一天下也。疆畿所及。方位所同。而卦乃天地之自然。而獨不同哉。伏羲畫之以示人。吾佛象之以說法。各默其同耳。今經雖無八卦之文。顯有八方之象。借事明理。烏乎不可。而必拘墟詆訾。非達士也。△如云。借事明理。則可。謂吾佛象之。則不可也。況經明言於十方國土。現在說法。今以八卦論方。解家意也。非佛定以八方象八卦而示人也。若以伏羲示之。如來象之。則如來所象。返出伏羲之下。豈理也哉。如來妙德。

廣大無比。非思量分別所能知。安得定以八卦示
如來用耶。以所居之方。遇便說之。斯亦不妨。幸毋
定言佛意如是。㊦二會古今弟子。分二。㊧一會現
在弟子。又三。㊨一不退者。

諸比丘。我等爲沙彌時。各各教化無量百千萬億恆
河沙等眾生。從我聞法。爲阿耨多羅三藐三菩提。

此牒上節宿植大因也。直指謂世尊與十方諸佛。
爲沙彌時。尙已教化多眾。從佛聞法者。已植菩提
大因。此爲後譬喻五百由旬至欲過此難之案。

㊩二退轉者。

此諸眾生。於今有住聲聞地者。我常教化阿耨多羅三藐三菩提。是諸人等。應以是法漸入佛道。

向所植大因者。至今不盡成佛。或有住聲聞地。而佛仍教以阿耨菩提爲因。是諸人應以聲聞法。漸入菩提。作成佛之緣也。此爲後喻所將人眾中路。懈退生安隱想之案。

所以者何。如來智慧難信難解。

此徵明旣夙植大因。又常受化。何故不盡成佛。猶在聲聞地耶。曰。雖下大種。由根鈍惑深。不能極領佛之知見。蓋因如來智慧難爲信解。只得令其漸

入佛道也。④三結古今。

爾時所化無量恆河沙等眾生者。汝等諸比丘。及我滅度後。未來世中。聲聞弟子是也。

自入本品已來。費盡許多言語。至此始將我及汝等宿世因緣兩句顯出。謂我往昔爲沙彌時。所化無量恆河沙等眾生。皆非異人。卽今現在汝等千一百羅漢。及學無學人。并未來諸聲聞弟子是也。以此結會三世弟子。則爾時所化等。明過去。汝等比丘。正指現在。我滅度後。方舉未來。

⑤二會未來弟子。

我滅度後。復有弟子。不聞是經。不知不覺。菩薩所行。自於所得功德。生滅度想。當入涅槃。我於餘國作佛。更有異名。是人雖生滅度之想。入於涅槃。而於彼土求佛智慧。得聞是經。唯以佛乘。而得滅度。更無餘乘。除諸如來方便說法。

此明證上節此諸眾生於今不盡有住聲聞地者。我常教化之常義。使知現在不盡得記成佛者。佛又於未來世度脫成佛也。復有弟子者。亦卽宿植大因。今亦聞此妙法。未至究竟之四眾八部也。於未來世。雖有是經。而不習聽。不知此經是菩薩道。

故不能得究竟成就也。不聞者。不領開示佛知見也。不覺知者。未得悟入佛知見也。自於所得生滅度者。由不聞此經故。不知有菩薩所行之深妙行。卽取證小果涅槃也。然則是人既不聞不知此經。便入涅槃。則向去永無入大之時矣。雖然我於餘國作佛。又以異名而教化之。亦卽令能信能聞此妙法華經。令其捨小而入大也。上言不聞是經。此云得聞是經。上言於小乘功德生滅度想。此言唯以佛乘而得滅度。皆小大相翻。見昔種不昧也。除諸如來者。謂旣無餘乘。則一皆大乘。何未來而亦

有聲聞等耶。謂此但諸如來因機說法。欲爲大乘作方便說。則有之也。結會古今竟。⑤二還說法華分三。⑥一時眾清淨。

諸比丘。若如來自知涅槃時到。眾又清淨。信解堅固。了達空法。深入禪定。

此正爲千二百人開權顯實也。直指云如來涅槃時到。謂能事將畢也。眾清淨者。則機緣亦熟也。前聞因緣一周。開佛知見。故得信解堅固。而亦能達我法二執皆空。入真俗並觀之禪。得體用一如之定。根性既純。大事堪任。故下集諸菩薩。付佛法事。

也。⑤二正說法華。

便集諸菩薩。及聲聞眾。爲說是經。世間無有二乘。而得滅度。唯一佛乘。得滅度耳。

直指云。此與上召集國王大臣而付囑國事同。世間無二乘下。總結十方諦求惟一佛乘。以結大白牛車之案。⑤三釋前開意。

比丘當知。如來方便深入眾生之性。知其志樂小法。深着五欲。爲是等故。說於涅槃。是人若聞。則便信受。此承上文。意云。若世無二乘得滅度者。如來何故施三。曰當知如來以方便智。深知眾生有樂小之

性。況着於五塵。蔽於五濁。爲是等故。先說三乘涅槃。令破蔽免難。後始爲說一乘也。此因愚小無智。聞便信受。非如來故欲說三也。知音曰。此節雖叙三世因緣。然實結完方便品十方國土中唯有一乘法無二亦無三。但以假名字引導於眾生之義。法說結緣竟。⑤二喻說結緣。分二。⑥一開譬。又分二。⑦一導師譬。

譬如五百由旬。

天台云。五百由旬。譬上未度之眾。樂着諸有。卽擬火宅中之其家廣大。約土言之。三界同居土爲三。

百方便土爲四百。實報土爲五百。約惑言之。見惑爲一百。思惑五下分惑爲二百。五上分惑爲三百。塵沙惑爲四百。無明惑爲五百。此當依惑言爲是。險難惡道。曠絕無人。怖畏之處。

○此譬上未度之眾。煩惱垢重。卽擬火宅中之火起。分段變易二生死。卽果險難。見思塵沙無明。卽因險難。由此因果。故言惡道。知音云。曠絕無人。所以爲險。二乘偏空是也。怖畏之處。所以爲惡。三界生死是也。

若有多眾。欲過此道。至珍寶處。

○譬上王子所化百千萬億種。皆生疑惑不解之眾生也。卽擬火宅中三十子五百人。二乘斷見思出三界。故言欲過此道。更斷塵沙無明。求至無上菩提。故言至珍寶處。

有一導師聰慧明達。善知險道通塞之相。

○導師譬第十六王子也。眼清淨曰聰。意清淨曰達。一心三智曰慧。具足五眼爲明。通塞者。妙樂云。苦集及流轉因緣。六蔽塵沙無明等。爲塞。滅道及還滅因緣。六度一心三觀等。爲通。知音云。聰慧明達。所以爲師。善知通塞。所以能導。故如來爲沙彌

至成佛時。常爲一切而作導師也。④二將導譬。分
三。⑤一所將人眾。
將導眾人。欲過此難。

○譬本結緣未得度者。本緣不失。故爲導師所將。
△將導者。誘引也。如來隨處示現。以種種方便。調
伏眾生。超凡入聖。故曰將導過此難也。⑥二中路
懈退。分二。⑦一退大。

所將人眾。中路懈退。

○所將人者。正譬中間相值退大取小之人。中路
者。非是半途。但以發心爲始。至佛爲終。此兩楹之

卷之三十一

七

間而起退大之意也。

白導師言。我等疲極。而復怖畏。

○白導師者。正譬白結緣導師也。以其退大則大滅。接小則小生。一生一滅。感於法身。呼此爲白。由導師知彼退大。卽是聞其所白也。善根微弱。無明所翳。故云疲極。憚生死。名爲怖畏。不能復進。前路猶遠。今欲退還。

○前路猶遠者。喻見思塵沙無明難可卒斷也。△不能復進者。由小乘志弱多生恐怖。急欲其修道證滅。無向大心。所謂於菩薩法。不生一念好樂之

心也。前路猶遠者。望佛果。尙去五十五位。豈能亟至。但願希取涅槃一日之價。以爲大得。是所以必欲退還也。(黃)二接小。

導師多諸方便。而作是念。此等可愍。云何捨大珍寶而欲退還。

多諸方便。卽譬隱勝現劣。從實施權。說小乘法也。次作念曰。唯此等不發大心。怯弱無志者。最爲深惜。只得驚入火宅。示同生滅也。

作是念。已以方便方。於險道中。過三百由旬。化作一城。

○此正譬用方便之教說諦緣之法教化二乘斷見思惑。出三界苦。令其權證真空涅槃。故云過三百由旬化作一城。

告眾人言。汝等勿怖。莫得退還。今此大城。可於中止。隨意所作。若入是城。快得安隱。若能前至寶所。亦可得去。

○此譬擬上勸示證三轉也。汝等勿怖莫得退還。是勸轉。勸令進入城也。今此大城隨意所作。是示轉。示城可住也。若入是城二句。是證轉。證城安穩也。前至寶所。亦可得去者。三藏教中。未論前進。義

在衍門。約其菩薩。寶所有二義。若用究竟。則以極果爲寶所。故上文云。唯佛與佛。乃能究盡諸法實相。若分入。卽以初發心住爲寶所。故上文云。無上寶聚。不求自得。又云。得佛法分。佛子所應得者。皆以得之等義。△觀若能前至兩句。則知如來方便至此。眞婆心周旋之苦也。

是時疲極之眾。心大歡喜。歎未曾有。我等今者。免斯惡道。快得安隱。於是眾人。前入化城。生已度想。生安隱想。

此譬小乘適所願也。○大歡喜卽聞慧。未曾有卽

法華指掌疏卷三之一
二
煖位。免惡道卽頂位。快安隱卽忍位。前入城卽見
諦位。已度想卽無學位。此與火宅適子願故勇銳
推排出宅同也。生已度想。如得我盡智。安隱想。如
得無生智。又具智德。如已度。證斷德。如安隱也。⑤
三卽滅化城。

爾時導師知此人眾。旣得止息。無復疲倦。卽滅化城。
語眾人言。汝等去來。寶處在近。向者大城。我所化作。
爲止息耳。

此正喻法華會權歸實也。直指云。知無疲倦者。喻
三乘人。以二十二年般若之力。消融我法二執也。

卽滅化城。喻會權也。寶處在近。喻歸實也。末三句。結證前四十年來是權。△化城旣滅。則身無所寄。是可催其前進矣。言去來二字各有意。去者。謂正滅化城時。促令發行。則導師在後云。去寶處近矣。此是令其慕新證。而前往正發足時也。來者。謂已離化城之地。躊躇難前。則導師在先云。來故城休戀。我化作耳。此是斷其戀故居。而速行乃逡巡時也。故寶處在近一句。應去字邊言。是顯實義。向者大城等。應來字上說。是廢權義也。⊙二合譬。分二。⊙一正合。又二。⊙一合導師。

諸比丘。如來亦復如是。今爲汝等作大導師。知諸生死。煩惱惡道。險難長遠。應去應度。

此以法合喻。知佛意不二。故曰亦復如是。直指云。如來導師。知五位聖道懸遠。志弱者不易得到。故於三界外。別立偏空。爲二乘歿。作小歇場。生死煩惱。指見思苦集而言。惡道險難。指三界火宅而言。長遠。指五位階級而言。大乘機應去者。從華嚴直到寶所。小乘機應度者。從阿含而方便滅度也。知音云。生死有分段變易。故曰諸。乃苦果也。煩惱有見思無明之別。乃苦因也。惡道。地獄等三途。受苦

果之處也。險難者。二乘所證空理。一得而不迴心於無上菩提。故爲險難。然未來根境休息。不同分段生死有其限齊。故曰長遠。應去應度者。謂佛知此煩惱生死等。有應當去者去之。應當度者度之也。△應去應度句。直指依一代時教言。知音順煩惱生死論。二說各有所長。④二合將導。分二。⑤一合中路懈退。又二。⑥一合退大。

若眾生但聞一佛乘者。則不欲見佛。不欲親近。便作是念。佛道長遠。久受勤苦。乃可得成。

此正合前白導師等。直指云。彼以疲極遠道爲艱。

此以長遠勤苦爲難。△若眾生者。乃汎指王子處聞法之人。由大機不發故。聞一乘妙法。生艱難想。如窮子謂我不相犯也。不欲見佛親近者。正如窮子謂此或是王。或是王等。若久住此。強使我作。疾走而去。是也。況二乘人聞修菩薩道者。經無數劫。植福植慧。非累經苦不可得成。所以不欲見佛。恐其上求下化也。④二合接小。

佛知是心。怯弱下劣。以方便力。而於中道爲止息故。說二涅槃。

此合化作大城爲止息也。天台云。三界惑盡。塵沙

無明未破。於此兩楹。判有餘無餘涅槃。故云中道說二。亦是聲聞緣覺。故云二涅槃。又分段已盡。變易未除。二死之間。判爲有餘無餘。故言中道說二。
① 二合卽滅化城。

若眾生住於二地。如來爾時卽便爲說汝等所作未辦。汝所住地。近於佛慧。當觀察籌量。所得涅槃。非真實也。但是如來方便之力。於一佛乘。分別說三。

眾生住於有餘無餘二地之間。生安隱已度之想。足見此住字。便是悶守化城。無實證處。古謂百尺竿頭坐的人。雖然得入未爲真也。而如來豈忍令

法華抄手卷第三之六
作不了人生安隱耶。故促其前進云。汝等於無上道。所作未辦。但所住之地。去佛慧亦近矣。慎勿自謂已得究竟。汝試當觀察。看是何等境界。籌量看是何等受用。雖證涅槃。原非寶所。此正爲開示佛知見也。既謂非真。何如來許其得入。云但是方便之力。將此一乘。權分三說。豈實有二涅槃哉。

⑤ 二帖合。

如彼導師爲止息故。化作大城。既知息已。而告之言。寶處在近。此城非寶。我化作耳。

此重牒喻。以見法不異也。△觀三周中。師資皆以

譬喻彰情。無不委屈詳盡。則知此經得力處。在譬喻耳。故佛於火宅之先。便謂諸有智者。以譬喻得解。喻說之後。四大弟子說已說佛。其情狀何等懇切。至於下根。如來本欲發明宿世因緣。而以化城名品。使人易知其爲權爲妄。不致有留戀於故居。不了之地。喻中旣已委細詳明。聞者無不了然。到法合處。不勞多語。歷然可見。至此重提前喻。再以帖明。則權實之情。顯然領悟。要知於一佛乘分別說三之語。不但獨結化城。則三周之旨。統攝無餘。沉思可見。①二偈頌。分二②一頌結緣由。又二③

一頌遠由又曲。分二。⑤一頌大通成道。又二。⑥一頌道成未成之相。

爾時世尊欲重宣此義而說偈言。

大通智勝佛。十劫坐道場。佛法不現前。不得成佛道。
諸天神龍王。阿修羅眾等。常雨於天華。以供養彼佛。
諸天擊天鼓。并作眾伎樂。香風吹萎花。更雨新好者。
過十小劫已。乃得成佛道。諸天及世人心。皆懷踊躍。
此頌宿世大乘之本原由也。直指云。前四句舉佛已該壽量。諸天神龍下八句。已該六瑞。頌增香風一端。萎花卽先雨者。末四句。頌垂成正覺。諸天世

人。指好城國人天而言。蓋智佛成道。以光照十方。各五百萬億那由他恆河沙佛世界。應是此華藏莊嚴世界毘盧之境。故非應化所論。△不得成佛道者。由佛法不現前故。所謂不現前者。由全身墮在佛數。未透玄關。故長行解中云。盡十方世界。赤洒洒。沒可把耳。所以雲門云。法執不怠。已見猶存。墮在法身邊爲病者。此也。須知佛道已成。但不得現前。非謂凡聖兩隔而不得成佛道耳。不然。何以致諸天供養如此。然香風吹萎雨新。足見諸天至敬之切。如萎者不去。返爲不淨。過十小劫得成佛

者。乃十智圓融。滅心佛。泯數量。全身出現。起利濟之心。故諸天世人。皆得見聞親近也。

① 二頌眷屬請轉法輪。

彼佛十六子。皆與其眷屬。千萬億圍遶。俱行至佛所。頭面禮佛足。而請轉法輪。聖師子法雨。充我及一切。此頌十六王子返娑歸真。王所俱到。既得親見。如來自應。請轉法輪。自利利他。智悲並運。故云聖師子法雨充我及一切。② 二頌十方梵請。又二。③ 一頌威光照動。

世尊甚難值。久遠時一現。爲覺悟羣生。震動於一切。

此頌光照十方。各五百萬億世界。六種震動。其所
以放光動地。本爲覺悟羣生。超諸有海。故讚如來
興慈運悲。度苦眾生。甚難值遇也。①二諸梵尋光。
東方諸世界。五百萬億國。梵宮殿光耀。昔所未曾有。
諸梵見此相。尋來至佛所。散華以供養。并奉上宮殿。
請佛轉法輪。以偈而讚歎。佛知時未至。受請默然坐。
三方及四維。上下亦復爾。散華奉宮殿。請佛轉法輪。
世尊甚難值。願以本慈悲。廣開甘露門。轉無上法輪。
前三行。頌東方一處所見。所尋所供所請。以至偈
讚諸節文意。并如來默然允許。向下九方。但以亦

復爾三字。該無不盡也。直指云。末四句。是總頌佛出世難值。欠優曇華一喻。以甘露門補之。願以本慈悲。轉無上法輪。頌悲智二門。此如華嚴世主妙嚴品。諸天偈讚同式。⑤二頌近由。分二。⑥一頌轉二乘法輪。

無量慧世尊。受彼眾人請。爲宣種種法。四諦十二緣。無明至老死。皆從生緣有。如是眾過患。汝等應當知。此頌爲眾依實垂權轉四諦法輪也。末句眾過患三字。頌苦集二諦。應當知。頌勸修轉也。然旣以無量慧稱。則世尊受請。所宣諸法。染淨因果。無不明

了。如是眾過患一句。如是二字。指上說苦集所成。流轉生滅因緣也。由起惑造業生生不盡。故曰過患。汝等應當知一句。正教知此過患。宜捨妄歸真。當修當證也。

宣暢是法時。六百萬億姪。得盡諸苦際。皆成阿羅漢。第二說法時。千萬恆沙眾。於諸法不受。亦得阿羅漢。從是後得道。其數無有量。萬億劫算數。不能得其邊。此頌受益廣眾。由如來具無量慧。使聞法者。轉凡成聖。苦盡樂臻也。初於三轉四諦時。有六百萬億姪人。證羅漢果。第二三四。展轉增多。以至萬億劫。

算之不盡。斯皆由佛化所成。如今佛四十年中之
淘汰也。諸法不受者。能伏見思也。風俗通云。十萬
曰億。十億曰兆。十兆曰京。十京曰秭。十秭曰姦。癸
二頌轉大乘法輪分三。

① 一頌求出家請法。

時十六王子。出家作沙彌。皆共請彼佛。演說大乘法。
我等及營從。皆當成佛道。願得如世尊。慧眼第一淨。
此頌王子既出家已。請演大教。下四句乃深心本
願。云小乘慧眼未免緣影。求其第一清淨。無如世
尊。故我與營從。皆願得之也。② 二頌說權實二教。

佛知童子心。宿世之所行。以無量因緣。種種諸譬喻。說六波羅蜜及諸神通事。分別真實法。菩薩所行道。說是法華經如恆河沙偈。

此頌應請說法也。要解云。童子心。卽前深心所念。佛自證知也。說六波羅蜜等。卽前云過二萬劫事也。六波羅蜜。卽般若教。諸神通事。卽方等教。且分別真實法。猶爲大乘之始。過是已後。乃說法華。然有如恆沙偈者。妙法應機。廣略不同。故釋迦只說一期。燈明說六十劫。智佛說八千劫。釋迦只說十二品。常不輕聞威音王二十千萬億偈。喜見於日月。

淨明德。則聞八百萬億阿閼婆偈。蓋各隨其緣。各稱其根。有廣略不同。其實稱性之法。無所終窮。所謂一字法門。海墨書而不盡。則恆沙之偈。豈獨爲多哉。①三頌說經已入定。

彼佛說經已。靜室入禪定。一心一處坐。八萬四千劫。古佛說經入定。今佛出定說經。要知智佛卽慧之定。故說而後默。今佛卽定之慧。故默而後說。其實定慧一體無二致也。餘意準長行可知。②二頌正結緣。分二。③一頌法說分三。④一頌昔日結緣。是諸沙彌等。知佛禪未出爲無量億眾說佛無上慧。

各各坐法座。說是大乘經。於佛宴寂後。宣揚助法化。一一沙彌等所度諸眾生。有六百萬億恆河沙等眾。此頌十六王子覆講。直指云。頌文缺過二萬劫。佛出定往詣法座。爲十六王子授記一節。此單頌十六菩薩轉化助揚。及各所化之機。明結緣也。

癸二中間值遇

彼佛滅度後。是諸聞法者。在在諸佛土。常與師俱生。此頌所化之機。師生常遇。直指云。世世生生。恆與十六菩薩。共生一處。約教表體。用一如約性表真妄一體。癸三頌今說法華。

是十六沙彌。具足行佛道。今現在十方各得成正覺。爾時聞法者。各在諸佛所。其有住聲聞。漸教以佛道。我在十六數。曾亦爲汝說。是故以方便。引汝趣佛慧。以是本因緣。今說法華經。令汝入佛道。慎勿懷驚懼。前四句。結證昔因。以成今緣。爾時下四句。廣明宿世大乘之緣。今在諸佛本座之下。受教漸入佛道也。我在十六數下六句。直指云。願緣熟。開權顯實。引三百由旬之權。故曰是故以方便。茲當顯實。故曰引汝趣佛慧。本因緣者。指大通爲因。下種爲緣。由是因緣故。今復爲說法華經。又自具者爲正因。

下種爲緣。因說法爲了因。末二句是安慰斷疑。以明大悲深重也。⑤二頌喻說分二。⑥一頌開譬。又二。⑦一頌導師譬。

譬如險惡道。迴絕多毒獸。又復無水草。人所怖畏處。無數千萬眾。欲過此險道。其路甚曠遠。經五百由旬。此頌喻明三界險惡中修行不易也。險惡道。卽生死路也。望涅槃城。甚爲迴遠。不逢佛化。是謂之絕。毒獸卽三毒。能喪法身慧命。水以譬定。草以譬慧。旣無定慧。於生死道中。甚爲可畏。故曰人所怖畏處。無數眾。廣攝五道。欲過者。卽發覺初心。以凡望

法華抄三卷第三十二
聖中間歷五十位。故曰曠遠。由見思塵沙無明等
惑未斷。故曰經五百由旬。此總三乘未達之境。
時有一導師。強識有智慧。明了心決定在險濟眾難。
此頌如來能種種方便。調御三乘。故曰導師。真俗
並觀。曰強識。權實一如。曰有智。四智明了。曰決定。
冥應十方。曰在險。應病與藥。曰濟難。

④ 二頌將導譬。分三。⑤ 一頌眾人懈怠。

眾人皆疲倦。而白導師言。我等今頓乏。於此欲退還。
頌譬二乘見聖道長遠。而生疲勞。欲退大取小。

⑥ 二頌權立化城。

導師作是念。此輩甚可愍。如何欲退還。而失大珍寶。
頌如來傷失大乘。而動悲愍。由機不赴教。故三七
思惟設方便也。大珍寶。譬佛果一乘。

尋時思方便。當設神通力。化作大城郭。莊嚴諸舍宅。
周而有園林。渠流及浴池。重門高樓閣。男女皆充滿。
此頌從實垂權。隱勝現劣。直指云。諦緣是應變之
法。無中唱出。故曰神通力。已轉八識見分。故喻大
城。三十七品互爲正因。故曰莊嚴。天台云。諸舍宅
者。譬諸空觀境也。園林者。三乘總持無漏法林也。
九次第定爲渠流。八解脫爲浴池。重門是三空門。

法華經疏卷第三之一
三
又是重空三昧。盡無生智爲樓閣高出也。男女是定慧。重空三昧者。大論云。無相無相。無作無作。無願無願。是也。

卽作是化已。慰眾言勿懼。汝等入此城。各可隨所樂。諸人旣入城。心皆大歡喜。皆生安隱想。自謂已得度。此頌如來開權說二涅槃。二乘人如本所願。生安隱已度之想。總明阿含方等般若三時也。

⑤ 三頌滅城勸進。

導師知息已。集眾而告言。汝等當前進。此是化城耳。我見汝疲極。中路欲退還。故以方便力。權化作此城。

汝今勤精進。當共至寶所。

正頌如來開權顯實。由前四十年淘汰已成。機宜亦純事。必欲引入佛乘。喻中謂知眾少安。勸其前進。勿株守化城。況城之化也。原爲疲極欲退。我以方便。示其權法。汝今旣得少安。須當復整初心。殷勤策勵。必至寶所而後已。○癸二頌合譬分二。○子一頌正合。

我亦復如是。爲一切導師。見諸求道者。中路而懈廢。不能度生死。煩惱諸險道。故以方便力。爲息說涅槃。言汝等苦滅所作皆已辦。

我亦下。合時有一導師四句。佛爲世出世間引導者。故曰一切。見諸下。合無數千萬眾四句。諸求道者。指二乘人。謂佛道長遠。便起退大之心。故不能度生死險道。如來只得設以方便。說二乘得度也。爲息說涅槃。據直指有二義。一爲未出火宅眾生。以道諦息三相續之苦。二爲已出火宅二乘。力不及頓證。以權智暫息。漸進寶所。方便安慰。故言所作已辦。

既知到涅槃。皆得阿羅漢。爾乃集大眾。爲說真實法。前頌垂權。此頌顯實。召集。喻攝用歸體。真實。合付

囑家業。既知下。合諸人既入城四句。皆得羅漢者。即於權說得證。可謂真實不虛矣。權既有證。則入實不難。故集眾爲說也。爾乃下。合導師知息已四句。

諸佛方便力。分別說三乘。唯有一佛乘。息處故說二。此頌合我見汝疲極四句。釋明權實一如。直指云。即一而三。則三是假。即三而一。則一爲真。三一是一數。真假是名。名數雙遣。是爲寶所。方便品云。若以小乘化。乃至於一人。我則墮慳貪。此事爲不可。於不可中而說三乘。皆方便耳。其實只一佛乘。然乘

既是一。不宜說二爲止息故。作是說也。

今爲汝說實。汝所得非滅。爲佛一切智。當發大精進。汝證一切智。十力等佛法。具三十二相。乃是眞實滅。此頌合汝今勤精進等。直指云。揭示本具正因佛性。故曰今爲汝說實。斥前小是權。謂汝今所得終非依正同轉當體如如之眞實滅也。次二句。是勉力策進也。一切智。是總統之辭。言欲得證佛妙智。當起大精進力。欲祈徹證無上妙覺。必使具十力十願四無畏四攝法神通三昧等法。必得相好嚴身光明等用。然後始謂之眞實大寂滅也。

①二頌帖合。

諸佛之導師。爲息說涅槃。旣知是息已。引入於佛慧。初引大通爲息說涅槃。次引十六菩薩。亦皆爲息說涅槃。今云。十方諸佛爲十方導師。亦復爲息說涅槃。則知三世十方。法式無二。決定先權後實。本未一如。俾乎開佛知見。以便授記。故曰引入於佛慧也。大約三周。於應機處。而展演不同。究竟同處。皆不出因一說三。攝三歸一。迷悟情亾。凡聖見謝。便是歸家消息。直指云。此品重在遠因。若非遠因。不遇近緣。故名因緣。一周二重。在斥破化城。若不

斥破化城則三乘人以少爲足。終墜戲論三重在
開佛知見謂之寶所。前方便品云惟一佛乘是約
教言。譬喻品則曰惟一大白牛車。是約理言。信解
品曰窮子是長者之子。是約行言。化城品曰惟一
寶所。此約果言。四處名異義同。總明佛之知見。知
見旣明。卽堪授記。正說因緣已竟。

妙法蓮華經授手卷第三之六

音釋

數

朔音窾

苦管切

姦

該音邃

七均切

巡

詳倫音旬

妙法蓮華經授手卷第四之一

清楚衡雲峰沙門智祥集

五百弟子受記品第八

品節云。此品來意。由五百弟子聞前五人得記。復聞宿世因緣之事。乃知佛以無量神通方便引導眾生。始的信佛心。亦信自心決定成佛。疑慮頓盡。堪荷家業。故結集者。以受字名品也。要解云。然此品先記滿慈者。以滿慈乃大弟子。內秘外現爲眾標領。況十大弟子。無非上根。領悟得記。本無先後。但各專一德。隨機總眾耳。滿慈說法第一爲五百

阿羅漢常說無上道。故號曰普明。是當說法之機。故以滿慈總之。如阿難羅睺羅亦大弟子。而總學眾各有以也。△問。本文授滿慈記畢。便言爾時千二百羅漢作是念。何獨以五百名品答。經文明言其五百羅漢。優樓頻螺等。況五百人。與佛如影隨形。恆常在座。其餘七百眾。或授記時不在本座。故後囑迦葉云。五百自在者。迦葉汝已知。此卽爲現在授記者言。次云其餘聲聞眾。亦當復如是。其不在此會。汝當爲宣說。其意顯然可見。曰。授記事大。何故不逐一標名。答。佛語圓妙。言中已具。舉少該

餘避繁文耳。⑤二正與授記分二。⑥一授千二百人記又二。⑦一獨授滿慈記分二。⑧一敘默領解。又復分二。⑨一得解歡喜。

爾時富樓那彌多羅尼子。從佛聞是智慧方便隨宜說法。

此是經家預敘滿慈意中。有如是默領也。知音云。據前五人得記例。今五百人聞因緣說訖。當說繫珠喻。明其領悟而後佛方與記。始爲順也。今不如例。獨先記滿慈者。見富那非下根諸弟子比也。爾時下敘當機聞三周說法得益而結盡前文從佛

聞是等敘領法說一周。結方便品文以品中多說智慧方便隨宜之說故也。

又聞授諸大弟子阿耨多羅三藐三菩提記。

諸弟子指身子及四大弟子此領開權授記正領顯實知音云敘領喻說一周。結火宅窮子藥草授記四品之文。以四品喻說皆爲授諸弟子記故。

復聞宿世因緣之事。復聞諸佛有大自然自在神通之力。宿世因緣者。卽佛爲王子時事。神通之力者。大窾謂十六王子自作沙彌。已至成佛。各各教化無量百千萬億恆河沙等眾生。不卒不暴。循循漸誘。直

至於今。未曾休廢。猶如一日。豈非諸佛之大自在乎。又以一心。通達無量百千萬億恆河沙等眾生之心。隨機逗法。令彼各各漸入佛道。豈非諸佛之大神通乎。知音云。敘領因緣一周。以結化城一品之文。

得未曾有。心淨踊躍。卽從座起。到於佛前。頭面禮足。卻住一面。瞻仰尊顏。日不暫捨。

由昔聞未領開權顯實之法。而今幸得領悟。故言得未曾有。天台云。除保證涅槃之愛。斷破塵沙無明之惑。故言心淨。開佛知見。是故踊躍。△踊躍者。

諸根悅豫。喜不自持也。起座等。攝三業虔誠。曰到。曰卻者。知音云。到則進禮雙足。感佛恩德。如子之就母。卻則退住一面。見佛威德。似臣之仰君。由佛慈嚴并攝。能使進退成禮也。⑤二正敘默領。

而作是念。世尊甚奇特。所爲希有。隨順世間若干種性。以方便知見而爲說法。拔出眾生處處貪着。我等於佛功德。言不能宣。唯佛世尊。能知我等深心本願。天台云。上二周身子等得悟。皆發言領解。此何默念。蓋身子等爲下根未悟。事須彰言勸動。今下根已悟。但默念不言。謂世尊希有奇特。是領實智。親

悟法身之理。隨順等者。謂隨順七方便根性。而爲說法。是領權智。乃悟方便品中開權顯實也。拔出等。乃領火宅中開權顯實。我等於佛功德下。乃領藥草喻中如來有無量功德。汝等於無量億劫。說不能盡也。迦葉等四人。旣說不盡。我豈能逾於四大弟子。能說盡耶。唯佛下。△謂佛功德我不能說。而我之功德佛當說也。然護持助宣三世佛法。是我深心。內秘外現。引導眾生。是我本願。如此深心本願。佛必爲我宣明之也。且滿慈意謂。佛功德不能宣者。正是親證佛境。但於佛境說不能盡也。非

不知之不能宣也。△問默領之意。果滿慈蓄。有如是意耶。抑經家彷彿描寫耶。若果有斯領解。夫復何憑。答。據佛所稱歎語。滿慈之蓄。不可言也。此亦敘其大槩也。論讚佛希有奇特。是證佛法身德。隨順世間等。是明佛般若德。拔出貪着。乃知佛解脫德。明此三德。則萬德備具。豈以言能言之也。然旣聞三周開示。則滿慈已得佛知見矣。雖不發言。意較著也。兼彼之深心本願。佛悉觀知。故云。我常稱其說法第一。歎其功德。助宣我法。如是者。則亦見其難測量也。④二如來述記。分二。⑤一長行。又二。

⑤一述本迹。分三。⑥一就釋迦行因發迹。

爾時佛告諸比丘。汝等見是富樓那彌多羅尼子不。此下正明深心本願也。直指云。世尊欲將尊者三世因行。示悟現前。令決近疑生遠信。以便授記。初爲廣明深心本願一句。深心不是一日。所以遠推三世。本願不獨爲己。所以廣推爲人。惟此四字。是續佛慧命之本。故召眾告知也。

我常稱其於說法人中最爲第一。亦常歎其種種功德。

前兩句。標迹中說法第一也。天台云。若非法身妙

本無以垂於第一勝迹。昔來但言迹中說法第一。今則顯於無上法久得第一。此舉迹顯本也。次二句。標本地福慧圓彰。本地既有種種功德。迹中何但僅爲二乘耶。此舉本以明迹也。

精勤護持。助宣我法。能於四眾示教利喜。具足解釋佛之正法。而大饒益同梵行者。自捨如來。無能盡其言論之辯。

此標說法中具種種功德也。專念一乘曰精。勇行不怠曰勤。念念不彌曰護。動止不失曰持。輔弼曰助。敷演曰宣。精勤護持四字。有諸已。助宣佛法。益

諸人也。由此二利功德故。能於四眾。隨機示教。無不合得利益。生歡喜也。此論迹中施權。具足下四句。明本中行實。正法者。卽一乘無上道也。既能具足。而又能解釋。亦具二利功德。由此於同梵行中。內秘外現之儔侶。饒益亦大矣。此本迹二種說法。功能。唯除如來。餘皆不能盡究。彼之言論。辯才無礙也。故我常稱彼爲說法第一。亦常歎彼具諸功德也。①二舉過去佛世顯本。

汝等勿謂富樓那。但能護持助宣我法。亦於過去九十億諸佛所。護持助宣佛之正法。於彼說法人中。亦

最第一。又於諸佛所說空法。明了通達。得四無礙智。常能審諦清淨說法。無有疑惑。具足菩薩神通之力。隨其壽命常修梵行。彼佛世人咸皆謂之實是聲聞。而富樓那以斯方便。饒益無量百千眾生。又化無量阿僧祇人。令立阿耨多羅三藐三菩提。爲淨佛土故。常作佛事。教化眾生。

上節發明現在本迹已彰。因此得論過去內秘外現之由也。汝等下出其深心。勿謂者。乃教會眾須知也。若只在此會。助宣佛法。稱爲第一。則心何足以見其深。其實於過去九十億諸佛法中。亦如是。

助宣爲第一也。雖舉九十億。猶爲近論。但遠本冥
邈。爲信良難。故作是舉。又於諸佛下。出其本願。若
但只於我法。上求下化。則願何足以見其本。其實
於諸佛法。無不通達明了也。空法。卽真俗雙超之
第一義空。精見謂之明。透徹謂之了。無礙謂之通。
深造謂之達。言其所見諸佛一相一味之法。無不
精透。此見其造道之淵源。是上求自利之功德也。
四無礙下。皆明下化利他之事。若準經釋。常能審
諦。則見法精明。卽無礙。清淨說法。則離諸過染。卽
辭無礙。無有疑惑。必事理融通。卽義無礙。旣三者

俱備。必然樂說。則樂說無礙。具其中矣。菩薩神通。非二乘所能擬。既曰具足。必得遊戲三昧。一切無礙。卽補處位人。能繁興大用。故下曰。隨其壽命。卽現隨類身。與眾同波。乃隨諸眾生。示涅槃相也。自得四無礙。至隨其壽命數句。皆利人邊事。雖則泥水通身。而不捨本行。故曰常修梵行。彼佛世人下。謂彼過去九十億佛所之人。咸不能知滿慈本是菩薩。而皆據迹。謂實是聲聞也。斯方便指前四辯神通。隨壽命等。皆迹中示小。度小根人如是之多。又化下。方明本中說大乘。度眾生亦無量。阿僧祇。

矣。未三句。謂滿慈如此權實方便。非獨爲化眾生事。而亦所以成已之功。而嚴淨已之佛土也。故維摩經云。菩薩隨所化眾生。而取佛土。

①三約三世佛所修因。

諸比上。富樓那亦於七佛說法人中。而得第一。今於我所說法人中。亦爲第一。於賢劫中。當來諸佛說法人中。亦復第一。而皆護持助宣佛法。亦於未來。護持助宣無量無邊諸佛之法。教化饒益無量眾生。合立阿耨多羅三藐三菩提。爲淨佛土故。常勤精進教化眾生。

此卽廣推三世深心本願。皆爲第一人也。知音云。七佛。舊謂毘婆尸。尸棄。毘舍浮。屬過去莊嚴劫。千佛中最後三佛也。拘留孫。拘那含。迦葉。釋迦。屬現在賢劫。千佛中最初四佛。今觀經文。旣云七佛。又云。今於我所等。復云於賢劫中等。則是獨以釋迦一佛屬現在。餘屬過去。亦於未來下。應知此又是賢劫後之未來也。卽如千二百羅漢成佛。滿慈亦爲護持助宣無量無邊佛法。爲其弟子。則其心之深。願之廣。可涯量哉。所以然者。無非爲上求下化故。淨佛土。結完上求。化眾生。結完下化。以上總爲

述其因行。向下授其果記。

⑩二與授記分四。⑪一明因圓果滿。

漸漸具足菩薩之道。過無量阿僧祇劫。當於此土。得阿耨多羅三藐三菩提。號曰法明如來。應供。正徧知。明行足。善逝。世間解。無上士。調御丈夫。天人師。佛世尊。

此明深心本願所成之果也。漸漸具足者。是總統前。歷事多佛。於三世無量劫中之行。行成則道備矣。又言過無量阿僧祇劫者。卽約如來今日與記而言。非漸漸具菩薩道後。又歷如是多劫也。於此土

者。卽指今娑婆。況此土。一是受道發源之處。有如是因。證如是果。二是本願力故。向後發願持經中。獨不見身子滿慈者。以其有本願存故。三是始覺智契本覺理。莊嚴自性。成自性佛。故知經無量劫。不離者裏。行一切行。不離者裏。侍一切佛。不離者裏。內秘外現。助宣佛法。總不離者裏。若有一時一事。出此土外。便爲魔業。所以必於此土得菩提矣。果號法明者。由明了諸佛所說空法。則說法無礙。是果隨因致也。①二明國土嚴淨。

其佛以恆河沙等三千大千世界爲一佛土。七寶爲

地。地平如掌。無有山陵谿澗溝壑。七寶臺觀充滿其中。諸天宮殿近處虛空。人天交接兩得相見。無諸惡道。亦無女人。一切眾生皆以化生。無有姪欲。

合恆沙之大千世界爲一土。又非止如來以娑婆而三變矣。況法明如來旣於法無礙。則所依之土亦無礙。所謂古鏡闊一丈。世界闊一丈也。七寶爲地者。地卽性地。以七支淨財而爲莊嚴。又曰平如掌者。手掌不平。則非所引。謂海底有石名掌。無有一微塵許不平者。又賢劫經直明如佛掌故。毘舍浮佛謂持地菩薩曰。當平心地。則世間地一切皆

平。此所謂平如掌也。無山陵等。出成地平之實。雖曰此土。不似今之高下不平也。臺觀爲人民陞之以自樂也。而曰克滿。則國人無營求奔競之苦。可知矣。天宮乃人眾之所不見也。今日交接。則人未始非天。人天一致。見國無不修之人也。已上略論依報莊嚴。次論國無惡穢。諸惡道。卽三途也。由國無是因故。不招是果。不但異類不居。而同類之女。人亦不居也。人旣化生。則姪欲已斷。旣無姪因。而姪果亦息。宜其國中無女人也。此皆法明如來因中說法開示。令人轉愚痴成智慧。則無惡道。轉有

漏證真空。則得化生。非徒無苦。而人民亦與福俱生也。

得大神通。身出光明。飛行自在。志念堅固。精進智慧。普皆金色。三十二相。而自莊嚴。其國眾生常以二食。一者法喜食。二者禪悅食。

此方舉國中眾生正報莊嚴。不出色心二種。如神通志念精進等。皆屬心。光明飛行金色相好等。皆屬色。亦卽是六根清淨也。國中人民。旣如是福智莊嚴。飛行自在。則與天何以異。須知彼國所有天眾及二乘菩薩。倍倍轉勝。槩可見矣。二食者。天台

法華經疏卷第四之一
十一
引月藏經第九。明法食喜食禪食。經文總言法喜
禪悅。別分應有三種差別。妙樂云。法食卽聞法也。
如安養。下品生人。在蓮花中。常聞彌陀觀音說法。
法喜者。聞法歡喜。正聞爲法食。聞已屬喜。禪食者。
以禪法自資。不須段食也。

有無量阿僧祇千萬億那由他諸菩薩眾。得大神通。
四無礙智。善能教化眾生之類。

前是人民。此明法屬。以如來說法時久。故受益者
眾。直指云。權實雙運。故得大神通。四智圓明。故得
無礙。以師強資盛。故能教化眾生。以上皆實智所

感也。之類二字。歸在菩薩邊言。謂此等菩薩。皆是法身大士。善能行化之儔。非權漸菩薩比也。

其聲聞眾。算數校計所不能知。皆得具足六通三明。及八解脫。

菩薩中言無量。皆大菩薩。則三賢眾廣。不言可見。今聲聞又曰不可校計。則緣覺之廣。亦可見矣。此總明三乘人數。皆得具足等。是總明其德。斯皆如來權智所化也。

其佛國土。有如是等無量功德莊嚴成就。

此總結前依正莊嚴。故言有如是等。於無量功德。

說之不盡也。曰莊嚴曰成就者。如月藏經第五明。十善各有十種功德。第一不殺得十功德。一於一切眾生得無所畏。二於眾生得大慈心。三斷惡習業。四少病。五長命。六非人所護。七無惡夢。八無怨。九不畏惡道。十命終生善道。後作佛時。國無殺害之具。國人長壽。乃至第十不邪見。亦得十種功德。一心性柔善。乃至第十死生善道。作佛時。國人正信。如是者。皆如來因行成就。故曰無量功德。

⑤ 三明劫國壽量。

劫名寶明。國名善淨。其佛壽命無量阿僧祇劫。

劫無佛住者尙多。今劫既有法明如來住世。則佛爲寶矣。佛旣說法。廣開蒙昧。而明明無盡。故稱其劫曰寶明。善淨者。由人民智慧精進。以禪法爲食。而又無惡穢。故得是名也。佛壽長遠者。且因中旣能隨其壽命。教化眾生。而果證法身。無在不在也。一則願力所成。一以機緣所感故。

④ 四明流通法化。

法住甚久。佛滅度後。起七寶塔。徧滿其國。

不言正像劫量。而但曰法住甚久。斯亦彼佛本願堅持之力。超略言之也。住世旣久。所化益眾。則起

塔徧滿。報恩益眾也。⑤二偈頌。分二。⑥一頌上發迹。又二。⑦一頌總發聲聞迹。

爾時世尊。欲重宣此義。而說偈言。

諸比丘諦聽。佛子所行道。善學方便故。不可得思議。知音云。此去其二十八句。通頌于二百人。深心本願。爲滿慈引啟見。記有先後。人皆大乘。三周三根。無非法門。一時施設次第。元無高下也。△世尊囑諸比丘諦聽。只要人知今會所有一切聲聞。爲上首者。皆大菩薩內秘外現也。故曰佛子。曰行道。曰善學方便。曰不可思議。皆是大乘權實雙運。混羣

類而不知。入塵勞而不染。是誠不可思議也。行道是上求。學方便是下化。

知厭樂小法。而畏於大智。是故諸菩薩。作聲聞緣覺。此下五層。皆申明善學方便不思議之故。知音謂諸佛子。所以卽大示小者。知眾生根性。愛欲小果。怖畏大乘。故特爲此等。示作聲聞緣覺。是善學方便。不可得而思議者一也。

以無數方便。化諸眾生類。自說是聲聞。去佛道甚遠。度脫無量眾。皆悉得成就。

此明以己引人。作方便之則也。大窾引迦葉聞說

菩薩不思議大解脫法門時。謂舍利弗言。譬如有人於盲者前。現其色相。非彼所見。一切聲聞。聞是解脫法門。不能解了。爲若此也。智者聞之。其誰不發無上道心。我等何爲永斷其根。於此大乘。已如敗種。一切聲聞。聞是解脫法門。皆應號泣聲震三千大千世界等。又云。我等今日不復堪任發菩提心。此皆菩薩化作小乘。混入同列。旁通曲暢大乘之法。度量無量眾。此是以大名小。不可得而思議者二也。

雖小欲懈怠。漸當令作佛。

此以懈爲勤。作方便之緣也。雖示小乘似見身體
疲懈。其實卽懈而勤。引同列之人。策勤精進。終不
至於半途而廢。必令成就大志。漸入佛道。此不可
得而思議者三也。

內秘菩薩行。外現是聲聞。少欲厭生死。實自淨佛土。
此見外迹內本。行方便之巧也。大窾云。此諸菩薩
內秘大行。不露神通遊戲之事。外現小智樂行。貧
所樂法。知足之行。雖則厭生死苦。求涅槃樂。其實
自淨已之成佛國土。爲不可得。而思議者四也。
示眾有三毒。又現邪見相。我弟子如是。方便度眾生。

此是因邪引正。作方便之權也。知音云。前皆順示方便。此則逆示三毒。所謂順逆皆方便。三毒卽貪嗔痴三根本惑。行則令人墮落三途。故謂之毒。邪見者。卽五利使之一。乃崇祀水火祭天要福之邪見。如孫陀羅阿難示姪。舍利弗與羅度爭勝示嗔。調達害佛。及周利槃特示痴。畢陵伽婆之慢。三迦葉之崇事水火。皆大權方便示現。無非要令一切人皈心佛道。故曰我弟子如是。此爲不可得而思議者五也。

若我具足說。種種現化事。眾生聞是者。心則懷疑惑。

此結足前善學方便不可思議之實。謂我若具足說諸佛子示現方便之事。則有無量種種。使聞者必致生疑不信也。知音云。未頌滿慈。而先頌諸弟子。以五百羅漢內有六羣比丘在其數故。則六羣所作之事。亦卽種種現化之方便也。

⑤ 二頌發滿慈本迹。

今此富樓那。於昔千億佛。勤修所行道。宣護諸佛法。爲求無上慧。而於諸佛所。現居弟子上。多聞有智慧。所說無所畏。能令衆歡喜。未曾有疲倦。而以助佛事。已度大神通。具四無礙智。知諸根利鈍。常說清淨法。

演暢如是義。教諸千億衆。令住大乘法。而自淨佛土。
此二十句。別頌當機過去因行。詞攝現在。頌意不
出權實雙運。智悲並行。自利利他。爲淨佛土。屬如
如理。廣宣大法。爲如如智。

未來亦供養。無量無數佛。護助宣正法。亦自淨佛土。
常以諸方便。說法無所畏。度不可計衆。成就一切智。
此八句。頌當機。於未來諸佛所。上求下化。二利功
德。如文可釋。○癸二頌上授記。分三。○子一頌因果圓
滿。

供養諸如來。護持法寶藏。其後得成佛。號名曰法明。

供養如來。是三世中所修福足。持法藏。卽備知一切法門。是慧足。此總明因圓。下二句方明果滿。

② 二頌劫國名字

其國名善淨。七寶所合成。劫名爲寶明。

旣以善淨爲名。加以七寶合成。定是實報土。故國中人民。皆飛行自在。所以得劫名寶明也。

③ 三頌國土嚴淨

菩薩衆甚多。其數無量億。皆度大神通。威德力具足。充滿其國土。聲聞亦無數。三明入解脫。得四無礙智。以是等爲僧。其國諸衆生。姪欲皆已斷。純一變化生。

具相莊嚴身。法喜禪悅食。更無餘食想。無有諸女人。亦無諸惡道。富樓那比丘。功德悉成滿。當得斯淨土。賢聖衆甚多。如是無量事。我今但畧說。

前一十七句。頌國土嚴淨。一一如文可釋。富樓那下六句。總結尊者本末大案。直指云。尊者大因大果。重在說法爲本。諸經皆以財法二施較量。定以法施爲尊。況法能令人越生死。證法身。續慧命。今約法施功能。故得因果殊勝也。初授滿慈記已竟。

①庚二并授餘衆記。分三。②辛一當機念請。

爾時千二百阿羅漢。心自在者。作是念。我等歡喜得

未曾有。若世尊各見授記如餘大弟子者。不亦快乎。此亦經家敘彼所念也。直指云。千二百羅漢。於法說之初。尙云不知是義所趣。及至喻說中。雖知三車是權。一乘爲實。而猶坐執小果。不生一念好樂之心。安望有成佛之記。佛知其貪戀化城。故無問自說。因緣爲衆。遠引昔緣。而千二百人如午夢初回。始信衣珠不失。今見滿慈得記。乃信自作佛。故各念希記也。天台云。不爲見思所惱。故曰心自在。知音云。我等歡喜。照方便品。心生大歡喜。自知當作佛爲言。吁。因緣一周。於千二百人。大有功力。可

見經文三周次第非徒設也。⑤二如來與記分二。⑥一長行。分三。⑦一總記千二百。

佛知此等心之所念。告摩訶迦葉。是千二百阿羅漢。我今當現前。次第與授阿耨多羅三藐三菩提記。此承上千二百人心之所念。希望同記。而卽賜其記者。爲重在信力也。直指云。從三周已來。所聞種種開示見地。固已明白。一信便入住位。所以召大迦葉而懸記者。意有所托也。况此亦結完方便品中千二百羅漢。悉亦當作佛之案。

⑧二別記。僑陳如。

於此衆中。我大弟子。憍陳如比丘。當供養六萬二千
億佛。然後得成爲佛。號曰普明如來。應供。正徧知。明
行足。善逝。世間解。無上士。調御丈夫。天人師。佛。世尊。
陳如最初悟道。居衆上首。故別與記。尊者於得記
之後。猶供養六萬二千億佛。亦卽是深心本願。欲
滿二利功德。而果號普明者。要解云。以智慧明破
諸痴暗。普使衆生明了法性故也。○妙樂問。若其
居首別記。何不初周記耶。答。若約實行。大小緣別。
兩初各異。身子最初結大緣。故初周先悟。陳如先
結小緣。故於鹿苑先悟。若約權行引物。二意各別。

垂迹之法不可一準。○三後記五百人

其五百阿羅漢。優樓頻螺迦葉。伽耶迦葉。那提迦葉。迦留陀夷。優陀夷。阿菟樓駄。離婆多。刳賓那。薄拘羅。周陀。莎伽陀等。皆當得阿耨多羅三藐三菩提。盡同一號。名曰普明。

迦留陀夷。此云黑光。亦云麤黑。顏色黑而光。故周陀。或云周利。此云大路邊生。佛本行經云。其母隨夫往他國。久而有孕。垂產思歸。行至中路。卽誕其子。如是二度。凡生二子。乃以大小別之。小卽莎伽陀。亦云槃陀伽。亦云槃特。此云小路邊生。其餘皆

如序品中釋。△問。世尊前許云。是千二百。我今當現前次第與記。及至授陳那記後。而獨舉五百。於五百中。而又獨言三迦葉及迦留等。何其許與之不侔也。答。廣畧之義。品題會已問明。但五百現在本座。至於三迦葉與十大弟子。爲阿舍時。衆中首領。會爲千二百之師。所以別舉。若言許與。如來旣云次第與。又云皆當得。又云盡同一號。則千二百該無不盡也。同號普明者。以同證普光明智故也。

①二偈頌分二。②一先頌授陳如五百記。

爾時世尊。欲重宣此義。而說偈言。

法華指掌疏卷四之一
三
憍陳如比丘。當見無量佛。過阿僧祇劫。乃成正覺。常放大光明。具足諸神通。名聞徧十方。一切之所敬。常說無上道。故號爲普明。

前四句頌因圓。長行中但曰當供養六萬二千億。今言當見無量佛。須知當供養者。乃從今日得記後事。當見無量佛者。約三世而言。統論三世因行。則過阿僧祇者有之。下六句方明果滿。此申明果德。有五。一光明。二神通。三名聞。四衆敬。五說法。由有諸實德故。具斯善名也。

其國土清淨。菩薩皆勇猛。咸升妙樓閣。遊諸十方國。

以無上供具奉獻於諸佛。作是供養已。心懷大歡喜。須臾還本國。有如是神力。

此頌依報清淨。法屬勇猛。升樓閣而遊諸國者。是
不出戶庭。無處不徧也。以無上供獻於諸佛者。卽
運心供養也。供佛歡喜。須臾還國者。是萬用俱興。
不離當處也。與彌陀佛國人。供養十方。卽以食時。
而便還國同。此皆菩薩神力如是。故云有是神力。
佛壽六萬劫。正法住倍壽。像法復倍是。法滅天人憂。
知音云。此記有四。一記佛具壽命。二記正法。三記
像法。四記末法。以法滅天人憂。皆末法之事。此皆

補長行所未有者。頌陳如一人如是。

其五百比丘。次第當作佛。同號曰普明。轉次而授記。我滅度之後。某甲當作佛。其所化世間。亦如我今日。國土之嚴淨。及諸神通力。菩薩聲聞衆。正法及像法。壽命劫多少。皆如上所說。

此一十四句。例陳如一人。而通頌五百人因果。某甲者。以五百人展轉授記之稱。如陳如滅度。曰我滅度後。優樓頻螺。汝當作佛。依正莊嚴。及所化之世間。如我無異。其佛及弟子神通威德。正法像法。壽命劫數。俱不必更說。亦皆如上所說。無二。以上

五百該盡。②總頌授一切聲聞記。

迦葉汝已知。五百自在者。餘諸聲聞衆亦當復如是。其不在此會。汝當爲宣說。

此囑大迦葉。補餘七百人記。其依正因果。刳國莊嚴。正像壽命。皆無二無別。今雖未得耳提面命。汝可爲之一一宣說也。故華嚴經云。現前得授記。不現前亦得授記。妙哉經文。其簡要如是。

③三會衆領解。分二。④一長行。又二。⑤一經家敘喜。

爾時五百阿羅漢。於佛前得受記已。歡喜踊躍。卽從

座起。到於佛前。頭面禮足。悔過自責。

此領前我及汝等宿世因緣之義。結完化城喻一品之文。前標記處。世尊許與千二百人普記。今敘謝只云五百。乃約在會面領記者爲言。故言於佛前得受記已。據不在本會之七百衆耳。歡喜踊躍者。內心慶幸。前希記云。若世尊各見授記。不亦快乎。今旣如本所願。故應歡喜無量。所以從本座起作禮陳過也。此中重在悔過自責一句。不信自心作佛。不行菩薩大行。忘失久遠因緣。有負如來悲救。皆是從前罪過。由今新悟。故悔責也。自責二字。

猶重有不啻損形殞命之態。從前屢受佛責。猶不知過。今既悟明斯道。得受妙記。故自責執迷之固。而不早證真空。悔恨無極。○二自陳領解。分二。
①一法說。

世尊我等常作是念。自謂已得究竟滅度。今乃知之。此處并說喻處。所稱世尊最親切。非無見無得而稱。我字即陳如等者。等五百人。常作念者。謂執迷之過。非一日也。自謂下方是悔過。謂得少爲足。無大乘志也。此正照方便品佛說一解脫義。我等亦得此法。到於涅槃之意。今乃知之一句。方是責其

根鈍智淺不早悟是妙法也。須知陳如等。乃在昔宮中久侍之人。世尊始末拈弄。無不備見。如纔出頭。便謂天上天下唯我獨尊。此處我應當悟。至於四十年中。頭頭顯露。我只頭頭不悟。而本會放眉間光。出定揚德。法說喻說。總皆似奏九韶於聾人。及至說因緣化城。方得明了。可謂愚鈍之極。如是自咎。與身子自責。并四人說窮子喻。同出一軌。

①二喻說。又二。②一畧舉喻。

如無智者。所以者何。我等應得如來智慧。而便自以小智爲足。

如來於火宅喻前云。諸有智者。以譬喻得解。既經
喻說。而又經因緣。此豈謂有智者。照方便品而今
不知是義所趣。前云不知。而今乃知。由知之遲。故
言如無智者。下徵明。何故如無智者。況如來所有
無量智慧。本爲我所應得。而自不勤求。返以小智
爲足。豈非一大愚耶。觀應得二字。足知今日新證。
洞見本覺妙明。開佛知見。羣暗俱盡矣。

⑤二正舉喻。分二。⑥一開譬。又二。⑦一醉酒不知。
世尊。譬如有人。至親友家。醉酒而臥。是時親友官事
當行。以無價寶珠。繫其衣裏。與之而去。

繫珠喻。領上王子結緣也。天台云。有人者。卽二乘之機。親友。卽第十六王子家。卽大乘教法。醉酒句。謂當時大機暫發。無明暫伏。以得聞經。內心微解。如至親友家。以無明重故。還復迷失。如醉酒而臥。醉有二義。一重醉。都不覺知。二輕醉。微覺尋忘。亦名不覺。雖有二義。終成繫珠。如毒鼓耳。官事當行者。明王子餘處機興。逗緣往應。故云當行。弘法化他。知非私務。故云官事。無價珠者。卽一乘實相。眞如實智也。繫衣裏者。愧悔忍辱。能遮醜恚。及防外惡。卽是外衣。信樂之心。內裏善根。卽是內衣。於時

聞法。微信樂欲。卽了因智願種子也。

其人醉臥。都不覺知。起已遊行。到於他國。爲衣食故。勤力求索。甚大艱難。若少有所得。便以爲足。

天台云。醉臥不覺。明中間懈退。不受大法也。由無明心重。尋復不憶。起已遊行。下明中間接之。以小受三乘化也。善根欲發。厭苦求樂。故云起已遊行。無明覆解。不知向本。求大乘衣食。故云向他國求。小乘衣食。若魔佛相望。生死魔界。爲他國佛法。大小皆爲本國。就大小相望。小乘未免生死。猶是他國。大乘永脫生死。乃爲本國。究竟還源也。此正謂

背大乘國往小乘土不知從珠取給而傭作自資
獲一日價得少爲足也衣食等知音云喻五百人
既迷本有墮入五道不免求人天福報之衣食崇
水事火持牛狗戒而勤力求索甚大艱難也

④二親友覺悟

於後親友會遇見之而作是言。咄哉丈夫何爲衣食
乃至如是。

自大通繫珠下種以至今四十年後故曰於後遇
見直指云此承窮子喻合長者第三翻塵土全身
會遇於除糞之處方便見子彼云咄哉男子是敘

般若時眞俗雙超。故曰汝常此作。此敘未獲眞俗。一如故曰何爲衣食。乃至如是。咄哉。喝醒之聲。丈夫男子美稱也。△旣以丈夫見稱。則知本具冲天氣概。但未展耳。若得福智圓滿。爲天人所敬。轉無上輪。豈不爲偉哉一大丈夫乎。何爲衣食。句是親友怪甚之言。謂若果無珠。受此艱難。猶爲可耐。今本有神珠。自能致大饒富。若出之。尙可以普濟萬方。何獨爲衣食。以至勤索如是耶。故下與示珠。我昔欲令汝得安樂。五欲自恣。於某年日月。以無價寶珠繫汝衣裏。今故現在。而汝不知。勤苦憂惱。以求

自活甚爲痴也。

此申其以無價寶繫衣裏之事。所謂我在十六數曾亦爲汝說也。知音云。某年月者是智佛入定八萬四千劫。十六王子爲覆講時。上云安樂五欲自恣。喻成佛時果上受用。卽實報莊嚴。理智圓滿。此言以無價珠等喻佛向因中爲下大種也。今故現在者。謂昔所指示法性本有元不失也。而汝不知爲無明所障。雖得小果。忘其大因。而勤苦憂惱。可謂痴亦甚矣。上總屬開示。此下方教悟入。汝今可以此寶貿易所須。常可如意。無所乏短。

勸賢。卽譬得記作佛也。妙樂云。珠雖價值無數。必須貿易。方有濟用。了因內解。雖復究竟。必以宿種。易於現行。以昔解一解。一切解。賢今現行一行。一切行。珠體不竭。貿易無窮。故須更聽更修。方顯寶之功用。如華嚴中得摩尼珠。十種瑩治。方能雨寶。行解相稱。方堪佛記。從是已後。則具有寂滅忍衣。首楞嚴食。自行化他。無量衆寶。無功用位。彼此不窮。知音云。以因證果。曰賢。卽小成大曰易。

①二合譬。分二。②一合醉不知。

佛亦如是。爲菩薩時。教化我等。令發一切智心。而尋

法華抄手卷第四之一
三
廢忘。不知不覺。既得阿羅漢道。自謂滅度。資生艱難。得少爲足。一切智願。猶在不失。

前以喻定宗。後以法明要。法喻一如。故曰佛亦如是。直指云。菩薩時。指佛爲十六沙彌時。一切智心。卽法華統收權實萬行。但受之彷彿。故尋便廢忘。既得阿羅漢下。通敘昔迷偏小。猶在不失。正明昔緣道種仍在也。天台科。合佛亦如是四句。合繫珠。而尋下兩句。合醉不知。既得下。合起已遊行。

④二合友覺悟。

今者世尊覺悟我等。作如是言。諸比丘。汝等所得。非

究竟滅。我久令汝等種佛善根。以方便故。示涅槃相。而汝謂爲實得滅度。

此正明今悟。言覺悟我等。敘三周開示。并領方便品云。我雖說涅槃。是亦非真滅等文。餘如前釋。合呵責示珠等文。

世尊。我今乃知實是菩薩。得受阿耨多羅三藐三菩提記。以是因緣。甚大歡喜。得未曾有。

此正明得記慶謝。直指云。度自性衆生。斷自性煩惱。學自性法門。成自性如來。故曰乃知。心佛衆生三無差別。根塵識三體用如如。故得三菩提記。下

三句始結明章初踊躍歡喜之意。

⑤ 二偈頌分二 ⑥ 一頌內心得解。

爾時阿若憍陳如等。欲重宣此義而說偈言。我等聞無上安隱授記聲。歡喜未曾有。禮無量智佛。今於世尊前。自悔諸過咎。

前四句頌今得記欣慶謝法。後兩句頌悔過。言自悔諸過。乃見今日悟入之深。慚愧之切也。

⑦ 二頌自陳頌悟分二 ⑧ 一頌法說

於無量佛寶。得少涅槃分。

頌自謂已得滅度。今乃知之。初聞諸佛智慧甚深。

無量。尙遙隔千萬里外。竟不知是何等境界。今乃知於無量佛寶皆有所得矣。是蒙如來方便引入也。⑤二頌喻說。分二⑥一頌畧舉。如無智慧人。便自以爲足。

⑤二頌正舉。又二⑥一頌開譬。

譬如貧窮人。往至親友家。其家甚大富。具設諸肴膳。以無價寶珠。繫着內衣裏。默與而捨去。時臥不覺知。是人既已起。遊行詣他國。求衣食自濟。資生甚艱難。得少便爲足。更不願好者。不覺內衣裏。有無價寶珠。與珠之親友。後見此貧人。苦切責之已。示以所繫珠。

貧人見此珠其心大歡喜富有諸財物五欲而自恣。此二十四句頌以喻明法其家大富二句承長者窮子二喻中來磊磊落落無非發明迷悟之本天台謂肴膳食已便消如方便教^實二頌合譬

我等亦如是世尊於長夜常愍見教化令種無上願我等無智故不覺亦不知得少涅槃分自足不求餘今佛覺悟我言非實滅度得佛無上慧爾乃爲真滅我今從佛聞授記莊嚴事及轉次受決身心徧歡喜此十六句頌以法合喻歷然可見但長夜喻生死未四句結前廣記大案授千二百人記竟

妙法蓮華經授手卷第四之一

音釋

踊躍

上音勇
下音藥

蓄

許六切
積也

彌

頻入聲

儻

直由切

槩

古代切

窳

音款
空也

空

蒲悶切
塵也

耐

與耐同
奈忍也

耐

與耐同
奈忍也

耐

與耐同
奈忍也

耐

與耐同
奈忍也

耐

與耐同
奈忍也

海峽南洋の多岐

三

妙法蓮華經授手卷第四之二

清楚衡雲峯沙門智祥集

授學無學人記品第九

品節云。此品來意。由佛三周開示。各信自心。不疑佛說。故常隨弟子。自上首以及五百。并千二百。皆久受化。各得記已。業已安慰其心。尙有一類新學聲聞。若阿難羅睺等。各願得記。以滿眾望。要見佛法不遺之意。故各爲授記。因以名品也。△佛曾於總發迹中。有善學方便故。不可得思議。又云我弟子如是方便度眾。則阿難一類居有學中者。亦

方便示迹不可思議者也。若非二人請記。則二千人無從得如阿難等所願。不然。又何以完如來出現一場因緣。則二人非實有學。但今據本文解釋。又不得不盡現今面目也。

①二授二千人記。分二。②一請記。又二。③一二人請。

爾時阿難。羅睺羅。而作是念。我等每自思惟。設得授記。不亦快乎。

此經家敘置二尊者有如是念也。每自思惟者。自見身子及四大弟子。乃至上來千二百人得記已。

來。我皆作是思惟。設若令我等有學人皆得授記。實爲快活。足見今未得記。憂鬱在念。尙未爲快。卽從座起。到於佛前。頭面禮足。俱白佛言。世尊。我等於此亦應有分。唯有如來。我等所歸。

世尊下。方是二尊者之言。我等于此此字最重。須知便是二尊者悟入之境。卽前所謂甚深無量處。今此境已入。而又言亦應有分。是何等襟懷。唯有如來。是我所歸。便是出陳自己所休甯地。謂本從如實中來。還從如實中去。故言歸也。卽此兩句。便可爲二人授記定案。

又我等爲一切世間天人阿修羅所見知識。阿難常爲侍者。護持法藏。羅睺羅是佛之子。若佛見授阿耨多羅三藐三菩提記者。我願旣滿。衆望亦足。

天台云。二人於佛最親。時衆所望。羅雲是佛之子。俗中親重。阿難持佛法藏。道中親勝。勝重兩人不蒙別記。則衆望不足也。△我願者。卽前思惟中。設得授記之願。衆望者。卽因其於佛最親。而望其所獲必厚也。記不見授。二具成缺。須知此段亦二人爲學無學二千衆作先容也。⊙二二千人請。

爾時學無學聲聞弟子二千人。皆從座起。偏袒右肩。

到於佛前。一心合掌。瞻仰世尊。如阿難。羅睺羅所願。住立一面。

二千人妙在一心。合掌瞻佛。少頃而復立一面。以是機投佛教。可謂水投水矣。卽此行徑。便可爲作記之原委。足見靈山會裏原來有人。亦見佛謂我弟子如是方便度衆生。言發卽中。

庚二與記分二。辛一與二人記。又二。壬一與阿難記分五。癸一長行。

爾時佛告阿難。汝於來世。當得作佛。號山海慧自在通王如來。應供。正徧知。明行足。善逝。世間解。無上士。

調御丈夫天人師佛世尊。

此記果德號。要解云。高莫逾於山。深莫浚於海。阿難宿持法藏。多聞博達。其智慧故如山如海矣。於諸法中。得大通達。自在如王。故得果以因爲號。

當供養六十二億諸佛。護持法藏。然後得阿耨多羅三藐三菩提。

此記因行。先曰于未來世。未知有多少時。今日供養六十二億。則知其數矣。一一佛中。護持法藏。皆如今日無二。直到智福雙滿。方是成佛之日。

教化二十千萬億恒河沙諸菩薩等。令成阿耨多羅

三藐三菩提。

此記眷屬當來作成。如此其多者。爲宿持法藏化緣深故。

國名常立勝幡。其土清淨。琉璃爲地。劫名妙音徧滿。要解云。幡表尊勝之德。阿難多聞第一。故國名立勝幡。宣傳法藏。故劫名妙音徧滿。爲由法音宣流故。

其佛壽命無量千萬億阿僧祇劫。若人於千萬億無量阿僧祇劫中。算數校計不能得知正法住世倍於壽命。像法住世復倍正法。

佛壽無量劫。而正像之法。又復倍倍者。由其宣傳法藏。因力綿遠也。要解問壽劫之說。猶然不窮。何所據依。視不覩。睫况渺冥乎。荅萬物死生而不亡者存。壽有終窮乎。古今代謝而曾無紀極。劫有終窮乎。聖人離死生至道。無代謝則雖倍倍之劫。未足盡其靈長矣。

阿難。是山海慧自在通王佛。爲十方無量千萬億恒河沙等諸佛。如來所共讚歎。稱其功德。

諸佛共讚者。讚此佛智勝而神無礙也。稱其功德者。卽護持三世佛法。威德具足。有自利利他無量。

功德由多聞廣博。故得名稱普聞無量世界。

癸二偈頌

爾時世尊。欲重宣此義。而說偈言。

我今僧中說阿難持法者。當供養諸佛。然後成正覺。
號曰山海慧自在通王佛。其國土清淨。名常立勝幡。
教化諸菩薩。其數如恒沙。佛有大威德。名聞滿十方。
壽命無有量。以愍衆生故。正法倍壽命。像法復倍是。
如恒河沙等。無數諸衆生。於此佛法中。種佛道因緣。
佛有大威德。兩句。要解云。頌諸佛共歎也。壽命無
有量。以愍衆生故。非徒羨久生也。衆生於法中種

佛道因緣者。能持法藏故。羣類資焉。

④三菩薩生疑。

爾時會中新發意菩薩八千人。咸作是念。我等尙不聞諸大菩薩得如是記。有何因緣而諸聲聞得如是決。

此新發意衆。前不見列名。後不見賜記。突然下此騰疑。直指云。是託相表轉十八界成智也。新發意者。卽圓教十信位中。名初發心菩薩。爲信力雖具而通力未發。所以不識聲聞內秘外現之本。而見迹生疑。然因此得申二尊者久遠大因也。約理此

經前是五識將轉。故五十心所生疑。待五大弟子
獲記。而五百大衆轉矣。今是六七二識將轉。而十
八界相繼生疑。十八界不出八識爲體。及八識心
所爲用。故以八千表之。五六七識旣轉。而八識亦
將轉。故假八識心所作念。以申六七二識受薰之
久。六七二識託二公得記而轉。則十八界應念化
成無上正覺。④四如來發迹。

爾時世尊知諸菩薩心之所念。而告之曰。諸善男子。
我與阿難等於空王佛所。同時發阿耨多羅三藐三
菩提心。阿難常樂多聞。我常勤精進。是故我已得成

阿耨多羅三藐三菩提。而阿難護持我法。亦護將來諸佛法藏。教化成就諸菩薩衆。其本願如是。故獲斯記。

此告其遠因。以同發心功深願廣。宜得是記也。要解云。校其遠因。則功已齊佛。但願護持法藏。故常樂多聞。佛願成道利生。故常勤精進。由此佛已成道。而阿難尙須護法教化。然後成佛。蓋其本願如是。非由根智勝劣而有先後也。俱舍論說。空王佛。乃釋迦三僧祇劫中間所逢之佛。直指云。約理。空王表白淨根本智。釋迦表八識。阿難表六識。採集

多聞熏習。八識。故曰護持我法。八識受熏。陶制習漏。故曰常勤精進。以能熏之智煩雜。故成佛在後。由所熏之智堅密。故成佛在前。此以受熏定先後。非與轉識同論。癸五阿難顯本。

阿難面於佛前。自聞授記及國土莊嚴。所願具足。心大歡喜。得未曾有。卽時憶念過去無量千萬億諸佛法藏。通達無礙。如今所聞亦識本願。爾時阿難而說偈言。

世尊甚希有。令我念過去無量諸佛法。如今日所聞。我今無復疑。安住於佛道方便爲侍者。護持諸佛法。

面聞大記而歡喜者。慶其不在轉次授記之例也。知音云卽時下。驗佛告新發意人其言不虛卽自憶念過去諸佛法藏而無礙。又知本願皆佛神力智力所加被也。偈中前四句。如長文可解。後四句。前半明昔同佛發心之本。乃實智也。後半明爲侍者之迹。乃權智也。阿難一人本迹權智。旣自頌明後二千人得記。新發意人。始三緘其口矣。

⑤二與羅睺記。分二。⑥一長行。

爾時佛告羅睺羅。汝於來世當得作佛。號蹈七寶華如來。應供。正徧知。明行足。善逝。世間解。無上士。調御。

丈夫天人師。佛世尊。

此記果號。直指云。蹈者履也。七寶華。表信住等七位之行華。謂尊者蜜行最深。操履佛果七位理行。故從行得名。

當供養十世界。微塵等數諸佛如來。常爲諸佛而作長子。猶如今也。

此記因行。一三千大千國土。爲一化佛世界。以一世界大地作微塵。已是最多。今日供養十世界微塵數諸佛如來。則是因行。豈可言哉。旣爲無量諸佛之子。則福慧具足可知矣。旣未來歷如是不可

法華抄手卷第四之二
計劫則過去爲佛長子亦必應歷如是多劫此皆尊者本願所存故今以蜜行爲第一也

是蹈七寶華佛國土莊嚴壽命劫數所化弟子正法像法亦如山海慧自在通王如來無異亦爲此佛而作長子

此總記依正莊嚴等皆與阿難無二良以多聞與蜜行互相資發故而又與阿難爲子乃本願所在也悲華經引佛爲寶海梵志發願時有帝釋名善見是時發願願在在常爲諸佛之子故後偈云羅睺羅蜜行惟我能知之也

過是已後當得阿耨多羅三藐三菩提

過是已後者卽供佛爲子本願滿足之後初得記
爲自覺供養中兼利人爲覺他過是已後方名覺
滿。癸二偈頌

爾時世尊欲重宣此義而說偈言。

我爲太子時。羅睺爲長子。我今成佛道。受法爲法子。
於未來世中。見無量億佛。皆爲其長子。一心求佛道。
羅睺羅蜜行。惟我能知之。現爲我長子。以示諸衆生。
無量億千萬。功德不可數。安住於佛法。以求無上道。
此頌明本迹之不可測也。頌中前四句發明眞俗

諦中皆是子義。乃羅雲現在不離佛矣。次言于未來世見多佛爲多子。皆出一心。無非欲求滿足菩提。卽此侍佛爲子。一心求道。是其蜜行人無能知。而我獨知也。華嚴經明菩薩有十種如海智。第七智云。菩薩入未來世。觀察分別一切諸劫無量無邊。知何劫有佛。何劫無佛。何劫有幾如來出世。一如來名號何等。住何世界。世界名何。度幾衆生。壽命幾何。如是觀察。盡未來際。皆悉了知。不可窮盡。卽此則今日如來目擊其所行蜜行如是而不誣也。後六句。又將示現二字提出。意在足前總發。

迹中。謂善學方便故。不可得思議之語。故此言功德不可數。欲人知本迹權實之有在也。與二人記已竟。①二與二千人記。分三②一長行。

爾時世尊見學無學二千人。其意柔軟。寂然清淨。一心觀佛。

此明世尊見大機已發。即可當成佛之記也。二千人。乃二尊者所統之有學聲聞也。經家敘其世尊見。又言其意柔軟。是佛知彼心行。乃爲可記之機。方便品云。若人善軟心。皆已成佛道。寂然清淨。是內外一如也。一心觀佛。意有所待也。

佛告阿難。汝見是學無學二千人不。唯然已見。

此欲以有學託阿難也。前記五百人處。召迦葉委付。有不在會者。欲其爲說。今二千人。又召阿難而問。見不則意亦有所託也。况有學人。佛雖與記。解力未充。不可無師。阿難唯然應曰。已見。則此一見字。不獨已同佛見。而亦見盡二千人於未來世。能作津梁。可謂不負所託於將來也。

阿難。是諸人等。當供養五十世界微塵數諸佛如來。恭敬尊重護持法藏。

此明因行。二千人既爲二尊者所統。前以二尊者。

表六七二識。則二千人爲二識心所。亦宜然也。羅雲供養十世界微塵數佛。表十界差別。通屬意根中法塵。今五十世界微塵諸佛。當表色等五塵。欲人了知五塵同是真如之體。故以恭敬尊重言之。既能如是。則塵塵是佛。念念是智。故曰護持法藏。末後同時於十方國。各得成佛。皆同一號。名曰寶相如來。應供。正徧知。明行足。善逝。世間解。無上士。調御丈夫。天人師。佛。世尊。

此記果號。直指云。約理待五塵生相。無明轉盡。乃得大智現前。故曰末後。以始覺之智。照明五塵。全

俗卽眞乃契本覺之理故同時於十方國各得成佛。始名是法住法位世間相常住。至此體用如如。純是一眞法界。故同名寶相。

壽命一劫。國土莊嚴。聲聞菩薩。正法像法。皆悉同等。此記依正莊嚴之相。旣悟證法身。則眞常獨露。而此壽命豈有終窮。此言一劫。乃無量之量也。所證莊嚴。悉皆同等者。明二千人各居一國。而受用悉等。乃不同之同也。⑤二偈頌。

爾時世尊欲重宣此義而說偈言。

是二千聲聞。今於我前住。悉皆與授記。未來當成佛。

所供養諸佛。如上說塵數。護持其法藏。後當成正覺。各於十方國。悉同一名號。俱時坐道場。以證無上慧。皆名爲寶相。國土及弟子。正法與像法。悉等無有異。咸以諸神通。度十方衆生。名聞普周徧。漸入於涅槃。頌文照前。一一可了。末四句結其度生事畢。仍入涅槃。是出興功成。返一無迹。佛佛然也。⑤三得記。爾時學無學二千人。聞佛授記。歡喜踊躍。而說偈言。世尊慧燈明。我聞授記音。心歡喜充滿。如甘露見灌。此諸學衆得記。慶快也。直指云。如來威力。令有情無情。同成正覺。故曰慧燈明。此是讚也。心歡喜者。

如其所願得實智甘露法雨充滿。此是謝也。自方便品訖此迹門正說一大科已竟。下五品屬迹門流通妙法蓮華經授手卷第四之二

音釋

浚音峻深也 渺弭沼切 緘居咸切 誣武夫切 灌古玩切 濳也

妙法蓮華經授手卷第四之三

清楚衡雲峰沙門智祥集

法師品第十

品節云。此品來意。由世尊廣讚一乘甚深微妙。能信受者。卽得成佛。所以諸大弟子各得授記。然此一乘。乃眾生本具。正因佛性。今如來開示方便。說此妙法。以爲緣因。既得了悟。乃堪荷負。使知大通智勝因緣至今不失。則又知今日之法緣。爲未來無盡之因緣也。所謂但有聞法者。無一不成佛。乃至一念隨喜。卽得菩提。故以法師標品。意在法華

正因。要託法師開顯。爲未來不盡之勝緣也。蓋佛性種子。要借緣熏。則智佛爲昔熏。而今乃新熏也。且法師有五種。謂受持讀誦解說書寫。但能一種。卽名法師。况此經有如來全身。則能持者。卽爲荷擔如來。故當敬視如佛。抑顯殊勝妙法。要假人弘。使佛種不斷。故毀謗者。其罪甚重。以斷佛種性故也。由是見如來出世本懷已周。故次此品。于授記之末齊此已前。判爲開佛知見。然開有二種。在佛則爲開示開顯。使聞者自知自信。此心爲佛也。在機則爲開悟開明。由久迷不信。今聞佛顯示。則了

然明悟。如蓮華之開發也。經雖通言四種知見。約義則前十品。總顯如來出世本懷。諸弟子一向不知。故多疑慮。今承開示。決信此心是佛。故判屬開字。△法者。軌則也。師者。訓匠也。一以妙法軌持自己。則煩惱可斷。佛道可成也。二以妙法訓人。則眾生可度。而法門可通也。且前三周作記。皆約其年限其數。此則普記在會。乃至一念隨喜者。皆得作佛。而又懸記未來。凡有聞經隨喜者。亦皆普記成佛。此正完前。但有聞法者無一不成佛之案。及酬足眾生無邊誓度之願也。由三周收之未盡。故繼

以此品③一歎美五種法師功深福重。以勸流通分二。④一歎美能持之人。又二。⑤一明弟子功深福重。又二。⑥一明現世弟子。

爾時世尊。因藥王菩薩。告八萬大士。藥王。汝見是大眾中無量諸天。龍王。夜叉。乾闥婆。阿修羅。迦樓羅。緊那羅。摩睺羅伽。人與非人。及比丘。比丘尼。優婆塞。優婆夷。求聲聞者。求辟支佛者。求佛道者。

如來將授廣記。而因藥王者。要解謂。以廣記渺漠。法利勝妙。非深知宿契。無能證知故也。况藥王。卽喜見菩薩。久持此經。燒身燃臂。可謂深知宿契矣。

告八萬大士者。大藏云。正欲大士作法師。而效藥王也。況法師之行。在慈悲忍辱法空而已。藥王通具諸德。故因之而令人取法。八萬大士。卽經首所敘列者。

如是等類。咸於佛前。聞妙法華經。一偈一句。乃至一念。隨喜者。我皆與授記。當得阿耨多羅三藐三菩提。此是如來欲使盡未來人。普皆成佛。故有是記也。天台云。若於佛前。當機妙悟者。是多聞生解。五百及二千是也。此等皆已現前與總別記竟。今所揀者。乃是八部四眾三乘之類。故言如是等類。咸於

佛前者。明其時節。值佛在座也。一偈一句者。聞法極少也。乃至一念時節最促也。隨喜者。自未有行。但隨喜其法。及隨喜其人也。而皆與記者。明其聞極少時極促。隨喜之功。逐得佛果。何況具足得聞。盡形受持五種流通。三業供養普廣若此。下周旣爾。中上倍然。可以意知。⑤二明未來弟子。

佛告藥王。又如來滅度之後。若有人聞妙法華經。乃至一偈一句。一念隨喜者。我亦與授阿耨多羅三藐三菩提記。

前科雖爲現在座者作記。猶未爲廣。但以如是等

類一句。該無不盡。明知現在所有之機。總不出四眾八部而已。今言滅後有人。則其機未兆。但意知未來必有如是。四眾八部。聞經隨喜者。既發如是心。必得如是果。故佛今預爲授記。是意無不圓。記無不該也。況今日現在得記者。由過去沙彌曾已授之。今日又與廣記可爲如來異時出世親爲授記之機。故此不言果號與刳國莊嚴等。意有待於將來耳。提面命。⑤二顯法師功深福重。分二。⑥一長行。又二。⑦一別。又分二。⑧一明現在。

若復有人。受持讀誦解說書寫妙法華經。乃至一偈。

於此經卷敬視如佛種種供養。華香瓔珞末香塗香。燒香。繒蓋幢幡衣服技樂。乃至合掌恭敬。

天台云上明稟道弟子。此明授道師門。師論上下。時談現未。并不出逆之得罪。順之得福。今明現在。下品師相。卽是五種法師十種供養也。妙樂云。下品者。但約凡位。以判五種者。大窾云。受持者。默默提撕。守而不失也。讀誦者。頻頻諷習。六時不廢也。解說者。解通所說之義。使受持者。知有歸趣也。書寫者。流傳梵筴之文。使讀誦者。知有向慕也。供養。卽不能受持讀誦解說書寫。但能至心精誠供養。

亦終得此大寶也。十供養者。一華。二香。三瓔珞。四末香。五塗香。六燒香。七幡蓋。八衣服。九技樂。十合掌。

藥王。當知是諸人等。已曾供養十萬億佛。於諸佛所。成就大願。愍眾生。故生此人間。藥王。若有人間。何等眾生。於未來世。當得作佛。應示是諸人等。於未來世。必得作佛。何以故。若善男子。善女人。於法華經。乃至一句。受持讀誦。解說書寫。種種供養經卷。華香瓔珞。末香塗香。燒香。繒蓋。幢幡。衣服。技樂。合掌恭敬。是人一切世間。所應瞻奉。應以如來供養。而供養之。當知

此人是。大菩薩。成就阿耨多羅三藐三菩提。哀愍眾生。願生此間。廣演分別妙法華經。

此明能敬信者。卽具成三世因果也。呼藥王教。知其師門功報殊勝也。是諸人等。卽五種法師。謂能深心信樂此經法者。是人曾供多佛。成就大願。卽今乃乘願度生。故生此人間也。設有問未來有何等人成佛。應知卽現在能受持。乃至能供養此經。一句一偈者也。次下釋成報重得果之相。謂此能受持者。能以十種供養此經者。一切世間。應當瞻奉。如敬佛想。何故乃耳。當知此是諸大菩薩已成。

正覺爲哀愍一切眾生故。應眞來此。雖則受持一句一偈。而意卽爲廣演分別也。

何況盡能受持種種供養者。

前明受持供養一句一偈者。乃下品師也。然品劣者尙爲一切世間瞻奉供養。以至是乘願度生之人。又何況盡能受持全經者。盡能具諸供養之上品法師。其功報殊勝。非心口所宣測也。

藥王當知是人自捨清淨業報。於我滅度後。愍眾生故。生於惡世。廣演此經。

此明乘願來生不耽自樂也。是人指前之法師清

淨等。直指云。因法力成就。必住於信解聖位之地。是清淨樂土。因佛滅而生界。失依乘願。來此五濁惡世。廣演此經也。此總明前五種法師皆乘悲智而來者也。②二明未來。

若是善男子善女人。我滅度後。能竊爲一人說法華經。乃至一句。當知是人。則如來使。如來所遣。行如來事。

此顯未來卽有竊說一句者。斷必有來由也。竊者。非公然對眾。是爲私也。一人者。非千百人。是爲獨也。一句者。非廣分別。是爲少也。所以不公然對眾。

廣說者由未及廣聞多學了義故也。釋論云。有慧無多聞亦不知實相。譬如大暗中有目無所見。多聞無智慧亦不知實相。譬如大明中有燈而無照。無聞無智慧。譬如人身牛有聞有智慧。是所說應受。是可知竊說者乏多聞也。當知下明其功報。如來使者。天台云。經是如智所說。說于如理。今行人秉此如教。宣於如理。故爲如來使也。行如來事者。如來以如智照如理爲事。今行人依如教行如理。卽行如來事也。此約自行釋。又如來以如智如理化眾生爲事。行人具大悲願。以妙法爲眾生說。令

得利益亦名行如來事。此約化他釋也。
何況於大眾中廣爲人說。

○略不格量上品功報者。以前下品望今上品。意
可知也。庚二總分二。辛一明逆者得罪。

藥王若有惡人以不善心於一劫中。現于佛前常毀
罵佛。其罪尙輕。若人以一惡言毀訾在家出家讀誦
法華經者。其罪甚重。

此又較量功過。以明是法殊勝也。直指云。佛是果
位中人。毀讚不受。雖罵者自取其罪。而罪猶輕。若
毀訾讀誦者。卽斷佛慧命。故罪甚重也。蓋爲讀誦

者。智力未充。恐因毀退心。所以罪甚。况經是人天
眼目。一無人弘。則斯眼滅。然所以深罪毀瞽者。正
所以守護是經也。⑧二明順者得福。

藥王。其有讀誦法華經者。當知是人以佛莊嚴。而自
莊嚴。

佛以定慧莊嚴。而說此經。若人讀誦此經。則是能
修佛之定慧。故以佛嚴而自嚴也。

則爲如來肩所荷擔。

天台云。在背曰荷。在肩曰擔。若人讀誦此經。則能
得佛非權非實法身之體。卽爲如來背之所荷。又

法苑珠林卷第四之三
能得佛能權能實二智之用則爲如來兩肩所擔也。

其所至方。應隨向禮。一心合掌。恭敬供養。尊重讚歎。華香瓔珞。末香塗香。燒香。繒蓋。幢幡。衣服。餽饌。作諸技樂。人中上供而供養之。應持天寶而以散之。天上寶聚。應以奉獻。所以者何。是人歡喜說法。須臾聞之。卽得究竟阿耨多羅三藐三菩提故。

上明以法爲師。此明堪爲物表也。天台云。此人有所趣向。悉皆相應。皆可敬順。順卽是向。敬卽是禮。敬而順。與興供等也。所以者何。下釋上應供之意。

妙樂云。先舉人中上供。次以天寶況之。尚當以天寶獻。況人中供乎。△所以應禮應供者。無他由。此人歡喜說法。令人須臾聞之。卽得究竟無上道果。以其利益殊勝故。當如法供養也。應知須臾聞卽一念隨喜義。然節節召藥王當知者。有二意。一爲章初普記之時。已一一委付藥王。如人子有病再三囑託醫者也。二是珍重五種法師行道利生。必當效法藥王。庶幾有以益乎。④二偈頌。分三。⑤一頌獎勸二利。

爾時世尊。欲重宣此義。而說偈言。

若欲住佛道。成就自然智。常當勤供養。受持法華者。其有欲疾得一切種智慧。當受持是經。并供養持者。此頌明能供能持者速成就佛智也。自然智。卽本覺眞智也。要解云。若欲住佛道成就此智。必藉師法發明指教。故當勤供養持法華經者。此勸先敬師。次勸自受持一切種智。卽諸佛果智也。然欲求佛果疾證是智。必依此經。如法修證。此所以當持當供。而致福慧雙修也。庚二頌師門總別分二。

辛一頌別開二世。

若有能受持。妙法華經者。當知佛所使。愍念諸眾生。

此頌於諸佛所成就大願。愍眾生故。生此人間。諸有能受持妙法華經者。捨於清淨土。愍眾生故。生此。當知如是人。自在所欲生。能於此惡世。廣說無上法。應以天華香。及天寶衣服。天上妙寶聚。供養說法者。此頌是人自捨清淨業報等。自在欲生者。卽所欲生處。隨願自在也。

吾滅後惡世。能持是經者。當合掌禮敬。如供養世尊。上饌眾甘美。及種種衣服。供養是佛子。冀得須臾聞。此頌于未來世。有是持經法師。當敬如佛者。無他。於濁惡世中。若得須臾聽受是經。則甚爲難有也。

若能於後世受持是經者。我遣在人中。行於如來事。凡能忍惡弘經。必有所命。是故佛云。爲我所遣行。我所行也。①二頌總結逆順。

若於一劫中。常懷不善心。作色而罵佛。獲無量重罪。其有讀誦持。是法華經者。須臾加惡言。其罪復過彼。若以佛較持經者。則凡聖品位。差別極矣。以一劫較須臾。則長短時分。差別極矣。而罵佛與罵持經之人。雖時分不同。其得罪正等者。須知佛由法出。謗持經者。卽斷佛種性。所以罪極重矣。有人求佛道。而於一劫中。合掌在我前。以無數偈讚。

由是讚佛故得無量功德歎美持經者。其福復過彼。以罵佛得罪。合此讚佛得福。較量經功。其義可了。於八十億劫以最妙色聲及與香味觸供養持經者。如是供養已。若得須臾聞則應自欣慶。我今獲大利。此頌華香技樂人中上供等文。於八十億劫中不。倦久持之志。以冀得須臾聞經。由是須臾聞之。卽得菩提。故自欣得大利矣。

庚 三 頌 經 尊 妙

藥王今告汝我所說諸經而於此經中法華最第一。諸經屬權此經爲實。以權實對論。則此經爲第一。

也。△問。旣言此經。而又曰法華。豈不爲二耶。答。此經中者。乃一眞法界之妙理也。法華者。乃妙理中之智也。理智如如。故爲第一。豈有二哉。歎能持之人。已竟。①二歎美所持之法。分二。②一長行。又二。③一深歎經法。分五。④一約法歎。

爾時佛復告藥王菩薩摩訶薩。我所說經典。無量千萬億已說。今說當說。而於其中。此法華經。最爲難信難解。

此正歎法也。已今當說。此經爲最者。是約法歎。天台云。已說者。卽大品已前。漸頓諸說也。今者。謂無

量義經也。當者。卽涅槃也。般若大品已前諸說。皆帶方便。取信爲易。無量義。雖一生無量。而無量未卽還一。是亦易信。今法華論法。則一切差別。融通歸一。論人則師資本迹。俱皆久遠。人法悉與昔異。故難信解。當鋒難事。法華已說。涅槃在後。則可信矣。

藥王。此經是諸佛秘要之藏。不可分布。妄授與人。秘要藏者。天台云。隱而不說爲秘。總一切法爲要。眞如實相。包蘊爲藏。不可分布者。法妙難信。深智可授。無智不信。謗乃獲罪。故不可妄說也。

諸佛世尊之所守護。從昔已來。未曾顯說。

從昔未顯說者。天台云。於三藏中。不說一乘作佛。亦不明師弟本迹。方等般若。雖說實相之藏。亦未說五乘作佛。亦未發迹顯本。頓漸諸經。皆未融會。故名爲秘。此法華經。具說昔所秘法。卽是開秘密藏。如此秘藏。從昔守護。今乃顯說也。

而此經者。如來現在。猶多怨嫉。况滅度後。

四十餘年。不得卽說。今雖欲說。而五千尋卽退座。佛世尚爾。何況未來。理在難化也。障未除者。爲怨不喜聞者。名嫉。○二約人歎。

藥王。當知如來滅後。其能書持讀誦供養。爲他人說者。如來則爲以衣覆之。又爲他方現在諸佛之所護念。是人有大信力。及志願力。諸善根力。當知是人與如來共宿。則爲如來手摩其頭。

此約人以歎法也。此法在人則人尊。衣覆者。天台云。若能持說此經。卽是修學大忍。是爲如來衣覆。卽上文以如來莊嚴也。佛護念者。實相爲子。尊崇實相。能發生實智。卽爲諸佛所護念也。四信爲信力。卽三寶及戒。四弘爲願力。大智爲善根力。信則信理。理卽法身。志願是立行。行卽解脫。善根。根固

難動。此卽般若。當知三力卽是三德秘密之藏。初心栖此。與佛不殊。故名與如來共宿也。手摩頭者。此人以願力善力。自行權實。以爲機感。機感名頭。如來以化他權實名手。開發前人自行權實之頭。感應道交。故言摩頭。摩頭卽授記也。庚三約處歎藥王。在在處處。若說若讀。若誦若書。若經卷所住處。皆應起七寶塔。極令高廣嚴飾。不須復安舍利。所以者何。此中已有如來全身。此塔應以一切華香瓔珞。繒蓋幢幡。技樂歌頌。供養恭敬。尊重讚歎。若有人得見此塔禮拜供養。當知是等。皆近阿耨多羅三藐三

菩提。

此約處以歎法也。此法在處則處貴。夫佛生處得道轉法輪入涅槃。以及法王遊處皆應起塔。天台云。此經是法身生處。得道之場。法輪正體。大涅槃窟。此經所在。須起塔供養。不復安舍利者。釋論云。碎骨是生身舍利。經卷是法身舍利。既有全身。故不必復安也。庚四約因歎。

藥王。多有人在家出家行菩薩道。若不能得見聞讀誦。書持供養是法華經者。當知是人未善行菩薩道。若有得聞是經典者。乃能善行菩薩之道。

此復約因以歎法也。未善行菩薩道者。天台云。稟前三教未能巧度。若聞是經。卽入圓教。名爲巧度。巧度卽善行也。妙樂云。聲聞化人善行頭陀等。名拙度。菩薩化人觀諸法實。名爲巧度。

⑧五約果歎。又五。⑨一明近。

其有衆生求佛道者。若見若聞是法華經。聞已信解受持者。當知是人得近阿耨多羅三藐三菩提。

此方約果以歎法也。當知必近者。天台云。安樂行中。名爲近處。此菩提果。佛眼佛智知見處爲體。則有二種。一者初心菩提。卽初住。二者後心菩提。卽

妙覺。今言近者。正近初住菩提也。④二開譬。

藥王。譬如有人渴乏須水。於彼高原穿鑿求之。猶見乾土。知水尙遠。施功不已。轉見濕土。遂漸至泥。其心決定知水必近。

此復以喻明法也。此喻作兩層看。一於高原求水。尙遠。屬權。二於濕土求水。屬實。有人指在家出家。行菩薩道者。渴乏須水。是總標其求道之切。直指云。渴喻三界火宅逼迫。乏喻不得如來智慧。水喻三平等真如之理。須水喻勤求佛道。高原喻阿含方等權教。析色明空。謂之鑿。了悟十二因緣。謂之

穿。所得是偏空之理。如乾土。二乘坐守偏空。以爲究竟。惟佛了知非真滅度。故曰知水尙遠。施功不已。喻二十二年以般若淘汰。猶處門外。因止宿草菴。作字名兒。喻轉見濕土。因得名兒。乃知長者家業。喻遂漸至泥。旣知家業。必定委付。喻知水必近。決定二字。是開佛知見斷疑生信之謂。此是借喻明法也。㊦三合譬。

菩薩亦復如是。若未聞未解。未能修習。是法華經。當知是人。去阿耨多羅三藐三菩提尙遠。若得聞解思惟修習。必知得近阿耨多羅三藐三菩提。

前曰是人。今合喻中便言菩薩。見聖凡速如返掌也。直指云。若未聞下。是執阿含方等爲究竟。故於法華不信不解。由不信解。則失真修。故於菩薩遊戲神通淨佛國土。不生好樂。所以去菩提則遠。此是違教。合上不善行菩薩道者。若得聞下。是順教。合上善行菩薩道者。因信而聞。聞則悟解。思惟修習。此合轉見濕土。遂漸至泥。因修習必知得近菩提。今決定知水必近。近字。是信前五品位也。

④四釋近

所以者何。一切菩薩。阿耨多羅三藐三菩提。皆屬此法華授手卷第四之三

經此經開方便門。示真實相。是法華經藏深固幽遠。無人能到。今佛教化成。就菩薩而爲開示。

此釋得近之意。天台云。一切菩薩者。明諸教中權因也。三菩提。明一切菩薩所得權果也。△徵釋之意。正以還結諸佛智慧甚深無量。其智慧門難解難入之旨。一切菩薩。卽能修之人。菩提。是所修之法。今言皆屬者。則人法皆不出此經外。何故。蓋此經爲一切衆生。開方便門。門戶旣開。則人人可入。旣入其門。卽得佛見矣。此經爲一切衆生。示真實相。實相旣顯。則人人可悟。旣悟其旨。卽得佛知矣。

故此兩句。卽完結開示悟入佛之知見。而皆屬此經四字。其意深矣。則前難解難入之門。無不通達。下重明甚深無量。謂此經之藏。初從萬有而歸但空。次從但空而歸中道。再從中道而歸實際。故曰深。復自實際而反觀萬有。觸不得。背不得。如須彌山。故曰固。一切聖凡大小迷悟名號。皆悉不到。故曰幽。從十住而至等覺。喻五百由旬。方到寶所。故曰遠。已到等覺。尙隔一層。是豈人易到哉。故曰無人能到。末三句。謂今蒙佛教化成就。而爲諸菩薩。已開已示。故親到諸佛智慧甚深無量之境。所謂

必知得近阿耨菩提矣。④五揀非。

藥王。若有菩薩聞是法華經。驚疑怖畏。當知是爲新發意菩薩。若聲聞人。聞是經。驚疑怖畏。當知是爲增上慢者。

此應前八千新發意菩薩及五千退席者而來。直指云。返醒在會。并盡未來際。聞此而驚疑者。怖畏者。令其皆得安心如海。坐至菩提。此運妙密鉗錘。爲一切人斬斷命根。⑤二正示方軌。分二。⑥一示方法。又三。⑦一標章。

藥王。若有善男子善女人。如來滅後。欲爲四衆說是

法華經者。云何應說。是善男子善女人。入如來室。著如來衣。坐如來座。爾乃應爲四衆廣說斯經。

此明末世弘經之方軌也。室衣座。名爲三軌。末世弘經。必藉此三。自軌軌人。方獲大利。天台云。修無緣慈。是入室義。修寂滅忍。是着衣義。修於中空。是坐座義。辛二解釋。

如來室者。一切衆生中大慈悲心是。如來衣者。柔和忍辱心是。如來座者。一切法空是。

此釋明三種蔭被。謂說法者。應先于一切衆生中起大慈悲心。謂之入如來室。直指云。夫慈能與樂。

悲能拔苦。慈悲廣大。能安立衆生。故喻爲如來室也。次對一切衆生。以柔和忍辱心。爲着如來衣。謂權實二智說法。順眞俗之體。莊嚴衆生。設有執權背實。生怨嫉者。又當忍其所辱。待其自化。故以悲智二門。喻如來衣也。復指陰處界三眞俗等法。當體全空。爲如來座。以此諸法無我無我所。則見三界十二類衆生。如鏡像空花。始不作衆生見。安心爲如幻衆生說法。故以諸法空寂。爲如來座也。上言云何應說。復云爾乃應說。足見若不爾者。非說法之式也。三皆言如來者。爲此三種法式。皆稟如

來舊軌。○天台問。何故約三法名法師。答。約事。必
須登堂整衣坐座。乃可敷宣。又慈悲生一切善。柔
和一切惡。法空蕩一切相。故約此三。

④三勸修。

安住是中。然後以不懈怠心爲諸菩薩及四衆。廣說
是法華經。

是中。卽三法中也。不怠卽以精進。嚴此三法。則能
廣說。天台云。五種法師。用此三法自軌。故云安住
是中。用此化他。故云以不懈怠心等。此正勸修也。
⑤二明利益。分五。⑥一遣化人。

法華經疏卷第四之三
藥王我於餘國遣化人爲其集聽法衆

此明如來加被遣衆集聽也。天台云若初心未淳止可遣化人未可遣化四衆八部也。若見天龍倚此自高妨損其道故不可令見也。若心無倚着則尙堪見佛。况復天龍以至總持自證利益耶。

⑧二遣化衆

亦遣化比丘比丘尼優婆塞優婆夷聽其說法是諸化人聞法信受隨順不逆

前謂遣化人未明是何等人但言爲其集聽法衆似爲引領人也此方言弟子衆既爲如來所遣化

者。是稟佛命。爲法而來。聞必信受。於一切時中。一切語中。權實大小。無不隨順也。④三遣八部。若說法者在空閑處。我時廣遣天龍鬼神。乾闥婆。阿修羅等。聽其說法。

空閑。乃寂寞無人處也。境寂心閑。是謂鬼神來舍矣。况此又爲佛所命。乃感應道交之驗也。直指云。前虛遣化衆聽法。此實遣天衆護法。二俱以神力擁護之也。④四見佛身。

我雖在異國。時時令說法者得見我身。

前云遣天衆聽法。或隱或顯。似未一定。此則曰得

見卽面面相窺也。直指云。此是法師心契佛心。感應道交。故如來現身面護。令時時見而說法之心誠懇可見。⑤五與總持。

若於此經忘失句讀。我還爲說。令得具足。

前云時時令見。此言我還爲說。皆謂說法者與法身相應。若但言見報化身。聞報化說法。則疎矣。

⑥二偈頌分二。⑦一總勸。

爾時世尊。欲重宣此義。而說偈言。

欲捨諸懈怠。應當聽此經。是經難得聞。信解者亦難。此總頌善行菩薩道者一節。懈怠者指二乘。難聞

難信。承上深固幽遠而來。人未得理。則懈怠自生。凡欲捨懈怠。冥與理應。須聽此經。以此經理智圓融。須臾聞之。尙得近菩提。况久聞乎。但此經難聞難信。能信受者。則可謂如優曇華矣。㊦二頌前。分二。㊦一頌歎經。

如人渴須水。穿鑿於高原。猶見乾燥土。知去水尙遠。漸見濕土泥。決定知近水。

此頌喻文得水遠近。如前釋。

藥王汝當知。如是諸人等。不聞法華經。去佛智尙遠。若聞是深經。決了聲聞法。是諸經之王。聞已諦思惟。

當知此人等。近於佛智慧。

此頌合譬一節。以此經爲深經者。謂四十年前所說諸經。淺顯明示。未談了義。至今法華開方便門。示真實相。言一切聲聞卽是菩薩。則較前爲深。爲諸經中王。若能于此審諦思惟。則去佛慧不遠矣。

⑧二頌方軌。

若人說此經。應入如來室。著于如來衣。而坐如來座。處衆無所畏。廣爲分別說。大慈悲爲室。柔和忍辱衣。諸法空爲座。處此爲說法。

此頌標釋一節。前已解明。無所畏。卽四無畏也。廣

分別說。乃權實雙行也。

若說此經時。有人惡口罵。加刀杖瓦石。念佛故應忍。我千萬億土。現淨堅固身。於無量億劫。爲衆生說法。直指云。此補出二頌。前四句。釋成上三蔭被中忍辱二字。後四句。引已爲證。千萬億土。攝九界。堅固身。攝報化。以及三十二應。無量億。乃豎說施化無窮也。

若我滅度後。能說此經者。我遣化四衆。比丘比丘尼。及清淨士女。供養於法師。引導諸衆生。集之令聽法。若人欲加惡。刀杖及瓦石。則遣變化人。爲之作衛護。

若說法之人。獨在空閑處。寂寞無人聲。讀誦此經典。我爾時爲現。清淨光明身。若忘失章句。爲說令通利。若人具是德。或爲四衆說。空處讀誦經。皆得見我身。若人在空閑。我遣天龍王。夜叉鬼神等。爲作聽法衆。此二十八句。通頌如來以五事利益行人。初遣四衆供養。二遣化人護持。三有忘令憶。四得見佛身。五遣八部聽講。三次言在空閑者。初謂法師若在空處讀經。若有忘記章句。我現身爲說。二若在空處。或說或讀。亦皆得見我身。所謂處處見佛。念念見佛也。三曰。若在空閑。無人聽受。我則遣天龍八

部爲作聽衆。此皆如來爲法重人也。

是人樂說法。分別無罣礙。諸佛護念。故能令大衆喜。若親近法師。速得菩薩道。隨順是師學。得見恒沙佛。此八句孤起。廣明法師具無礙辯。心契十方諸佛。而諸佛護念如子。故所演妙法。令聽者見諦。獲歡喜位。而復囑人天親近大乘師學。速得大乘妙果。面復因此師。得見未來恒沙諸佛。此又見燈燈無盡也。知音云。末四句。爲後兩品章本。若親近下。勸勉。伏得此經爲弟子者具因行之案。爲後提婆品張本。隨順下。伏得此經爲弟子者。成果德之案。爲

下見寶塔品張本。此一品經。單明教菩薩法一句。前半品教菩薩為弟子之法。後半品教菩薩為師傳之法。下見寶塔一品。單明佛所護念一句。見護念之佛具三世十方也。

妙法蓮華經授手卷第四之三

音釋

渺漠上亡沼切 下未各切促七玉切 銷錘上巨淹切 下直追切

妙法蓮華經授手卷第四之四

清楚衡雲峯沙門智祥集

見寶塔品第十一

品節云。此品判爲示佛知見者。以顯示如來常住法身實相真境。欲令眾生知此見此。乃佛之知見也。惟此法身真境。經初一光東照圓現法界事相。生佛始終。乃通示眾生心境之妙。由當機未悟自心不達目前。便是今蒙如來種種開示。當機已信佛言。自知作佛。各得授記。雖信自心。然猶未信實相真境。故世尊至此將顯法身常住。見七寶妙塔。

從地涌出。多寶如來全身現在。以消生滅之見。卽此娑婆三變淨土。以祛淨穢之執。且十方諸佛。充滿其中。正顯法界塵刹。觸目無非真境。此爲眞佛之知見也。大窾云。此品自方便譬喻因緣三周。令三根人各得領悟授記。爲法王子。紹隆聖種。以完開悟二字。亦完其智慧門難解難入一科。旣悟之後。欲其發願弘經行法師事。故先法師品廣讚法師功德。又恐不肯受持。故假多寶親呈塔樣。十方諸佛各將一卷大經作證。覲面呈示。令人親見一回。方肯發願受持。然後得入。以了示入二字。亦

完諸佛智慧甚深無量一科。故此一品前半。示佛知佛見。而後半。令其發願受持。所謂一點水墨。兩處成龍也。△此品關係非細。既見其塔。復聞其聲。當此聞見之人。未必不懷奇特想也。既有是想。必求開塔。由是引起集分身。變淨土。說壽量。現神力。如是多奇特。皆是爲新記人。擴充見地。以盡佛知見矣。故塔表法身。是所見之理。見字乃能見之人。此處既是親見。則後變土集佛。一切境界無不親知。由是不但待未來成佛福智圓滿後有此知見。卽今便於佛知見。得少分矣。不然。何以完如來

出世一大事因緣哉。③二顯示一眞妙境。如來唱募。以覓流通。分二。④一長行。分三。⑤一多寶湧現。又分六。⑥一塔現之相。

爾時佛前有七寶塔。高五百由旬。縱廣二百五十由旬。從地湧出。住在空中。種種寶物而莊校之。

此明塔相。爾時者。是三周人。發始覺智。見本覺理之時。七寶者。直指云。表信住行向地等妙之智。寶塔。表實相之境。法身所依處也。以權實之智。契證住等五位圓理。故高五百由旬。智徹三科七大。皆如來藏故。廣二百五十由旬。約由旬之數量。高二

萬里。表依正同轉。迥超真俗二諦。廣一萬里。表一
眞實相。三周人籠重我法二執。無明地破。故見塔
從地湧。以無依智。契無依理。故塔住空中。種種乃
衆多定慧也。莊校者。皆一理之所具也。

五千欄楯。龕室千萬。無數幢幡。以爲嚴飾。垂寶瓔珞。
寶鈴萬億。而懸其上。四面皆出多摩羅跋梅檀之香。
充徧世界。其諸幡蓋。以金銀琉璃磈磈瑪瑙眞珠玫
瑰。七寶合成。高至四天王宮。

天台云。欄楯。是總持之法。龕室千萬者。卽無量慈
悲。亦是無量空室。幢幡。是神通勝相。垂寶瓔珞者。

四十地功德。上嚴法身。下被眾生也。寶鈴萬億。卽入音四辯。四面出香者。四諦道風。吹四德香也。旛蓋以七寶合成者。表差別萬行。皆從七位理智流出。高四天王者。表法性身迥出四流也。已上總明過去如來理智一如成法性之果塔。直指云。高五百由旬。應前過五百由旬至寶所意。㊦二諸天供養。

三十三天。雨天曼陀羅華。供養寶塔。餘諸天龍。夜叉。乾闥婆。阿修羅。迦樓羅。緊那羅。摩睺羅伽。人。非人等。千萬億眾。以一切華香瓔珞。幡蓋技樂。供養寶塔。恭

敬尊重讚歎。

諸天供養事解可知。若約理釋。天台云。住行向爲三十。十地爲一。等覺爲一。妙覺爲一。合三十三數。同依一實相境。如三十三天同居忉利也。雨天曼陀羅者。必雨四花。表初心具四十二地所有因華。歸向法身。如三十三天雨花供塔也。餘諸天龍等。供養寶塔。卽是內凡外凡。亦依實相。向果行因也。

③三多寶稱讚。

爾時寶塔中出大音聲。歎言善哉善哉。釋迦牟尼世尊。能以平等大慧。教菩薩法。佛所護念。妙法華經。爲

大眾說。如是如是。釋迦牟尼世尊。如所說者。皆是眞實。

此以古佛稱言證法不虛也。直指云。塔以理智互表。而總歸能依之理。塔中復有古佛。以顯所依之智。智能啟悟眾生。故出大音聲。大音者。應上三周普記之音。雙歎釋迦權實并說。故兩言善哉也。△平等有二。一法平等。二眾生平等。大慧卽前權實雙融。是謂諸佛智慧也。以此大慧稱中道之理。卽法平等。於人不分權漸。普皆授記。是眾生平等。應上等賜大白牛車意。須知平等大慧。更非別法。卽

是三世十方一切諸佛教授菩薩爲諸佛所護念之妙法華經也。今日如來亦以此法爲大眾說則所說之法。如所如說。誠然如是。此是歎佛所說稱實理。故爲如是也。二歎如來至今第五時說此妙法不差機故。如此機教相扣。卽是稱實理故說亦如是也。下又言釋迦牟尼如所說者皆是真實。此三句更有深意。由二乘一往不信自心作佛。亦不信佛所說法是平等慧。而佛於三周法喻二說之間。皆言我所說眞實。意恐聞者信力不堅。故假塔中古佛。如是稱讚。使會中初入門者。因見因聞。而

得實信矣。此節文勢雖爲釋迦作證。意在開悟會眾施受不虛也。④四會眾驚疑。

爾時四眾見大寶塔住在空中。又聞塔中所出音聲。皆得法喜。怪未曾有。從座而起。恭敬合掌。卻住一面。此中四眾約叅隨。卽發起當機影響結緣之四眾。約受益。卽三周新悟有信解行證之四眾。今是受益眾。同開佛知見。同證一真理。真見頓明。故卽見寶塔出現也。直指云。諸佛之法。以無住爲本。故塔住空中。根結頓解。真聞始開。故闍塔中音聲所證之理。等同三世故。皆得法喜。從劫至劫。無明所覆。

今始親證。故怪未曾有也。⑤五樂說請問。
爾時有菩薩摩訶薩。名大樂說。知一切世間天人阿
修羅等。心之所疑。而白佛言。世尊。以何因緣。有此寶
塔。從地湧出。又於其中發是音聲。

前品已下。節節皆有菩薩助化者。是表當人無師
智及自然智。漸漸開發之相。序品光現一真法界。
示悟眾生。故假彌勒發問。以啟三周大業。三世平
等。示真實相。若不窮塔之本。新記罔識其始末。故
此假大樂說發問也。知音云。樂說乃四辯中之樂
說無礙辯。此與藥王同行八萬人中一人。前品明

三世持經。非藥王苦行。不足以因之。此品會十方三世而付囑。非大樂說。不足以請之。問意有三。一問何因有塔。二問何故地湧。三問何故出聲。④六如來爲答。

爾時佛告大樂說菩薩。此寶塔中有如來全身。乃往過去東方無量千萬億阿僧祇世界國名寶淨。彼中有佛。號曰多寶。其佛行菩薩道時。作大誓願。若我成佛。滅度之後。於十方國土。有說法華經處。我之塔廟。爲聽是經故。湧現其前。爲作證明。讚言善哉。

此答第二問。何故從地湧出。謂此塔中。有全身者。

正與會眾。分明顯示所見所聞之境也。正應前文
此中已有如來全身不須復安舍利之文。往過東
方者。不離動用中也。無量阿僧祇世界外而來。至
此是自他不隔也。國名寶淨。佛號多寶。總表法性
眞淨權實一如也。次下出陳古佛因中大願不虛。
故從地湧出也。據菩薩處胎經第二卷全身舍利
品。佛云。此大地種。厚八十四萬億里。地下有風。風
下有水。水下有火。火下有沙。沙下有金剛利。各各
厚八十四萬億里。諸佛全身。盡在彼金剛利中。乃
至有法鼓世界。亦厚八十四萬億里。過去億千萬

佛皆留舍利。彼土舍利。我亦有分。非一非二。不住一處。亦非不住。周旋往來。光相具足。示現教化等。由是而知。多寶全身。皆在彼金剛刹。及法鼓世界。從地湧出也。

彼佛成道已。臨滅度時。於天人大眾中。告諸比丘。我滅度後。欲供養我全身者。應起一大塔。

此答第一問。以何因緣。而有此塔。如來爲當機。述陳古佛將入滅時。囑令起塔供全身者。意在於未來。凡說經處。皆踊現作證。而興讚歎。不獨今日如是。湧現也。若照前文。諸佛世尊。從昔已來之所守。

護。又見三世皆如是湧現也。

其佛以神通願力。十方世界。在在處處。若有說法華經者。彼之寶塔皆湧出其前。全身在於塔中。讚言善哉善哉。大樂說。今多寶如來塔。聞說法華經故。從地湧出。讚言善哉善哉。

此答第三問何故發聲。佛今答云。彼佛爲作證明故。作是音聲也。天台云。釋論明多寶佛不得說法而取滅度。何謂不說。當是多寶亦得開三。但不得至法華顯實。故云不說法耳。以是義故。雖復滅度。在在處處。凡說法華經。便隨喜作證。前曰此塔三

世湧現。此曰十方湧現。足顯此塔無在不在也。

⑤二分身遠集。分七。⑥一樂說請見。

是時大樂說菩薩。以如來神力故。白佛言。世尊。我等願欲見此佛身。

三周新記之人。向所聞報佛之音。所見如如之理。尚在彷彿。猶不離權乘。見解至此。欲其如實知見。事非偶爾。欲得法身。親切洗去從前所有知見。故必假如來神力加被也。要知大樂說此間。引發非輕。如後集分身佛。是何等境界。三變娑婆。是何等境界。分半座而坐。接會眾于空。如此不思議事。皆

由此問而致。故知此問非如來神力所起。何有願欲見多寶耶。④二應集分身。

佛告大樂說菩薩摩訶薩。是多寶佛有深重願。若我寶塔爲聽法華經故。出於諸佛前時。其有欲以我身示四眾者。彼佛分身諸佛在於十方世界說法。盡還集一處。然後我身乃出現耳。大樂說我分身諸佛在於十方世界說法者。今應當集。

大樂說願欲見此佛身。世尊云。此佛不容易見。有深重願力存焉。欲待我分身並集一處。然後乃得見彼佛也。蓋集分身者。攝用歸體。若體用不完而

欲求見。願則不深矣。若三身不具而欲卽見。願則不重矣。此節文雖有彼我差別。意實一貫。重在深重願三字。三身并集一處。畢竟是甚麼處。若真到此處。卽刺著個佛字見。亦是空華。看經者好生著眼。④三樂說請集。

大樂說白佛言。世尊。我等亦願欲見世尊分身諸佛。禮拜供養。

樂說今以佛神力。又推廣其見。而亦欲見十方諸佛。若有一佛見之未得。則不成樂說無礙。故曰亦願欲見。如此則樂說亦以深重願。爲新記人。圓成

無礙妙法矣。④四放光遠召。

爾時佛放白毫一光。卽見東方五百萬億那由他恆河沙等國土諸佛。彼諸國土。皆以玻瓈爲地。寶樹寶衣以爲莊嚴。無數千萬億菩薩充滿其中。徧張寶幔。寶網羅上。彼國諸佛。以大妙音而說諸法。及見無量千萬億菩薩徧滿諸國。爲眾說法。南西北方。四維上下。白毫相光所照之處。亦復如是。

此是經家敘置如來欲集分身諸佛。但以光召。則諸佛隨召而至也。序品中。放白毫光。意爲靈山會裏一切人。顯發中道智境。故引發三周人。各得授

記。今復放此光。是欲爲會眾圓成。此段因緣故。仍向東方如是照也。卽見二字有意。此謂會眾因光卽見也。然大通光照五百萬億國。以致請法之眾。而此光又過恆河沙。則所證利益。定非三乘所能擬也。光中所現。皆是如來分身佛所受用境。彼諸國土下。明諸佛國土莊嚴。惟淨無穢也。無數千萬下。明諸法眷。惟大無小也。又見諸佛與諸菩薩。常宣妙法。以化眾生故。前云。我千萬億土。現淨堅固身。於無量億劫。爲眾生說法。至此益信矣。此但敘東方所見之相。其餘九方。準此可知。故曰亦復如

是。然則諸佛國土。無古無今。無向無背。由眾生背覺合塵。故對面千里。一念塵消。無不朗徹。學者於此境界。不得高推佛境。⑤五諸佛同集。

爾時十方諸佛。各告眾菩薩言。善男子。我今應往娑婆世界。釋迦牟尼佛所。并供養多寶如來寶塔。

此是十方分身諸佛。見本佛光召。是聞命卽行也。各告上首云。我今應往。正應本佛。謂今應當集。二應相照。是體用不二之意。往釋迦佛所。表大用歸體。并供養多寶者。表用徹三世。⑥六三變娑婆。分三。⑦一變娑婆國土。

時娑婆世界。卽變清淨。琉璃爲地。寶樹莊嚴。黃金爲繩。以界入道。無諸聚落。村營城邑。大海江河。山川林藪。燒大寶香。曼陀羅華。徧布其地。以寶網幔羅覆其上。懸諸寶鈴。唯留此會眾。移諸天人。置於他土。是時諸佛。各將一大菩薩。以爲侍者。至娑婆世界。各到寶樹下。一一寶樹高五百由旬。枝葉花果次第莊嚴。諸寶樹下。皆有師子之座。高五由旬。亦以大寶而校飾之。爾時諸佛。各於此座結跏趺坐。如是展轉徧滿三千大千世界。而於釋迦牟尼佛一方所分之身。猶故未盡。

此初變娑婆世界。爲方便土也。承上光召十方各五百萬億恆河沙諸佛。彼佛欲來此土。故世尊爲容受諸佛。變其忍土。候化佛之至也。直指云。然佛寂土。未嘗有淨穢之相。但因五趣三乘眾生背覺合塵。根塵識三互雜互染。遂成火宅。謂之同業妄見。今承佛四十年漸次教化。至此妄融真現。根結將解。開佛知見。復本真淨之時。故卽時見此堪忍之士。變成琉璃地也。根塵識三同轉。故曰卽變。真俗雙融。故曰清淨。以信解而入。故惟見琉璃寶樹表智。金繩表理。煩惱爲林。結使爲藪。我慢爲山。生

死爲河。無明爲海。六道爲城邑。二十五有爲聚落。因轉陰處界。三成智。則三界火宅當下消融。故曰無諸聚落。然此所轉。初因戒而斷三因。三緣。故燒大寶香。因慧起行。故雨花布地。慈覆眾生。故寶網覆上。法隨機說。故懸諸寶鈴。三周新記。已獲眞常。故唯留此會。人天二道。有不信者。自於理背。故置於他土。約境。此初變本土。表三乘人已轉入識。賴耶。蓋三界火宅。以八識爲主。所謂夢裏明明有六趣。覺後空空無大千。約後數。今變一百萬億那由他恆河沙佛國。爲方便土。他經云。羅漢見大千界。

如掌中果。於此互知不謬。△諸佛各將一菩薩爲侍者。乃大用中之差別用也。亦爲下文遣使問訊之案。到寶樹下。樹乃所依之境。卽差別中之理。高五百由旬。枝葉花果莊嚴。表五十位差別妙德嚴大用也。座乃法空真境。亦高五由旬者。表智能攝五位之因也。亦以大寶校飾者。是不離眾德也。各坐其座。是各安其安也。如是展轉。謂變土雖廣。且不能容一方之分身佛。况能容諸餘者。此見世尊應化之多。亦以起下第二第三之變土也。天台云。此以入背捨三昧之力。能變染成淨。表除見思惑。

也。庚二變二百那由。

時釋迦牟尼佛。欲容受所分身諸佛故。入方各更變二百萬億那由他國。皆令清淨。無有地獄。餓鬼。畜生。及阿修羅。又移諸天人置於他土所化之國。亦以琉璃爲地。寶樹莊嚴。樹高五百由旬。枝葉華果。次第嚴飾。樹下皆有寶師子座。高五由旬。種種諸寶以爲莊校。亦無大海江河。及目真鄰陀山。摩訶目真鄰陀山。鐵圍山。大鐵圍山。須彌山等諸山王。通爲一佛國土。寶地平正。寶交露幔。徧覆其上。懸諸幡蓋。燒大寶香。諸天寶華。徧布其地。

此是第二翻變同居。爲實報土也。八方者。指娑婆世界以外八方也。每方各更變二百萬億那由他佛國土。皆令清淨者。此表三周新記。至此入識見相二分同轉。遂見此依正廣大之境耳。知音云。此校初變文中敘無有地獄等。可見實報土中元無六凡之穢也。亦以琉璃下。如初變之中可知。目真鄰陀。此云石山。摩訶卽大石山。鐵圍山。亦有大小。用圍小千大千世界者。皆以鐵名。用表堅固也。亦鐵石成故。須彌。此云妙高。七寶所成。通爲者。因無諸山海所隔。爲一淨土。具莊嚴也。天台云。此以八

勝處三昧轉變自在之力表淨除塵沙惑也。○三
變二百萬億。

釋迦牟尼佛爲諸佛當來坐故復於八方各更變二
百萬億那由他國。皆令清淨無有地獄餓鬼畜生及
阿修羅。又移諸天人置於他土。所化之國亦以琉璃
爲地。寶樹莊嚴。樹高五百由旬。枝葉花果次第莊嚴。
樹下皆有寶師子座。高五由旬。亦以大寶而校飾之。
亦無大海江河。及目真鄰陀山。摩訶目真鄰陀山。鐵
圍山。大鐵圍山。須彌山等諸山王。通爲一佛國土。寶
地平正。寶交露幔。徧覆其上。懸諸幡蓋。燒大寶香諸

天寶華徧布其地。

此是第三翻變實報爲寂光土也。觀當來二字則前度十方諸佛未曾全來。佛知有未到之分身。故又廣變其土也。文中大意俱如前釋。直指云。已上三變之說。乃爲新記三乘人眾。外廣開佛見。內廣明佛知。故以初變此土。表轉入識。成方便土也。二變每方各增廣二百萬億恆河沙佛土。表轉入識見相二分心所。以成實報莊嚴土也。三變每方又各增廣二百萬億那由他佛土。表轉入識能所。以成寂光淨土也。蓋爲四聖六凡皆是入識受熏持

種。今三乘會眾。至此以信解。開佛知見。乃次第轉成智。故佛以三變示其所證之境。如此廣大。乃符前三翻獲記。以至漸離化城。頓到寶所之大案也。但因信入。非由行證。故曰變。然三聖土不離五趣雜居。是卽染而淨。故曰大眾見燒盡。我此土安隱。此誠爲開佛知見。天台云。此以十一切處三昧。於境無間所觀。使徧之力。表淨除無明惑也。

爾時東方釋迦牟尼所分之身。百千萬億那由他恆河沙等國土中諸佛。各各說法。來集於此。

此是方便有餘之境相也。而集於此。此字指靈鷲

山約理。指寂光土。先明此娑婆世界百億須彌之外。東方一面之佛。各捨本土爲眾說法。而來此會也。因光照東方故。東方先至。以表有餘次第之相。如是次第十方諸佛。皆悉來集。坐於八方。

此實報莊嚴景象也。次第者。指九方而言。故曰十方諸佛。直指云。以靈山爲主。而廣坐於大千界內之左右八方也。應上布座而坐。上言十方。今止言八方。以上下無佛座。表證中道如如之理。以顯實報之境也。

爾時一一方四百萬億那由他國土。諸佛如來。徧滿

其中。

此是寂光大集之景相也。前放光。每方各照五百萬億恆河沙佛土。每方應有五百萬億恆河沙分身佛而來。直指云。要知最初十方佛來。止有一百萬億恆河沙數。故今日。一一方有四百萬億。合前每方。足五百萬億。返推三變之時。後二變各二百萬億。合共四百萬億。則知初變不止變娑婆一世界而已。應變一百萬億之佛土也。故初變所來之佛。有百千萬億等。由此返推初變之次。云娑婆世界。即變清淨。是舉本以該其餘也。不可以辭晦意。

由此則知大千之士實爲五趣雜居四果出界外。已證一百萬億恆河沙佛界。是入識已破之量。直待入識見相雙融。始證實報見相雙泯。乃證寂光。如此景相。非佛眼不能窺也。⑥七與欲開塔分五。

⑧一諸佛問訊。

是時諸佛各在寶樹下。坐師子座。皆遣侍者問訊釋迦牟尼佛。各齎寶華滿掬。而告之言。善男子。汝往詣耆闍崛山。釋迦牟尼佛所。如我辭曰。少病少惱。氣力安樂。及菩薩聲聞眾悉安隱不。

此示十方大集圓行之景相也。各從本土而來。各

坐本座。正示是法住法位之果也。不親致敬而遣侍先白者。直指云。表體用皆如。各齎寶華。表化佛行中之圓行也。滿掬者。表萬行圓滿。善男子。是命侍之言。如我辭曰。是各教侍者至佛前依詞問候也。其間有四因。五趣眾生未出生死。爲病因。二乘未斷見思。爲惱因。中乘失於權實二智。未接如來氣分。失佛十力。爲不安樂。如來爲此三事。示生火宅。此三等人病。如來亦病。今十方化佛。問候安樂。探其根熟何如也。繼問菩薩聲聞悉安隱不。謂能安真際。而穩然於萬有不也。

以此寶華散佛供養而作是言。彼某甲佛。與欲開此寶塔。諸佛遣使。亦復如是。

此亦順世權宜。事不害理也。先散華。表遠來之敬。而後序陳本事。某甲者。是分身佛各教侍者。代稱已名之辭。此可見分身佛不皆同名釋迦。故前文云。我於異國作佛。更有異名。是也。與欲者。同欲也。謂十方大集分身諸佛。無不願欲開此寶塔。表三乘新記。以十種金剛定。破最後滅相無明。乃見空劫以前自性之主。此亦由多寶如來深重本願之所存矣。已上三身如來。一翻作用。而多寶本不動。

搖。是祖父從來不出門。釋迦雖放白毫光照。亦不曾動著絲毫。乃正中偏也。分身諸佛有來往相。是體用兼至。亦不過總爲三周新記。圓彰本有如來藏性而已。觀其境像儼然華藏莊嚴一幅全圖。惟看者子細着眼。看得清楚。卽自身周徧五百萬億恆河沙國。與諸如來。把臂同遊毘盧性海。何等欣幸。於者裏窺看不明。勢必又待當來更問彌勒。則可謂鈍滯極矣。故前文云。能聽是法者。斯人亦復難。學者珍重。○二釋迦開塔。

爾時釋迦牟尼佛。見所分身佛悉已來集。各各坐於

師子之座。皆聞諸佛與欲同開寶塔。卽從座起。住虛空中。一切四眾起立合掌一心觀佛。於是釋迦牟尼佛以右指開七寶塔戶。出大音聲。如卻關鑰。開大城門。

此是大集圓證之景。十方諸佛同集。如來一目周視無餘。是佛所見也。皆聞與欲開塔。是佛所知也。非佛知見。何以能盡其量。此亦爲新記人作知見榜樣。座起住空。直指云。是佛引新記。證無依智。不許執守。初獲真空理境。佛纔起立。而四眾同起。可見藥頭靈妙。至此前妄皆空。新獲不守。惟有一箇

見佛之心現前。故曰一心觀佛。△世尊以右手指
開塔。此處舉指。與最後之拈花。無二無別。塔戶頓
開。與迦葉之破顏。無增無減也。三周人從前雖有
信解。未得脫灑。今于如來指處。豁然開發。狀不止
天崩地裂。故曰出大音聲。將自來所有佛見法見。
一齊頓忘。始知一真法界。當體如如。則滅相無明。
瓦解冰消矣。卻關鑰者。卻猶除也。關是橫木。持門
者。鑰卽鎖也。庚三會眾見聞。

卽時一切眾會。皆見多寶如來。於寶塔中坐師子座。
全身不散。如入禪定。又聞其言。善哉善哉。釋迦牟尼

佛快說是法華經。我爲聽是經故。而來至此。爾時四
眾等。見過去無量千萬億劫滅度佛。說如是言。歎未
曾有。以天寶華聚散多寶佛。及釋迦牟尼佛上。

此明開塔後之見聞奇異也。直指云。一切眾會。該
十法界見字。卽見未有生佛已前之本覺也。全身
不散者。乃顯本覺之理。無明不能汨。劫火不能壞。
三毒不能侵。輪迴不能沒也。如入禪定者。顯本具
之智。不假修習而安如山。不假作觀而照如日也。
又聞其言讚佛讚法。此歎美緣因佛性也。正因雖
人人本具。非世尊厯劫接引。眾生不易到此。是則

緣因爲正。因之無上大師。故勸釋迦快說也。△古佛勸說者。由三身體具。會眾同臻。今正是時。宜當快說。又此歎前三周開顯。法說喻說。引古明今。所說快然。故至會眾利益無窮也。次下明會眾有如。是見聞。故歎未曾有。以花散佛。表依圓體而起圓行。亦是慶幸陳供也。○四二佛并座。

爾時多寶佛於寶塔中。分半座與釋迦牟尼佛。而作是言。釋迦牟尼佛。可就此座。卽時釋迦牟尼佛入其塔中。坐其半座。結跏趺坐。理本不二。而言分座。乃理智將融之際。分而卽合。

是不二之二也。智元是一而言入塔爲始本契合之時。惟同無異。是二而不二也。故天台云古佛塔現示滅而不滅。釋迦入塔示生而不生。不生不滅常住不移。廣大法身當處現前。故以二佛並座表之。庚五四眾請加。

爾時大眾見二如來。在七寶塔中師子座上結跏趺坐。各作是念。佛坐高遠。惟願如來以神通力。令我等輩俱處虛空。卽時釋迦牟尼佛以神通力接諸大眾。皆在虛空。

會眾雖得親見法身。由見量未忘。似尙疎隔一層。

故未卽證真空。是猶望佛以神力接之也。纔念及此。卽便見神力顯現。住無依智。與二如來同歸一處。方得謂之妙觀察也。又據事論。大眾念欲神力。而如來便與神力。正此之際。身不覺而舉。空不覺而躋。得非神力而何哉。分身遠集已竟。⑤三釋迦唱募。

以大音聲普告四眾。誰能於此娑婆國土。廣說妙法華經。今正是時。

從三周至此。迹門大業已畢。所謂羣機攝盡。生佛消融。真俗圓明。古今一色。出世本懷。於斯已畢。故

以大音普告。冀眾流通。大智高賢。在斯決志。

如來不久當入涅槃。佛欲以此妙法華經。付囑有在。此爲世尊示涅槃相。欲以此法付囑流通也。天台云。付囑者。佛在世時。隨機利物。不假於人。今化緣既盡。欲令此法利益無窮。故須付囑流通也。此有二意。一近令有在。付入萬舊住菩薩。此土弘宣。二遠令有在。付本弟子下方千世界微塵數菩薩。令觸處流通。直指云。如來圓證實相。凡聖兩忘。何生死之有。然爲火宅諸子。示現受生。如空花水月。幸諸子得出火宅。已證眞常。則佛之能事畢矣。故有

示滅之唱。①二偈頌。分三②一頌多寶滅度。

爾時世尊。欲重宣此義而說偈言。

聖主世尊。雖久滅度。在寶塔中。尙爲法來。諸人云何。不勤爲法。此佛滅度。無央數劫。處處聽法。以難遇故。彼佛本願。我滅度後。在在所往。常爲聽法。

此頌意借古佛而激勵會眾也。謂古佛已爲聖中之主。世間之尊。謂可智德備矣。久滅度。是二死永息。

斷德極矣。全身不散。可謂萬用深藏。何所不具。尙且不忘本願。爲法而來。汝等諸人。云何返不殷勤。爲證此法。云何二字。怪責之甚。此佛下四句。謂雖

入滅無央數劫。凡有說此經處。無不在會。爲此法難遇。故處處往也。次下出彼佛本願。一如前釋。(戊)
二頌分身普集。

又我分身。無量諸佛。如恆沙等。來欲聽法。及見滅度。多寶如來。各捨妙土。及弟子眾。天人龍神。諸俱養事。令法久住。故來至此。

知音謂。不惟過去一佛爲法而來。又我分身之佛。數如恆沙。亦爲法來。并見多寶佛故。各捨土眾。及供養事。無非欲令法久住也。

爲坐諸佛。以神通力。移無量眾。令國清淨。諸佛各各。

詣寶樹下。如清淨池。蓮華莊嚴。其寶樹下諸師子座。佛坐其上。光明嚴飾。如夜暗中。然大炬火。身出妙香。徧十方國。眾生蒙熏。喜不自勝。譬如大風吹小樹枝。以是方便。令法久住。

此頌變土。較長行甚略。而次第不局。其文易曉。但此補出諸佛身光。如夜暗之然大炬火。足見光明廣大也。又補出諸佛身香。普熏法界。足知聞香者不勝喜也。次補一喻。言十方分身散坐。八方如大風之吹小樹枝。無不乘風趣向。此皆是我釋迦如來。以方便故。令三周人圓證妙法。故結云。以是方

便令法久住。

⑤三頌釋迦付囑。分二。①一舉三佛以勸流通。告諸大眾。我滅度後。誰能護持。讀說斯經。今於佛前。自說誓言。其多寶佛。雖久滅度。以大誓願。而師子吼。多寶如來。及與我身。所集化佛。當知此意。

此頌募眾流通立誓。以堅其志也。直指云。初六句。宣眾還能者於佛前自誓擔荷。次四句。言多寶如來不違本誓。師子吼者。卽前如所說者。皆是眞實等語。末四句。一舉多寶。二舉自身。三舉化佛。惟此三句。是總攝前十一品所顯大旨。以多寶表新記

所悟本覺之理。以自身表新發始覺之智。以分身表新悟圓信圓解圓行圓證。三皆以身言。卽法報化也。當知此意句。謂我令汝等於三佛前發願。甚有深意。而此唯三佛共知也。

諸佛子等。誰能護法。當發大願。令得久住。其有能護此經法者。則爲供養。我及多寶。此多寶佛處於寶塔常遊十方。爲是經故。亦復供養。諸來化佛莊嚴光飾。諸世界者。若說此經。則爲見我。多寶如來及諸化佛。如來儘儘教人發願者。意欲未來一切眾生盡得開佛知見也。况願足以堅慈濟。如多寶無願。何能

處處現塔。釋迦無願。何能久默斯。要分身非願。何能普集靈峰。故教當發大願。令得久住。必使新記。因願護持。作將來眼。若有能發願護持此卷大經。則爲供養三佛及親見三佛矣。

②二舉能持法以勸流通。又二。庚一正舉勸。

諸善男子。各諦思惟。此爲難事。宜發大願。諸餘經典。數如恆沙。雖說此等。未足爲難。若接須彌。擲置他方。無數佛土。亦未爲難。若以足指。動大千界。遠擲他國。亦未爲難。若立有頂。爲衆演說。無量餘經。亦未爲難。若佛滅後。於惡世中。能說此經。是則爲難。

初四句。如來釋成教人發願之意。謂諸善男子。汝等各各審諦思惟。於佛滅後。能受持此經。最爲難事。若非願力堅持。則無以濟二利之功也。故今汝等速發大願。知音云。由此爲難事一句。引起下文二十餘行難不難之校。文不出持說二門。義不出神通智慧。皆以餘經與此經對校也。諸餘經典下。標起餘經智力神力可及者。餘經難而易。此經易而難。有六翻對校。然須彌難以手接。大千豈能足動。今皆不難者。以餘經所詮。神通人易信也。有頂乃色究竟處。與無色相鄰。最難以立。彼處天人多

厭色歸空。不能聞法。最難說經。今皆不難者。以餘經所詮。智慧人易信也。若佛滅後。能讀說此經。故不假接須彌等之神通智慧。直令聞者知舉手低頭皆成佛道。其誰能說能信。故曰是則爲難。此雙以餘經神力智力。單校此經讀說者爲難。故宜發大願一也。

假使有人。手把虛空。而以遊行。亦未爲難。於我滅後。若自書持。若使人書。是則爲難。

知音云。空無形相。難以手把。空旣被把。難以遊行。今皆不難者。餘經之神力易爲信也。然此經不假

把空等神力。但能自書。及使人書。則究竟涅槃常寂滅相。佛與大眾。已同住于空中矣。此單以餘經神力。單校書持此經爲難。故宜發大願二也。

若以大地。置足甲上。升於梵天。亦未爲難。佛滅度後。於惡世中。暫讀此經。是則爲難。

○大地難置足甲。卽置亦難升天。今皆不難者。由餘經之神力易也。此經暫時讀說。則已三變淨土。移天人置他土。其誰能哉。故宜發大願三也。

假使劫燒。擔負乾艸。入中不燒。亦未爲難。我滅度後。若持此經。爲一人說。是則爲難。

○乾草極易著。刳燒非常火。入中不燒。爲不難者。乃餘經之神力也。此經但能持說。卽爲一人。則知大眾見燒盡。我此土安隱矣。故宜發大願四也。若持八萬。四千法藏。十二部經。爲人演說。令諸聽者得六神通。雖能如是。亦未爲難。於我滅後。聽受此經。問其義趣。是則爲難。

○八萬法藏。及十二部經。一人難持。卽持難說。卽說亦難。令聽者得六通。今皆不難者。餘經所詮。說者聽者。神力智力也。此經若能聽受。一問其義。卽此現前六根。皆獲清淨矣。故宜發大願五也。

若人說法令千萬億。無量無數。恆沙眾生得阿羅漢。具六神通。雖有是益。亦未爲難。於我滅後。若能奉持。如斯經典。是則爲難。

○說法令一人得果。具通尙難。况千萬億等。今謂不難者。餘經所詮神力智力。可謂廣大矣。此經但能奉持一念隨喜。須臾聞之。卽得究竟菩提。况從法會出。卽第五十人功德。勝供養四百萬億六趣眾生。滿八十歲。復令得四果。亦所不及。故宜發大願六也。（庚）二釋勸意。

我爲佛道。於無量土。從始至今。廣說諸經。而於其中。

此經第一。若有能持。則持佛身。

此結顯勸持也。則持佛身者。所謂此中已有如來全身。

諸善男子。於我滅後。誰能受持。讀誦此經。今於佛前。自說誓言。

此處重呼重囑。無非要於持說二門。立堅固意。使此法久住。亦以結完宜發大願一句。

此經難持。若暫持者。我則歡喜。諸佛亦然。如是之人。諸佛所歎。是則勇猛。是則精進。是名持戒。行頭陀者。則爲疾得無上佛道。

此及下文皆結顯勸持也。要解云。所謂持經。非手執口誦而已。要以此道內自攝持。由是得無畏力故。是則勇猛超不退地故。是則精進內外自正故。是名持戒。塵勞自淨故。是爲頭陀。如此乃可疾得佛道。所以暫持爲難。而諸佛喜歎也。若雖能書持讀誦。而不能造此。其猶蠹虫食木。野鳥鳴春。風氣宣使。曾無意謂。又何貴於書持而稱難若此。學者當明深旨。以盡持經之道。則爲疾得無上佛道兩句。爲下龍女速得佛果之案。

能於來世。讀持此經。是真佛子。住洎善地。佛滅度後。

能解其義。是諸天人。世間之眼。

要解云。化澆漓世。必藉洎風。開人天眼。實資解義。於恐畏世。能須臾說。一切天人。皆應供養。

○所謂若見此法師。生心如佛想。此尊師重道。勉進弘持也。此明植因之大。爲提婆品張本。直指云。三根因信而證真素法身之理。故以法師品收前大要起後。從體修證。庶不坐執乾慧。是以塔從地湧。表法身迴出根塵。樂說騰疑。表自然之智發現。佛述多寶本願。分身普集圓證。光告十方。表果體徹於因行。諸佛普集。表因行該於果海。無作因果

互信。夫體用一如。三變土而成寂土。二如來總一
真如。三身一體。四土一心。十法界之大夢。當下豁
開。無邊際之佛果。刹那成就。迹門大業。於斯將周。
召眾流通。繼佛慧命。

妙法蓮華經授手卷第四之四

音釋

擴苦郭切張也 晦呼內切昧也 齋祖稽切持也 汨于筆切 躋音賈
通澆古堯切 漓呂支切

妙法蓮華經授手卷第四之五

清楚衡雲峰沙門智祥集

提婆達多品第十二

品節云。此品連下十品。通爲悟佛知見。且前判開佛知見。經文九品。示佛知見。獨一品。而悟佛知見。則十一品。其廣畧不一何也。須知開佛知見。但約三周開顯。三翻授記。歷九品卽周。若示佛知見。則直示目前心境之妙。令當下情忘。法身旣顯。淨土宛然。了則直下知歸。何須多說。至於悟佛知見者。以聲聞人。雖了悟自心。猶有歷劫無明習氣未盡。

狹劣知見未忘。故須多方調治。方得法身湛淨。抑
恐涉俗利生。不善方便。故預示種種守護之方。使
其不墮凡情。不生驚怖。此正如來廣大慈悲。所謂
預留醫方之喻也。然判悟之初。便以達多名品者。
顯悟有難易也。由諸聲聞久懷佛道長遠之怖。故
不生好樂。今既蒙授記。且必又歷多劫。方得證果。
恐復引起宿習。不肯勤求之念。故世尊自引本事。
不惜身命。勤求妙法。已至今日。始得究竟。此悟之
難也。又恐下劣之輩。懼難不進。故復引文殊龍宮
所化八歲龍女。獻珠之頃。卽成正覺。况海爲生死

沉溺之地。龍乃多嗔極毒之因。女爲陰柔垢濁之器。可謂最難化者。而當下轉凡成聖。卽證菩提。何其易易耶。良由親近大智。爲所依故。意令當機於佛滅後。當親最勝知識。可保妙悟之極致。永不墮二乘地。故列此以爲悟首。天台云。提婆達多。此云天授。謂從天乞得故。是斛飯王子。阿難親兄。入大乘論問。彼達多。世世爲佛怨。云何言是大菩薩。答。若是怨者。云何得世世相值。如二人行東西各去。步步轉遠。豈得爲伴。大雲經云。提婆達多不可思議。所修行業同於如來。若夫自造三逆。及教王害

父害母。如此等事。皆是大士善權設化。行於非道。通達佛道。爲懼惡人。令不起惡耳。直指云。前品現塔見身。三變淨土。雖爲三根人示圓行證。其實如來果境。於此全彰。夫有果必原其因。故於此自敘因中求法忘身之事。與上多寶如來爲法而來之本願。正相符合。所以品居見塔之後。卽以傳經之師而立品也。

③ 三發明弘經得果。舉古勸今以示流通。分二。
④ 一昔達多通經。釋迦成道。分三。
⑤ 一往昔師資。又二。
⑥ 一長行。分四。
⑦ 一求法時節。

爾時佛告諸菩薩及天人四眾。吾於過去無量劫中。求法華經。無有懈倦。

前品力勸會眾發願弘經。恐人勇力難生。故此便將自己與一切人。作求經法式也。諸菩薩。卽前在會及八萬新發心人。天人四眾。乃變土中。未移置者。下明時節言無量劫。應是大通之前。無懈倦句。是總標。向後皆表不倦之實。以至常不輕等。皆不倦事也。大都懈倦兩字。是諸苦的根本。一有懈倦。不唯佛不能成。法不能求。卽世網亦不能脫矣。

⑧二正明求法。

於多劫中常作國王。發願求於無上菩提。心不退轉。爲欲滿足六波羅蜜。勤行布施。心無憒惜。象馬七珍。國城妻子。奴婢僕從。頭目髓腦。身肉手足。不惜軀命。此明往昔損身求法。乃不倦之實也。直指云。舉常爲國王。發願求道。非僅王子之位也。爲滿足六度。是大乘志。勤行布施等。是外施。頭目等。是內施。舉此能行。乃策受持者之不宜懈倦也。

時世人民壽命無量。爲於法故。捐捨國位。委政太子。擊鼓宣令。四方求法。誰能爲我說大乘者。吾當終身供給走使。

人壽無量時實增劫。人世之榮甚長且久。國王之樂亦足樂矣。乃捐位委政而不顧者。總爲法故。非世榮比也。宣令而必擊鼓者。鳴求法之心也。求法而及四方者。徧求不已也。誰能爲我說大乘者。見所求非權乘小果也。終身供給。正應無有懈倦。句事。庚三求得法師。

時有仙人來白王言。我有大乘名妙法華經。若不違我。當爲宣說。

感旣誠而應必驗。仙人之來。理固然也。但仙人而曰我有大乘。亦是隨類顯應。非泛常所謂仙人也。

經名妙法華。仙人當必得名於過去之師。愈知此經沿流無始矣。國王願在得師終身供給。仙人願不違我當爲宣說。二願相堅。妙法自現。須知不違一句。仙人不啻與王謹立符券。從此百劫千生。如來分身於種種類中。含冤忍苦。畢竟無違。是不爽仙人之願也。庚四受法奉行。

王聞仙言。歡喜踴躍。卽隨仙人供給所須。采果汲水。拾薪設食。乃至以身而爲牀座。身心無倦。於時奉事。經於千歲。爲於法故。精勤給侍。令無所乏。捐寶位。如棄涕等。尊貴若奴僕。屈已如此。使天下

知有最貴存焉。足見世尊爲法爲人之苦心。又不止於今日矣。供給所須。須者樂欲也。仙人所樂欲者。不在果蔬。而在磨鍊。世尊以爲法爲人。故登山躡澗。無朝不設。身牀體座。無夕不施。如是晝夜靡間。可謂極勞苦矣。又必經千歲。可謂極含忍矣。噫。無懈倦之心。如此堅也。

④二偈頌。分五。⑤一頌求法時節。

爾時世尊。欲重宣此義。而說偈言

我念過去劫。爲求大法故。

此頌明求大法於久遠。以誌精進堅固也。我念者

卽如來以宿命智。通觀過去久遠。如今日所見。此是說已事不虛。令新記於未來成佛時。念因中求法。亦有今日也。庚二頌正明求法。

雖作世國王。不貪五欲樂。椎鐘告四方。誰有大法者。若爲我解說。身當爲奴僕。

世人以妄爲真。則五欲爲極樂也。至人知諸妄。而不貪世樂。求法師而不惜捐軀。可謂貴所當貴也。前日擊鼓。此曰椎鐘。只是要將殷勤求法之心。聲聞於四方也。庚三頌得說法師。

時有阿私仙。來白於大王。我有微妙法。世間所希有。

若能修行者。吾當爲汝說。

阿私。此云無比。然達多果號天王。人號天授。因號無比。三處名義。皆合法華。故爲法華之師。意明有如是因。得如是果。令新記人知因果昭彰也。長行曰不違我。頌中曰能修行。正見其不違。始能修。能修方不違也。○四頌受法奉行。

時王聞仙言。心生大喜悅。卽便隨仙人。供給於所須。采薪及果。隨時恭敬。與情存妙法。故身心無懈倦。普爲諸眾生。勤求於大法。

卽便隨三字。見得毫無顧戀。毫無濡滯。正應捐國。

委政句。情存兩字。乃專一懇摯之謂。世人作一事。便有倦心。只是情不存此耳。情存妙法。身心那得有倦。然此忍苦忍勞。豈僅爲身心已哉。亦以諸眾生各有佛性。但勤求的師範自我始耳。其意只要新記人毋就小果。當須永銳求進成已以成物也。樹實曰果。草實曰蔘。又云。果卽桃李之屬。蔘卽瓜瓞之屬。○五頌結證勸信。

亦不爲己身。及以五欲樂。故爲大國王。勤求獲此法。遂至得成佛。今故爲汝說。

此六句總束前文。教會眾當信當學也。前言爲眾

生求法。公心溥矣。此言不爲己身欲樂。私情絕矣。然如是勤求。使法容有不獲。佛容有不成。亦何必反覆絮絮述哉。惟一求卽獲。一獲卽成。所以不惜口舌爲汝說也。亦只是要新記人無有懈倦。必得成佛之實。⑤二結會古今。分二。④一正結會。

佛告諸比丘。爾時王者。則我身是。時仙人者。今提婆達多是。

此明古今不異法無二說也。直指云。我身卽是王身。形異而心一如也。仙人卽是達多。名異而法一如也。我由法而成佛。則法不可思議。法由師而傳。

我。則師不可思議。△此下明不思議之師。意謂陶成我者。卽今之達多也。磨鍊汝者。卽今之釋迦也。今旣如是。來亦當然。豈不信哉。④二明功報。分二。
⑤一明弟子因報圓滿。

由提婆達多善知識故。令我具足六波羅蜜。慈悲喜捨。三十二相。八十種好。紫磨金色。十力。四無所畏。四攝法。十八不共。神通道力。成等正覺。廣度眾生。皆因提婆達多善知識故。

此雖明自己因報。而實歸功於師。意在教會眾莫辜今日師訓也。他經多述求索頭目等。是爲佛滿

足檀度。并前五度。惟此經以傳法言。是兼滿智慧法也。故寶積經云。若無提婆達多善知識者。終不得知如來具有無量功德。故此亦言令我具足等也。四攝法者。天台云。一布施攝。若欲財者。以財攝取。若欲法者。以法攝取也。二愛語攝。以善軟之言。隨順眾生。安慰開示也。三利行攝。菩薩隨起身口意行。能令眾生各沾利益也。四同事攝。菩薩以法眼。明見眾生根緣。卽分形散影。和光同塵。共其事業也。四通稱攝者。以眾生情所愛者。同情接引。漸入大乘。所謂先以欲鈎牽。後令入佛智。餘皆如方

法華指掌疏卷第四之三
便品釋。謂成正覺。度眾生。二利功德。總由師之磨鍊所至。又見不違師訓之驗也。

⑧二明法師妙果當成。分三。⑨一證果。

告諸四眾。提婆達多。卻後過無量劫。當得成佛。號曰天王如來。應供。正徧知。明行足。善逝。世間解。無上士。調御丈夫。天人師。佛。世尊。世界名天道。

此處如來本舉遠因爲法。欲引新記。堅固不怠。而授記之言。不覺隨至矣。觀經前後。達多未預其會。他經云。因害佛故。感生身入阿鼻獄。佛遣阿難。致問苦樂。達云。我在此如三禪天樂。阿難云。何時方

出。達云。待釋迦入地獄。我卽出。阿難云。世尊豈有入地獄分。達云。我又豈有出地獄分耶。由此而知。如來與記處。正在達多決定不受處異哉。此處好生著眼。果號天王者。大窾云。有大威力。成就如來大因大果也。世界名天道者。天道無親。常與善人也。要知提婆今日之憎心。卽昔時之妙法。釋迦今日之冤家。乃昔時之知識。安可以兩人異視之乎。

⑧二化度。

時天王佛。住世二十中劫。廣爲眾生說於妙法。恆河沙眾生。得阿羅漢果。無量眾生發緣覺心。恆河沙眾

生發無上道心得無生忍至不退轉。

依正莊嚴雖不顯記。觀其說法受益者。槩可知也。佛既說法二十中劫。而亦廣開三乘。以至得果者。多多無盡也。⑧三滅後。

時天王佛般涅槃後。正法住世二十中劫。全身舍利起七寶塔。高六十由旬。縱廣四十由旬。諸天人民。悉以雜華。末香。燒香。塗香。衣服。瓔珞。幢幡。寶蓋。技樂。歌頌。禮拜。供養。七寶妙塔。無量眾生得阿羅漢果。無量眾生悟辟支佛。不可思議眾生發菩提心。至不退轉。正法與住世同劫。是彼佛利生之志。深且篤也。全

身不散。亦是合法久住之心不忘。塔高六十。廣四十。正表此理於四聖六凡。無不全體顯現。人民以十種供養。表十度圓成也。向下明供塔得果。不出三乘權實。⑤三勸淨心信。

佛告諸比丘。未來世中。若有善男子善女人。聞妙法華經提婆達多品。淨心信敬。不生疑惑者。不墮地獄。餓鬼畜生。生十方佛前。所生之處。常聞此經。若生人天中。受勝妙樂。若在佛前蓮華化生。

此處極讚信敬此品者。又是如來爲一切人。堅其無有懈倦而不違我之符券也。世人皆知調達爲

極惡人。而不知本是大賓伽羅菩薩。爲遮眾生起逆罪故。示現作惡。與華嚴之無厭足王等也。今如來已明示其因。而復記其果。恐據迹眾生。不生實信。故復勸敬信勿疑。若果能諦信。不惟惡道不生。而勝處常生。要使一切人自心中之調達滅。而伽羅現也。達多通經竟。①二今文殊通經龍女成佛。分二。②一文殊通經。分五。③一明智積請退。於時下方多寶世尊。所從菩薩。名曰智積。白多寶佛當還本土。

直指云。從上湧塔變土。引過去大因。證提婆妙果。

皆爲會眾。極顯真實。雖曰顯實。猶屬跡門。而本門
真實。尙未動著。其來助化者。自藥王大樂說。以及
智積。皆權智也。多寶之現。本欲爲一切人完美法
華三昧。而智積但見跡門實顯。便催本佛還歸。殊
不知途路未竟。以致本師不對。由本門大事未彰。
因此一舉。便引起世尊發軔顯本之源。故留智積。
以見文殊。令會眾更知有本門一大事因緣也。△
然智積於如來勸信之下。便請本師還國。試觀智
積之意。果欲還國耶。是別有爲耶。看經人。須將問
荅者與出證者。作一人看。庶不辜靈山一場局面。

④二世尊暫止。

釋迦牟尼佛告智積曰。善男子。且待須臾。此有菩薩名文殊師利。可與相見。論說妙法。可還本土。

此明佛留智積以待文殊。將彰本門大事也。天台云。如來雖留智積。其意在留多寶。以證本門。開顯佛之密意。非菩薩所知。△世尊教智積待須臾者。是立地得覩。此有者。卽不離當處可與相見。乃劃然開發之時也。論說妙法兩句。便是深談實相。究竟還歸也。⑤三文殊尋來。

爾時文殊師利坐千葉蓮華。大如車輪。俱來菩薩。亦

坐寶蓮華。從於大海娑竭羅龍宮自然湧出。住虛空中。詣靈鷲山。從蓮華下。至於佛所。頭面敬禮二世尊足。修敬已畢。往智積所共相慰問。卻坐一面。

直指云。佛謂此有文殊。今應念而至。已刺破一切人眼睛了也。序品文殊在座。與彌勒問答。今云從大海來。所以教人著眼這裏錯過。縱有多說。祇益勤勞。於已何益。欲知根本大智。不離當處湛然。欲知本門實主。不離生死大海。生死海中。撈摠佛性眾生。非文殊之大智莫辯。佛性眾生在生死海中。非釋迦之婆心弗救。本智不住於實理。故住在性。

空。本主不涉於今時。故安然靈鷲。大用現前。入生死海。大用歸體。仍入是山。當此之時。正是如如智。契如如理之境相也。但爲新記未解其義。故以實就權。往智積所。而智積遂得問其本門之大事耳。△文殊坐華。顯往來不出此蓮華藏也。俱來者皆如是坐。顯人人皆有此蓮華藏也。妙樂問。三變土中。無三惡道及諸大海。今何仍言龍從海出。答。今以三義通之。一者。旣移天人變大海。若從所移處來。應無遠弊。二者。海眾縱移。而龍宮不動。龍雖不動。而所居已變。從變而不變處來。有何不可。三者。

無緣被移。有緣今來。此不思議。山海宛然。

④四智積請問。

智積菩薩問文殊師利。仁往龍宮。所化眾生其數幾何。

此爲據迹之問也。智積者。表理智未融。而得是名也。意謂龍宮卑濕。非說法之場。龍性憍慢。非受化之機。但不知仁之所化幾何數也。⑤五文殊酬答。文殊師利言。其數無量。不可稱計。非口所宣。非心所測。且待須臾。自當證知。

此爲彰本之酬也。文殊以實智得名。實智之量。本

爲無量。意謂善說法者不擇地而施善度生者。不問機而教。地愈卑而化愈廣。機愈憍而意愈勤。此所以非心口可能宣測也。卽此便見文殊家風迥別。且待須臾兩句。更見斬釘截鐵。使徒有其言。不見其實。安見如來留智積之驗耶。如來教待須臾。文殊卽現。文殊教待須臾。隨眾卽現。此中響應。多少明白。

所言未竟。無數菩薩。坐寶蓮華。從海湧出。詣靈鷲山。住在虛空。此諸菩薩皆是文殊師利之所化度。具菩薩行。皆共論說六波羅蜜。本聲聞人。在虛空中。說聲

聞行。今皆修行大乘空義。

此正須臾得證也。直指云。承上自當證知。以釋非心所測之境。前化主與眾俱坐寶蓮。足見實相自具。校夫三周新記畢竟行滿功圓。方坐蓮華成佛。則權實霄壤矣。△出海詣空等。已如前釋。皆是文殊化度者。答其所問數也。其論說者。是互爲賓主。說六度法。本聲聞者。先稟權教。在海修習二乘法。今聞實法。則皆住大乘第一真空也。文殊師利謂智積曰。於海教化。其事如是。

此質彼所問也。言汝謂我所化之數。今既親見親

知。則汝已心領神會。其實如是。何復待吾與言哉。爾時智積菩薩。以偈讚曰。

大智德勇健。化度無量眾。今此諸大會。及我皆已見。演暢實相義。開闡一乘法。廣導諸眾生。令速成菩提。前四句是讚。謂文殊有大智勇故。入生死而不怯。大德健故。化眾生而無量。如此皆大會及我所親見者也。次四句是問。謂但不知仁者所說之法。還是唯闡一乘實相。廣度眾生。速證菩提耶。抑仍說三乘權漸法門乎。故下文殊有唯常宣說之對。

⑤二明所利益。分九。⑥一文殊自敘。

文殊師利言我於海中唯常宣說妙法華經

文殊因智積意有權實之問故此答以唯說妙法
是盡洗權執之見^④二智積發問

智積問文殊師利言此經甚深微妙諸經中寶世所
希有頗有眾生勤加精進修行此經速得佛不

前偈若通爲讚意至此不應作如是問故知後四
句另有有意焉^④三文殊致答

文殊師利言有娑竭羅龍王女年始八歲智慧利根
善知眾生諸根行業得陀羅尼諸佛所說甚深秘藏
悉能受持深入禪定了達諸法於刹那頃發菩提心

去華受手卷第四之五

左

得。不退轉。辯才無礙。慈念眾生。猶如赤子。功德具足。心念口演。微妙廣大。慈悲仁讓。志意和雅。能至菩提。此卽修行此經。速得佛果之證也。要解云。龍宮無數菩薩。皆是文殊化度。而獨舉八歲龍女成佛者。正顯佛性。不問男女。不拘老少。不擇異類。但根智利。必所造深。刹那回光。而菩提可至。亦是破三乘遠繫。而進其鈍滯也。大竅云。智慧利根四字。是總讚。善知下。方是別讚。言諸根者。卽信進念定慧五根也。行業。卽善惡業行也。此是知機。得陀羅尼等下。卽是知法。以智慧具足。故知機知法也。於刹那

下。別讚利根。初發心時。卽得不退也。辯才無礙。卽得四無礙智也。慈念眾生者。以慈修身也。功德具足者。萬行圓滿也。心念口演。卽自利利他。微妙廣大者。致廣大而盡精微也。仁者不自有其德。讓者不自張其功。和者無卒暴。故能就物。雅者無圭角。故能成物。由此女眾德具足。故能速至菩提也。△以八歲女而居異類。爲文殊盡力稱揚。則往世修因。又不啻與如來同叅阿私矣。須知文殊假此以破會眾權執。二乘之年。可謂曰長。二乘之類。可謂曰尊。但此速證菩提一事。偏獨歸之龍女。豈不大

較著哉④四智積生疑

智積菩薩言。我見釋迦如來。於無量劫難行苦行。積功累德。求菩提道。未曾止息。觀三千大千世界。乃至無有如芥子許。非是菩薩捨身命處。爲眾生故。然後乃得成菩提道。不信此女於須臾頃。便成正覺。

上所敘。是舉本而開跡。今所疑。是執跡而暗本。故返引釋迦久遠之因。以破龍女當下之果。殊不知大心之士。悟在刹那。中下之機。萬劫莫究也。要知原是智積故作不信。引起龍女忽現。以決八萬新記之疑。直指云。文有三段。一舉釋迦於無量劫以

苦行求道。應前達多而來。二舉苦行布施。卽此大千大地。無芥子許。非如來捨身命處。由是累劫修行。然後得成。三則不信此女成道之速。若果如此說。則釋迦不及龍女矣。蓋爲二乘人不知本有之佛。一往外求至此。雖開三顯一。又坐在權智有修證處。所以佛留智積。與文殊相見。特爲論說。此自性本有之佛。不假修證。故託龍女頓證。以遣權跡之執也。直將龍女與新記。會歸一本。始完此一大事因緣耳。△須知智積云。我見如來於無量劫。又云觀三千大千世界。如此見量。豈據跡者之所證。

耶。此又見智積之大智與文殊無間也。

④五龍女明圓。

言論未訖。時龍王女忽現於前。頭面禮敬。卻住一面。以偈讚曰。深達罪福相。徧照於十方。微妙淨法身。具相三十二。以八十種好。用莊嚴法身。天人所戴仰。龍神咸恭敬。一切眾生類。無不宗奉者。

○龍女不與師俱來。必待智積生疑。便乘機出現。使智積與新記。疑滯頓消。始見文殊鉗錘妙密。方契佛留智積之方便。令不虛設也。龍女以偈讚釋迦。足見非尋常也。第一句。以實智深。明罪福皆空。

卽此一句。是將無價珠。獻如來矣。以下皆爲此句
註腳。△忽現於前四字最微。蓋龍女雖以偈讚如
來。其實爲會眾發明實智平等也。以世情論。龍乃
罪相。菩提福相。不達者。罪福歷然。今日深達。卽是
實智圓明慧光普照也。此約能證。是般若德。微妙
等。約所證。是法身德。法身無相。故曰微。不妨具相
莊嚴。故曰妙。天人所仰者。是報化身。乃解脫德也。
由微故。天人所戴。由妙故。龍神咸敬。以此三德具
足。故爲一切之所宗奉。

又聞成菩提。唯佛當證知。我闡大乘教。度脫苦眾生。

法華指掌疏卷四之三
此四句是龍女將世尊文殊和而爲一極。爲新記
全身顯露也。言我成佛果。唯佛與文殊。自當證知。
此外皆不能知也。此是圓成三覺之義。成菩提是
佛。闡大乘是法。度眾生是僧。三覺既圓。萬德自具。
此豈滯迹者所能知也。④六身子權難。

時舍利弗語龍女言。汝謂不久得無上道。是事難信。
所以者何。女身垢穢。非是法器。云何能得無上菩提。
佛道懸曠。經無量劫。勤苦積行。具修諸度。然後乃成。
莫道身子真個有疑。蓋以女身垢穢。佛道懸曠。三
周新記胸中必有身。子故借他疑團。作自己問難。

引起龍女獻珠成佛。更速以決新記必有之疑也。文殊顯實。令智積生疑。便謂我見釋迦等。是因他疑他也。龍女明圓致身子生疑。便謂經劫勤苦。是以自疑他也。二皆有因。故致疑念頓生。言汝謂不久得道。我言佛道懸曠。汝言微妙法身。我謂汝身垢穢。以垢穢非器之身。成大寶最極之位。此實不可信。以懸遠積行之功。爲須臾一念卽證。是猶不可信也。此文兩節。一疑非器不成。一疑非時不證。又女人身。猶有五障。一者不得作梵天王。二者帝釋。三者魔王。四者轉輪聖王。五者佛身。云何女身速得

成佛。

女身五障不得成佛。正新記人胸中所疑之實。身子知得。故代他歷歷辨駁。以俟龍女發明也。梵王者。以淨修四等四禪爲因。女人姪恣無節。不得爲也。帝釋以勇猛少欲爲因。女人雜惡多障。不得爲也。魔王以十善具足。尊敬三寶爲因。女人毀失正教。不得爲也。輪王以慈愍羣萌。供養三尊爲因。女人慳態不淨。不得爲也。佛以修無量德。斷五住惑爲因。女人性多色欲。不得爲也。次總結二疑。故曰云何女身速得成佛。噫智積爲八萬新發意人。決

權疑生實信。身子爲三周新記。決跡疑生本信。意同語別。而與世尊文殊可謂唱拍相隨者矣。

④七龍女呈珠。

爾時龍女有一寶珠。價直三千大千世界。持以上佛。佛卽受之。龍女謂智積菩薩尊者。舍利弗言。我獻寶珠。世尊納受。是事疾不。荅言甚疾。女言。以汝神力。觀我成佛。復速於此。

龍女者。卽懷大寶之人也。今見身子作如是疑。亦不與之較論長短。但將無上一珠。持以奉上。是以水投水。佛卽受之。正如空合空也。雖曰價直三千。

試說大千世界價直多少。則知此珠畢竟是無上也。龍女於呈珠之後。始問二尊。言是事疾不。此欲二尊親口說出。方使會眾破男女相。破同異相。破久近相。破生滅相。故向下會眾。皆見有忽然轉變。成等正覺之境。

當時眾會。皆見龍女。忽然之間。變成男子。具菩薩行。卽往南方無垢世界。坐寶蓮華。成等正覺。三十二相。八十種好。普爲十方一切眾生。演說妙法。

言顯不如相彰。當時龍女。若向靈山會裏。論權說實。則轉見遲鈍。焉得今日使人人皆見實相真境。

也。忽然者。不待作念。變成男子者。變是轉義。男是陽性。况純陰無成。若不經轉變。終不能致繁興大用。言具菩薩行者。卽一念頓超。無行不具。此已卻二尊無量劫熏修之疑。則因行滿矣。往南方等。表大智圓明。纖塵不立之境。况坐蓮華具相好。而果德圓矣。此證讚頌中又聞成菩提之實。末三句。證讚頌中我闡大乘教之實。由是會眾明見其境。復有何疑。而不釋哉。④入時會得益。

爾時娑婆世界。菩薩聲聞。天龍八部。人與非人。皆遙見彼龍女成佛。普爲時會人天說法。心大歡喜。悉遙

敬禮

此是會眾親見親聞。非比量知也。證讚頌中度惱苦
眾生之實。始見一切眾生無不宗奉者。益明矣。
無量眾生。聞法解悟。得不退轉。無量眾生得受道記。
無垢世界六反震動。娑婆世界三千眾生住不退地。
三千眾生發菩提心。而得受記。

此述明彼此二土所得利益也。無量眾生等。彼土
蒙益也。六反震動者。彼土瑞應也。娑婆世界等。此
土蒙益也。得受記者。卽龍女普爲時會緣熟眾生。
作受記也。此卽普現色身三昧力耳。

② 九當機默信。

智積菩薩及舍利弗一切眾會默然信受。

默然者是會眾自證自得之境。非辯折屈伏也。然眾會信受固已。要知智積舍利非至此始信。若然者。則前番之疑亦真矣。須善會之。知音問。龍女成佛。何不通名。答。準起信論。信極真如者。離三種相。智積以歷劫久近爲難。文殊不辯。有龍女忽現。示此經離言說相。身子以男女垢淨爲難。龍女不辯。以寶珠奉佛。示此經離心緣相。成佛不言名字。但曰爲眾說法。示此經離名字相。以三相俱離。堪持

此經故繼之以持品也。引經得果已竟。

持品第十三

品節云。此品來意。由前敘昔因求法之難。引龍女成佛之易。以發會眾欣慕之心。而次以持品者。蓋此經爲諸佛之慧命。乃眾生之正因。如來滅後。人多弊惡。最難奉持。苟失其持。則佛種斷絕。此世尊之隱憂也。故諸菩薩默領佛意。安慰於佛。曰。願不有慮。各願奉持。廣說此經。不惜身命。而五百弟子。與學無學人。亦各發願於餘國說經。以娑婆人。多上慢。自量其力。不堪化也。然佛姨母。及諸尼眾。向

來自視女身多障。不敢希望。今見龍女成佛。自信有分。故特請授記。願於他國廣宣此經。亦見不退之心有在也。世尊復視八十億菩薩而不言者。意謂聲聞雖願持經。而未習涉俗之行。不知遠害之方。志力不充。恐被留難。使緣不廣。欲諸菩薩以調護之耳。諸菩薩默領佛意。齊發誓願。於如來滅後。周旋往返十方世界。唯以忍行。能令眾生受持此經也。品以持名者。持謂守其所有而不失。故此品單說持經之事。以明悟守之難耳。△持是總名。別有六種。卽受持讀誦解說書寫禮拜供養也。又有

能持所持二種。能持。卽菩薩羅漢及八十萬億大士等所持。卽妙法華經。有三種能持之人。亦有三種所持之處。謂二萬菩薩於此方持。一切聲聞於他方持。八十億大士。則周旋十方世界持。故總曰持品。①四勸發久修新證。奉旨受持。以領流通。分二。②一明受持。分三。③一菩薩持經。

爾時藥王菩薩摩訶薩。及大樂說菩薩摩訶薩。與二萬菩薩眷屬俱。皆於佛前作是誓言。惟願世尊。不以爲慮。我等於佛滅後。當奉持讀誦說此經典。後惡世眾生善根轉少。多增上慢。貪利供養。增不善根。遠離

解脫。雖難可教化。我等當起大忍力。讀誦此經。持說書寫。種種供養。不惜身命。

此先舉能持之人。藥王是七地菩薩。乃法師品中之所因者。樂說乃九地菩薩。是寶塔品中之請主也。因前聞世尊殷殷之意。勉勵會眾云。我欲以此妙法華經付囑有在。又云。此爲難事。宜發大願。而會中竟不見一人領受此經而發願者。故二大士領諸菩薩發願云。惟願世尊不以爲慮。此便是與世尊一肩擔取也。當奉持等。是舉所持之法。於後惡世。又是明持說之處。此下卽明五濁。天台云。眾

生善少卽眾生濁。多增上慢是見濁。貪利供養是煩惱濁。增不善根是命濁。遠離解脫是劫濁。若非深位菩薩忍力成就。安能於此濁世。弘通是經也。

⑤二聲聞發誓。

爾時眾中五百阿羅漢得受記者白佛言。世尊。我等亦自誓願。於異國土。廣說此經。復有學無學八千人得受記者。從座而起。合掌向佛。作是誓言。世尊。我等亦當於他國土。廣說此經。所以者何。是娑婆國中。人多弊惡。懷增上慢。功德淺薄。瞋濁諂曲。心不實故。此是有學無學二種人。發願於異國通經。是卽聲

聞得記。學菩薩行。習法師事之初心也。大窾云。弊
惡者。言娑婆世界人。實難化。懷增上慢。是弊多。功
德淺。少則惡多。瞋者。謂剛暴無柔和之色。濁者。謂
汙穢無清白之行。諂者。工媚悅而無丈夫之氣。曲
者。習逢迎而無質直之心。其人如此。故不可以真
實法授之。所以不願此國也。天台問。此諸聲聞。既
得授記。已登初住。破無明惑。得無生忍。成大菩薩。
何故不能於此惡世苦行通經。答。爲引初心始行
菩薩。未能惡世苦行通經。復起如來說安樂行也。

⑤三尼請歌記。分四。⑥一波提請記。

爾時佛姨母摩訶波闍波提比丘尼。與學無學比丘尼。六千人俱。從座而起。一心合掌。瞻仰尊顏。目不暫捨。

女眾披緇。乃波提最爲首唱。故先舉也。意欲發願持經。但未得授記。故不敢呈言。惟瞻視尊顏。希佛宣明而已。波闍波提。此云大愛道。

於時世尊告憍曇彌。何故憂色而視如來。汝心將無謂我不說汝名。授阿耨多羅三藐三菩提記耶。憍曇彌。我先總說一切聲聞。皆已授記。今汝欲知記者。將來之世。當於六萬八千億諸佛法中。爲大法師。及六

千學無學比丘尼。俱爲法師。汝如是漸漸具菩薩道。當得作佛。號一切眾生喜見如來。應供。正徧知。明行足。善逝。世間解。無上士。調御丈夫。天人師。佛。世尊。憍曇彌。是一切眾生喜見佛。及六千菩薩。轉次授記。得阿耨多羅三藐三菩提。

不稱母名。而稱道號。是以法爲親也。以何故憂色爲問。乃所以起授記之端也。憍曇彌。此云尼眾主。我先總記者。授五百弟子後。其餘聲聞眾。亦當復如是等。已悉言之矣。次記於多劫中爲大法師者。欲其廣宣大法。漸具福智也。及六千尼眾。俱爲法

師者。由尼眾福易植而慧難成故也。號一切眾生喜見者。以因植果。由因名愛道故。果得喜見之稱。而其間正像刦國等不言文畧故也。轉次授記。亦與五百弟子同例。④二耶輸請記。

爾時羅睺羅母耶輸陀羅比丘尼作是念。世尊於授記中獨不說我名。

此如來俗中婦也。佛爲太子時有三妃。以表三惑。悲華經謂佛姨母元爲水神。愛佛願大。故誓生生爲佛保母。耶輸爲須彌山神。名善樂華。愛佛願重。故願生生爲佛婦。今蒙佛教。俱得道果。故此請記。

佛告耶輸陀羅。汝於來世。百千萬億諸佛法中。修菩薩行。爲大法師。漸具佛道。於善國中。當得作佛。號具足千萬光相如來。應供。正徧知。明行足。善逝。世間解。無上士。調御丈夫。天人師。佛。世尊。佛壽無量阿僧祇劫。

果號具足光相者。因中作大法師。闡明如來大法光明故。然旣供無量佛。行無量行。說無量法。故壽至無量阿僧祇劫。亦是依因感果也。

③三尼眾領解。

爾時摩訶波闍波提比丘尼。及耶輸陀羅比丘尼。并

其眷屬。皆大歡喜。得未曾有。卽於佛前而說偈言。
世尊導師。安隱天人。我等聞記。心安具足。

此領記讚謝也。長文是經家敘其領記。偈中方是
尼眾讚謝。前二句讚後二句謝。言心安具足者。一
向自謂女道陰柔。於無上大果種種相好。必不能
得。今聞當得成佛。則二利圓福。智具。而此心安矣。
④四眾尼發願。

諸比丘尼說是偈已。白佛言。世尊。我等亦能於他方
國。廣宣此經。

聲聞不願於娑婆弘經之意。前已問明。但約內祕

外現。則在此娑婆。行道教化。累經多劫。如來滅後。輔化事訖。亦宜當入佛所安矣。明受持已竟。

①二明勸持。分二。②一長行。分四。③一佛唯默視。爾時世尊視八十萬億那由他諸菩薩摩訶薩。

此明佛意有待於諸菩薩也。天台云。眼視默勸。而不告言者。上來雖不別命諸菩薩。而如來已舉持經功德深厚。引證分明。又多寶分身。遠來勸發。此之殷勤。事義已足。有欲應命。宜卽發誓。無煩復言。又將護聲聞他方弘經之願。故不稱揚此土弘經之事也。④二菩薩請告。

是諸菩薩。皆是阿惟越致。轉不退法輪。得諸陀羅尼。卽從座起。至於佛前。一心合掌。而作是念。若世尊告。敕我等持說此經者。當如佛教。廣宣斯法。復作是念。佛今默然。不見告敕。我當云何。

此皆經家敘置。前四句明德。皆是二字。總標智德。皆無二也。阿惟越。卽位不退。轉不退輪。卽行不退。則所證所得。二俱不退矣。今見顧視。各從座起。事具師資之理。而默識如來之心。師不言而言。資無聽而聽。然意中所有迴環忖量。雖經家敘語。而後云。我當周旋往返等。便見諸菩薩有斯意矣。

④三默然知意。

時諸菩薩敬順佛意。并欲自滿本願。

此兩句。便寫盡師資之隱意。無餘矣。據佛意見。二萬菩薩。專於此土。一切聲聞。專於他土。是各有所拘。則不能盡十方際。使法有所偏也。據菩薩意。既曰轉不退輪。則不拒此而愛彼。一有偏拘。致本願不滿。故曰敬順佛意。自滿本願也。④四發誓通經。便於佛前作師子吼。而發誓言。世尊。我等於如來滅後。周旋往返十方世界。能令眾生書寫此經。受持讀誦。解說其義。如法修行。正憶念。皆是佛之威力。惟願

世尊。在於他方。遙見守護。

此足見諸菩薩知意之言也。知音云。便於下三句。敬順佛意也。我等下。自滿本願也。周旋者。無處不到。往返者。去而復來。如是則土不論淨穢。人不辯善惡。皆可教也。皆是佛力者。謂我等願雖如此。更須仗佛力加庇可也。在於他方遙見守護者。正要佛踐法師品中之約耳。△於佛前作師子吼者。自揣其力。於淨穢善惡中。皆可引經。而無所畏。故云爾也。在於他方者。謂我等雖在他方引經。惟願如來威神遙見而爲守護。是則地雖遙。而佛不遠也。

⑤二偈頌。分四⑥一披衣弘經。

卽時諸菩薩。俱同發聲而說偈言。

惟願不爲慮。於佛滅度後。恐怖惡世中。我等當廣說。
此去是諸菩薩一篇發願文也。此四句是總。知音
謂佛待機四十年。而說此經。可謂慮之熟矣。三周
後自知涅槃時到。慮滅後人畏惡世不肯廣說。故
自法師品已來。每每勸人發願弘經。可謂慮之遠
矣。今菩薩對佛發願。土不問淨穢。人不問利鈍。皆
願教化。則佛慮可釋。故曰願不爲慮等。
有諸無智人。惡口罵詈等。及加刀杖者。我等皆當忍。

此下總申惡義。然末世中人。所作惡行。不出乎三業。無智則意惡。罵詈口惡。加刀杖身惡。如此等惡。皆當忍受者。唯忍能化乎瞋。此是得引經正軌。惡世中比丘。邪智心諂曲。未得謂爲得。我慢心充滿。或有阿練若。納衣在空閑。自謂行眞道。輕賤人間者。貪著利養故。與白衣說法。爲世所恭敬。如六通羅漢。是人懷惡心。常念世俗事。假名阿練若。好出我等過。此申明有諸無智人一句。而形容意業之惡。知音云。惡世中比丘下四句。明動中意惡。言比丘者。正顯壞法不是白衣。乃獅子身中蟲也。上言無智。此

言邪智。謂無正智。而頗有邪智。其心不正。故曰諂曲。未得言得。卽生大我慢。故曰充滿。阿練若下八句。明靜中意惡。阿練若。此云無喧爭。卽山間林下。由其邪智惡增。或時居山林。著衲衣。形服俱似空閑。而心實喧爭。自謂已是真修。而返輕賤持經之者。△如此惡人。本爲貪著利養。與白衣說法。假裝形相。誑惑無知。彼無知者。聞其言。見其相。則敬之。如得通羅漢也。是人下四句。結明靜中所以爲惡。殊不知此等惡人。心常懷惡。日常念俗。由其名假形僞故。常於人前。返毀持經者有過。而被已過。下

出其所說之過。意雖毀人而言。言皆陳已肝膈。其實仍毀已也。

而作如是言。此諸比丘等。爲貪利養故。說外道論義。自作此經典。誑惑世間人。爲求名聞故。分別於是經。常在大眾中。欲毀我等故。向國王大臣。婆羅門居士。及諸比丘眾。誹謗說我惡。謂是邪見人。說外道論義。此申明惡口罵詈等一句。是形容口惡。知音云。而作如是言下。惡人反謗弘經比丘。爲貪利之人。又謗法華爲非佛說。謂是弘經者。自作以誑世求名。而爲人分別者也。常在大眾下。出所謗之方。在大

眾中。卽弘經說法之場。國王大臣。乃有權勢。能生殺之所。婆羅門居士。能美惡人之處。餘比丘。能隨世炎涼之士。於此諸處。皆生誹謗。言我爲邪人。謂我所說。俱非佛法。乃外道論義也。

我等敬佛故。悉忍是諸惡。爲斯所輕言。汝等皆是佛。如此輕慢言。皆當忍受之。

敬佛忍惡。與常不輕意同。言彼輕慢之人是佛。則見菩薩三業俱淨。與彼之心言俱異矣。

濁劫惡世中。多有諸恐怖。惡鬼入其身。罵詈毀辱我。我等敬信佛。當著忍辱鎧。爲說是經故。忍此諸難事。

我不愛身命。但惜無上道。我等於來世。護持佛所囑。世尊自當知。濁世惡比丘。不知佛方便。隨宜所說法。惡口而顰蹙。數數見擯出。遠離於塔寺。如是等眾惡。念佛告敕故。皆當忍是事。

此釋前總頌中及加刀杖者。我等皆當忍二句。形容其身業之惡。知音謂。後惡世中。有諸恐怖者。以見惡人之類廣。皆惡鬼入其心腑。不然。何辱我之極也。辱字含刀杖義。我等敬信。謂彼雖持毀罵利兵。亦無能破我堅甲。而我亦能忍此難事也。我不愛下。轉釋爲說是經等二句。我等於來世下。轉釋

我等敬信佛二句。世尊下。謂凡我所言。佛自當知。濁世惡僧。所以惱我者。由不知佛說。三乘原是方便。聞我直說一乘。犯彼所忌。故口則惡罵。眉則顰蹙。以致數數擯我。離於塔寺。雖有如是眾惡。我等爲敬順於佛。滿已所願。一一能忍也。通篇重在一忍字。致使法脈源源不絕。

④ 二入室弘經。

諸聚落城邑。其有求法者。我皆到其所。說佛所囑法。羶落句。猶俗云惡藪也。此是最難忍處。苟有求法兆。足行矣。此所以皆到其所而說所囑法也。要知

有求法三字。是得機施教。非販鮮魚輩滿街叫賣者比。④三坐座弘經。

我是世尊使。處眾無所畏。我當善說法。願佛安隱住。處惡眾如何無畏。仗世尊威力也。於惡眾如何亦善說。欲滿佛願也。蓋我是世尊使一句。正應法師品如來所遣使等文。我當善說法。卽還復長行作師子吼及轉不退法輪之意。願佛安隱住。卽酬復如來願視之心。所謂願不有慮也。⑤四總結佛知。我於世尊前。諸來十方佛。發如是誓言。佛自知我心。此明所願不虛。如來旣願視。我等敢不受承慈命。

也。況所願於十方國。周旋往返。忍諸難事。不唯獨對如來。況有分身諸佛與多寶佛。如此多佛證知。豈於世尊滅後。而不願奉持耶。但此願語。佛知我心。故不在再四敷呈也。然世尊爲欲流通此經。殷殷之心而顧視之。菩薩本欲流通此經。懇懇之誠而領受之。是知佛與菩薩。各爲此經。不啻肝腸血滴滴地。凡我等今得見聞。宜當深體此意。則不辜負多矣。勸發久修新證已竟。

妙法蓮華經授手卷第四之五

音釋

捐音爽

疏兩切明也清快也

赧音裸

軻

音揣

初委切量也度量而

也揣

妙法蓮華經授手卷第五之一

清楚衡雲峯沙門智祥集

安樂行品第十四

品節云。此品來意。由前諸菩薩等各願持經。以末法中多冤患難。須以忍行爲先。文殊意謂。雖能忍難。不若使無難爲安。故請世尊。說四安樂行。以爲示悟之多方也。四行者。一行處。二親近處。三深心。四大悲心。卽此四行爲末世弘經最妙法門。況行處近處。專精性戒。遠離譏嫌。則不犯眾難也。深心則不觸眾。永離怨恨。而自無過患也。大慈悲心。則

不捨眾生。常願教化。永無疲厭也。四行具足。乃得
悟守之力。以盡持經方軌。故說髻珠。以顯第一之
功。惟此四行。乃世尊垂訓。守護家業之軌範。則三
千威儀。八萬細行。備在於此。末法比丘。能持此行。
可謂不負深恩矣。△安樂對恐怖而言。前品雖是
諸菩薩以敬順佛故。忍諸難事。則實覺有難忍之
境。夫以難忍者。而勉力忍之。豈能久遠弘通哉。故
文殊知其勢不可爲。只得請佛。示行方法也。如來
因之。示以四法。使有刀杖而不加。有恐怖而不畏。
身安心樂。行之無難。而能使行人內明三德。外卻

諸擾。如出塵之珠。秋毫不染。似懸空之日。無暗不輝。卽是住大解脫安樂道場矣。天台釋此品有三。一依事。二附文。三法門。依事釋者。身無危險故安。心無憂惱故樂。身心安樂則能進行也。附文釋者。著如來衣。則妙法身安。入如來室。則解脫心樂。坐如來座。則般若行進。此約法師品文而釋也。若附當品。住忍辱地。故身安。而不卒暴。故心樂。觀諸法實相。故行進也。法門釋者。安名不動。謂住持中道。不爲六道生死之有。二乘涅槃之空。二邊所動。故樂。名無受。以不受一切諸受。故行。名無行。謂不行。

凡夫行。不行聖人行。以一切無所行故。約此三釋名安樂行。①五初心欣斯勝福。說安樂行。以便流通。分二。②一問。又二。③一歎深行菩薩。

爾時文殊師利法王子菩薩摩訶薩。白佛言。世尊。是諸菩薩甚爲難有。敬順佛故。發大誓願。於後惡世。護持讀說是法華經。

此歎前品深行菩薩。於濁惡世。能奉命弘經也。文殊謂諸菩薩爲難有者。深知其爲末世津梁故。不待請求方法。而自能弘通也。但新得記者。見諸菩薩。如是不惜身命。恐欲効行其事。畢竟遭其阻退。

故不得不請其說安樂行門耳。④二代初心請問。世尊菩薩摩訶薩。於後惡世。云何能說是經。

此菩薩卽理智未圓。真俗未會。僅得事忍。而未達理忍。但不知於後惡世。云何能說此經。始不爲人所辱。而兩全其化耶。①二答。分三。②一標四行章門。

佛告文殊師利。若菩薩摩訶薩。於後惡世欲說是經。當安住四法。

此標身口意誓願四安樂。也。行安住者。甯靜不動之象。卽依下文。四法攝心不動。觀法無我。稱性說法。

也。要解云。繼三業以大悲者。三業既正。則真智現前。必起利物之心。智悲相濟。弘經無難。④二釋修行方法。分四。⑤一身安樂行。又二。⑥一釋方法。復二。⑦一長行。又二。⑧一標近行。

一者安住菩薩行處。親近處能爲眾生演說是經。

此下初身安樂行也。天台云。行名進趣。近名修習。又行處是忍辱衣。近處是法空座。知音云。安住者。謂持經人先要安住已心於行止二處。行處。照方便品。盡行諸佛無量道法。親近。亦照佛曾親近百千諸佛。原說近諸佛。故不許近國王等。原說行道

法。故不在徒忍辱等。若能如佛所說。則可以爲人演說是經也。⑤二釋近行。分二。⑥一釋行處。文殊師利云。何名菩薩摩訶薩行處。若菩薩摩訶薩住忍辱地。柔和善順。而不卒暴。心亦不驚。

此明菩薩當如是行。自應無難。要解云。行處者。有事理。非事無以涉俗。非理無以契真。事理兼通。眞俗不礙。然後利生弘法。觸處安樂矣。先明事行。且行處必住忍辱者。六度適時爲用。而涉難莫尙乎忍。蓋趨事而動。則悔吝生焉。故須忍以御之。惟能忍。故於剛能柔和。而物不能挫。於逆能善順。而物

法華指掌疏卷五之一
四
不能害於事能審而不卒暴於微能察而所遇不驚。由是克成安樂行也。

又復於法無所行。而觀諸法如實相。亦不行。不分別。是名菩薩摩訶薩行處。

此明理行。法指一切所行法也。雖行是法。而不住相。名無所住。蓋有所則有能。能所角立。物我成敵。則患難生。而安樂喪矣。△法。卽菩薩所行自利利他世出世法。無所行者。卽不著相。謂我能作如是行也。此卽菩薩得如如智。乃爲破惑之本。觀諸法如實相者。實相無相要觀一切所行之法。皆如實

相而無有相。亦不行者。不見有能觀之智。卽觀諸法。而實相之心亦不行也。不分別者。亦不見有所觀之理。卽亦不行之心亦無所分別矣。此同圓覺云。遠離爲幻。亦復遠離。離遠離幻。亦復遠離。弘經人如是觀者。是名菩薩行處。癸二釋近處。分三。子一卽遠論近。復分十。丑一遠豪勢。

云何名菩薩摩訶薩親近處。菩薩摩訶薩不親近國王王子大臣官長。

此下釋近處。明遠十惱亂。乃卽遠論近。此第一遠豪勢。以免輕賤之辱也。勢位之尊。莫若當路。我苟

以利養爲心。彼卽以富貴驕我。勢所必然也。于斯不遠。必招輕賤之辱。此謗之所以來也。故世尊首戒焉。天台云。亦是附戒門。助觀行。前行處卽正行。直緣理境。住忍辱地。今近處卽助行。是戒門。廣出眾辱之緣。應修遠離。不同凡夫刀杖自防。亦非二乘棄捨不觀。但以正慧而遠離之。卽遠論近。故云親近處。⑤二遠邪人。

不親近諸外道。梵志。尼犍子等。及造世俗文筆。讚詠外書。及路伽耶陀。逆路伽耶陀者。

此第二遠邪人。以絕誹議之辱也。從邪者正必滅。

逞文者行必薄。一則守難破之詭僻。一則肆無名之毀譽。心不可問矣。于斯不遠。必招誑議之辱。此謗之所以來也。故次戒焉。天台云。人染邪法。迷於正理。名外道。梵志。卽婆羅門。此云淨裔。其人種類。自謂從梵天口生。在家事梵天。名梵志。出家外道。名尼犍。等者。等於六師。又尼犍。此云離繫。文筆者。文卽歌詩文。筆卽銘辭賦。顯德爲讚。寄情爲詠。外書。如四韋陀五明論等。路伽耶。此云惡論。逆路者。逆君父之論也。又路伽耶。名善論。師破弟子也。逆路名惡論。弟子破師也。慈恩基法師云。路伽耶名

惡對答。逆路卽惡徵問。⑤三遠克戲。

亦不親近諸有克戲。相扱相撲。及那羅等種種變現之戲。

此第三遠克戲。以免誑惑之累也。戲且無益。克何可言。乃逞一己之技能。遍亂人間之耳目。良可歎也。于斯不遠。必受誑惑之累。此謗之所以來也。故次戒焉。天台云。相扱相撲。皆克戲也。那羅延。此云力士。卽是角力之戲。疏云。那羅延上技戲。乃彩畫其身。作變異之相。又云。緣幢倒擲之類。

⑥四遠旃陀。

又不親近旃陀羅及畜豬羊雞狗。畋獵漁捕。諸惡律儀。如是人等。或時來者。則爲說法。無所希望。

此第四遠屠殺。以固善根也。惟善與惡。從不兩立。苟取利。不辭殺業。豈居心尙有仁慈。是不待辨也。于斯不遠。善根漸爲所移。此謗之所以來也。故次戒焉。天台云。旃陀羅。此云屠者。又云嚴熾。謂以熾然惡業。而自嚴飾也。若親近者。令人無慈。畜豬羊等。皆有殺害之心。名惡律儀。如是人來。當爲善巧說法。回其殺心。不可有希望意。知音云。此兩科。一以戲取利。一以殺取利。戒勿近者。以遠加刀杖之

患也。白虎通云。四時之畋。總名爲獵。又取獸曰畋。取魚曰漁。⑤五遠二乘。

又不親近求聲聞比丘。比丘尼。優婆塞。優婆夷。亦不問訊。若於房中。若經行處。若在講堂中。不其住止。或時來者。隨宜說法。無所希求。

此第五遠二乘。恐生懈怠也。道岸宜登。取法必上。其人安于小乘。其心必無大志。良非法侶也。于斯不遠。志氣漸流懈怠。此謗之所以來也。故次戒焉。天台云。二乘之人。沉滯空寂。不能發菩提心。故須遠離也。妙樂云。近二乘人。令人遠菩提故。西域三

乘人不雜處。故云或來。既未受大化。不妨順其小志而說。故云隨宜說法。而亦不可有心希求也。

⑤六遠欲想。

文殊師利。又菩薩摩訶薩。不應於女人身取能生欲想相。而爲說法。亦不樂見。若入他家。不與小女處。女寡女等共語。

此第六遠欲想。以防入邪也。易惑者女容。難鎖者情根。念慮稍不自貞。法體便成瓦裂。良可悲也。于斯不遠。誠恐入邪不覺。此謗之所以來也。故如來重喚文殊。以加戒焉。天台云。欲能殺害菩提心。故

取能生欲想者。或有染其形容恣態。語笑威儀。折
旋俯仰。皆能生於欲想。處女。未嫁者也。寡女。無夫
者也。△不生欲想則心淨。不樂見則眼淨。不共語
則口淨。三業既淨。而弘經有準。故知此爲淺行菩
薩之最要門也。⑦七遠不男。
亦復不近五種不男之人。以爲親厚。

此第七遠不男。以全正氣也。形分男女。氣稟陰陽。
彼漏因積於有生。而形態變於倏忽。皆姪氛所感
也。于斯不遠。恐正氣漸爲所耗。此謗之所以來也。
故次戒焉。妙樂云。五不男者。生劇妬變半也。生謂

從生以來。便無男根。劇謂以刀去勢者。妬。謂因見他姪而起妬意。姪心速起者。變。謂遇男變女。遇女變男者。半。謂半月能男。半月能女者。亦有五種不女。謂螺筋鼓角脈。⑤入遠危害。

不獨入他家。若有因緣須獨入時。但一心念佛。

此第八遠危害。以謹誤失也。俗不宜入。入豈容獨。倘彼因獨而縱情甚便。此亦因獨而忌憚不生。惡因成矣。于斯不慎。難免偶悞之失。此謗之所以來也。故次戒焉。要解云。不獨入。欲潔身也。但念佛。欲正心也。△佛教比丘入俗。當以上座及闍黎其往。

阿難由獨行故。至招登伽幻術所加。今謂有事緣。必欲獨入。宜以念佛自持可也。然念佛非云口念。要念念在佛。庶正念常存也。⑤九遠譏嫌。若爲女人說法。不露齒笑。不現胸臆。乃至爲法。猶不親厚。況復餘事。

此第九遠譏嫌。以正威儀也。口誦法言。身卽法體。況爲女人說法。持已尤宜莊嚴。何容輕肆也。于斯不慎。威儀殊覺多忒。此謗之所以來也。故次戒焉。天台云。露齒現臆。增他不善之心。爲女說法。當避譏嫌。爲法尙不得以親厚之。況餘事乎。

⑤ 十遠畜養

不樂畜年少弟子。沙彌小兒亦不樂與同師。

此第十遠畜養。恐妨正業也。道業精勤。多資師友。彼少年之閱歷。既淺。而耳目之嫌隙。易生。誠何益也。于斯不遠。正業多爲所累。此謗之所以來也。故終戒焉。沙彌。此云息慈。謂息世染。而慈濟眾生也。蓋畜養小兒。妨修正業。故須遠之。知音云。年既少。小多不省事。嚴訓之爲乏慈。寬待之爲失教。是皆妨吾修也。不樂同師者。處之和。致師所疑。防之切。爲師所惱。是皆擾於念。猶應戒也。凡此皆末世持

經者。杜譏免惡。成安樂行也。天台云。此十種惱亂。分爲二邊。九是生死。一是涅槃。二俱遠離。得成安樂。然以諸教論。但不近二乘。有異而須知。此是圓教行者。弘大乘獨妙之經。故亦遠小乘之人也。

①二卽近論近。

常好坐禪。在於閑處。修攝其心。文殊師利。是名初親近處。

天台云。此是附定門以助觀也。前十種是戒。後觀一切空是慧。今修空中三意。定心定處。定門也。心卽能期之心。期於破障顯理。卽修攝其心也。處。謂

閑居靜處。卽今在於閑處也。門。謂修定要門。卽今常好坐禪也。知音云。前惡比丘。假名阿練若。輕賤我等。由我在人間說法教化。今旣常好坐禪。在於閑處。則彼雖假名無喧譁。亦不能毀謗說我惡矣。

①三非遠非近。分三。②一總標。

復次菩薩摩訶薩。觀一切法空。

此卽非遠非近而論近也。天台云。此附慧門助觀也。初觀字卽標智。乃中道觀智也。一切法三字標境。卽十法界境也。空字卽結成智境。則能觀所觀皆不可得。而智俱空也。③二別釋。

如實相。不顛倒。不動。不退。不轉。如虛空。無所有。性一切語言道斷。不生。不起。無名。無相。實無所有。無量無邊。無礙無障。

如實相三字。別釋境也。天台云。空假二邊。對乎中道。非一異名。如非七方便之權名實。以實爲相。故云如實相。不顛倒等。別釋觀也。不顛倒者。凡夫依正之法。本無常而執爲常。本是苦而執爲樂。本無我而執爲我。本不淨而執爲淨。此凡夫顛倒也。二乘於此四德。又執爲苦。無常。無我。不淨。此二乘顛倒也。菩薩無此八倒。故云不顛倒也。不動者。不爲

分段變易二死所動。不退者。契寂滅理。心心不退。必至薩婆若海。不轉者。不如凡夫爲生死轉。不如二乘爲涅槃轉。如虛空者。但有名字。求不可得。觀智亦然。求不可得也。無所有性者。了一切法。無自他其離之性。此出性空之相也。一切語言道斷者。卽絕言思。爲空相之相也。不生者。所破之智。悉皆稱理。故曰不生。不出者。如來所治。全體卽是。故無可出。不起者。以入理故。方便理教。一切皆寂也。然此實相之理。名不能名。故性空。相不能相。故相空。故曰無名無相。此重牒前無所有等也。下又云無

所有者。乃重歎中道觀智之體無二邊之有也。無量者。非陰界入之有數量也。無邊者。非如偏小有分限法故。無礙者。徧入諸法故。無障者。無能遮止故。此中雖有多句。其實只是觀境相融一切法空也。

⑤ 三結成。

但以因緣有。從顛倒生。故說常樂觀如是法相。是名菩薩摩訶薩。第二親近處。

此總結上諸句。莫非因緣也。天台云。上直明中道觀慧。非解非惑。絕二邊之相。今明雙照二邊。從惑

因緣生生死。從解因緣生涅槃。以因緣一句。義開兩境。又因緣有卽有涅槃。顛倒生卽生生死。此則雙照義顯。知音云。前謂一切法空。卽陰處界一切諸法境智皆空。今復言有者。但以因緣有。非本來有也。旣皆不無。今又言無者。從顛倒生。故以言無。非本來無也。不有不無。乃真實法身之相。持經者常樂如是觀。而親近之也。

④二偈頌分三。⑤一頌標章。

爾時世尊。欲重宣此義。而說偈言。

若有菩薩。於後惡世。無怖畏心。欲說是經。

頌上欲說是經當安住四法。無怖畏者。由住忍地。雖則心不驚怖。更當要入行處。與近處然後乃可。

⑤ 二頌修行

應入行處。及親近處。常離國王。及國王子。大臣官長。兇險戲者。及旃陀羅。外道梵志。

入者。證入也。近者。謂外遠塵囂。內近於理。非謂一槩不近。此頌一離國王。二離兇戲。三遠屠兒。四遠邪智。義如前釋。

亦不親近。增上慢人。貪著小乘。三藏學者。破戒比丘。名字羅漢。及比丘尼。好戲笑者。深著五欲。求現滅度。

諸優婆夷。皆勿親近。

三藏學者。佛在波羅柰國。爲陳如等。說修多羅藏。在羅閱祇。爲須那提。說毘尼藏。在毘舍離獼猴池側。爲跋耆子。說阿毘曇藏。卽小乘三藏。名字羅漢者。謂假其名者。非實證得也。求現滅度者。非大乘器故。弘法華者。不得與之近也。

若是人等。以好心來。到菩薩所。爲聞佛道。菩薩則以無所畏心。不懷希望。而爲說法。寡女處女。及諸不男。皆勿親近。以爲親厚。

好心者。謂小乘欲聞佛道也。無畏者。由不懷希望。

也。如左溪尊者未嘗爲利說一句法。未嘗因法受一毫財。如是存心。始可謂之無希望也。諸不男者。意攝黃門形神不淨之流。

亦莫親近。屠兒魁膾。毆獵漁捕。爲利殺害。販肉自活。街賣女色。如是之人。皆勿親近。

分割其肉曰屠。細截其肉曰膾。又殺人者亦曰魁膾。買賤賣貴曰販。自媒其事曰街。以殺自活。舉體皆業也。以姪自街。舉體皆染也。近之豈但無益哉。兇險相撲。種種嬉戲。諸姪女等。盡勿親近。莫獨屏處。爲女說法。若說法時。無得戲笑。入里乞食。將一比丘。

若無比丘一心念佛是則名爲行處近處以此二處能安樂說

二處者卽行近二處也。法師能如是行。能如是不近。則眾難不干。說卽安樂矣。⑤三頌行成。

又復不行。上中下法。有爲無爲。實不實法。亦不分別。是男是女。不得諸法。不知不見。是則名爲菩薩行處。天台云。此頌前理行。上中下。卽三乘法。今約廢權說。故云不行。有爲是世間法。故不實。無爲是出世法。故實。△世出世間。皆是假名。旣觀一切法皆如實相。則唯一真空。豈又有生死可斷。涅槃可證。所

謂涅槃生死等空華。故實不實之法。皆不行矣。內
既不分實相。外豈分其男女。既內外一如。染淨性
空。終日行而無所行。故曰不得諸法。不知不見者。
非無知見。乃一理平等。無不知見也。如此者。可爲
菩薩行般若處。

一切諸法。空無所有。無有常住。亦無起滅。是名智者。
所親近處。

此別頌近處理行也。知音云。一切下。頌觀一切法
空如實相。及如虛空無所有性。無有常住一句。長
行無文。亦無起滅。頌前不起。長行無則。頌出之。乃

前後互現耳。△無常住。卽不住有無。起滅。卽不住空。旣得空有不住。方爲智者所行處也。

顛倒分別。諸法有無。是實非實。是生非生。在於閑處。修攝其心。安住不動。如須彌山。

此再頌行處理行也。知音云。頌謂無顛倒者。固不分別。而有顛倒者。則分別諸法有無是非虛實生滅也。在於下。謂持經者。旣知此顛倒分別。則其心不定。宜當於閒處修攝。使心安然。如須彌之不動。始得成安樂行矣。

觀一切法。皆無所有。猶如虛空。無有堅固。不生不出。

不動不退常住一相。是名近處。

前頌云。安心如山。明智此觀。一切法等明境。如虛空者。是萬法本無。不堅固者。是諸法如幻。不生不出等。總結一相常住。謂菩薩能如是觀者。始得安樂親近也。

若有比丘。於我滅後。入是行處。及親近處。說斯經時。無有怯弱。

此標行成。事成則外儀無失。理成則內心無滯。故說經時。無怯弱也。

菩薩有時。入於靜室。以正憶念。隨義觀法。從禪定起。

爲諸國王王子臣民。婆羅門等。開化演暢。說斯經典。其心安隱。無有怯弱。

此釋安樂之因也。天台云。因入靜室修禪定。故止於過惡。得人無我。外則不損。因正憶念修智慧。故離諸取著。得法無我。內無顛倒。是則心不怯弱。卽名安樂行也。△問。前教不親近國王等。此又教爲國王等開化演說。意復何如。答。前所謂勿親近者。由行人自利未充。恐爲勢利所動。且彼無誠求。而我欲親近。必致爲人所惡。今旣從禪定起。則以利濟爲心。況其心安穩。自不見有勢利可尊。如此說

法始是菩薩弘經大體庚二結行成

文殊師利。是名菩薩。安住初法。能於後世。說法華經。此召文殊。結其所問。初法者。卽身安樂。標雖獨身。文兼語意。其實三業互陳。汝問於後惡世云何能說。菩薩若安住初法。能於後世。可說是經也。

妙法蓮華經授手卷第五之一

音釋

捷經天切音堅 畋亭年切音田 膾古外切音塊 臆伊昔切音益 撲普下切音璞

胸臆之譚也 捷卽牡牛也 畋獵也又耕也 膾膾不厭細也 臆伊昔切音益 撲卽拂著也

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五五九年／西元二〇一五年六月

恭印：一〇〇〇套

流水號：13278
書號：CH331-07

法華授手（中冊）

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(〇二)三三九五一一一九八傳 真：(〇二)三三九一一三四二五

劃撥戶名：財團法人佛陀教育基金會 郵局劃撥帳號：〇七六九九七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三

本會經書免費結緣之請取方式如下：

(一)親臨本會三樓講堂。(二)利用傳真：(02) 23965959

(三)撥打電話：(02) 23951198 分機：11、12

(四)網址：<http://www.budaedu.org/books/>。(五)寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第 三 八 六 九 號



